


WANTOK



True
Buli Bit
Bilong
PNG.

Wan Wik, Februari 2-8, 2006 NAMBA 1645 NIUSPEPA BILONG YUMI OL PNG STRET! K1.00 long Mosbi tasol - Ausait Mosbi K1.30

U-Vistrek sekmani paulim Bogenvil pipel



Ol papamama long Bogenvil i kisim taim long kesim ol sekmani bilong U-Vistrek. Nogat luksave long 'Intanesenel Benk bilong Bogenvil' - PES 3

KOMENTRI: Wanem taim bai giaman pasin i pinis?

OL PAPUA NO INAP VOT

Bikos ol i tok ol i no bilong PNG - ol bilong Australia.

STRONGIM KONA:
Ol Papua manmeri husat i strong olsem ol i stap aninit long lukaut bilong Australia yet i karim flek bilong ol na tok ol bai no inap vot insait long 2007 nasenel ileksen.

Lukim stori long PES 8



LONG 2007

Skulim pablik long LPV - PES 3

Nupela Mosbi PMV - PES 8

Grasruts ken baim ol sea nau - PES 25

KEEP YOUR TOYOTA GENUINE

For a limited time only we are offering special pricing on ...

SUSPENSION

Toyota Genuine Shock absorbers are specifically designed for each individual Toyota model to optimise handling performance and safety.

CLUTCH

Toyota Genuine Clutches feature torsion rubber springs that provide balanced and quiet operation for a more comfortable driving experience.

BRAKES

Toyota Genuine Brake pads and shoes provide strong and stable braking combined with outstanding wear characteristics.

UNIVERSAL JOINTS

Toyota Genuine Universal Joints are made from premium materials to fine tolerances, required to provide a perfect balance and long life.

www.diamotors.com.pg | www.toyota-southpacific.com

Ela Motors



TOYOTA GENUINE PARTS

TOYOTA QUALITY SERVICE

HAP HAP NIUS

Pasim ol nait klab - Katolik sios

KATOLIK sios i kamapim strong-pela askim long olgeta nait klab insait long kantri i mas pas sapos i nogat gutpela wok tukaut i stap long was long ol.

Asbisop bilong Pot Mosbi Katolik Daiosis, Sir Brian Barnes i tok lotu bilong em i kros tru long ol sem pasin na tu ol pasin i no bihainim lo i wok long kamap insait long ol nait klab na ol arapela ples bilong amamas.

Asbisop Sir Brian i tok insait long Nesenel Kapitel Distrik tasol i gat samting olsem eitpela ten (80) ol ples bilong amamas na em i tok ol atoriti i mas lukluk long ol olgeta taim.

Em i tok ol nait klab long Mosbi nau i wok long kamapim ol hevi olsem pasin pamuk, dring spak na dispela i wok long bagarapim sindaun bilong ol famili.

Madang kalsarel so bai bikipela moa dispela yia

TUPELA distrik so long Madang bai winim lewa bilong ol manmeri long dispela yia bilong wanem bai nogat bikipela kalsarel sho.

Bargam Kalsarel So na Agrikalsarel So long Not Kos long Septemba 8-10 na Simbai Kalam kalsarel festival we bai ron inap wanpela wik long Septemba 18-22 em we planti manmeri na ol turis i ken rere long en long dispela yia.

So bilong Bargam bai i gat tu wanpela seremoni we ol yangpela mangi bai mekim hul long nus bilong ol na Kafam sho long Simbai bai gat ol lain i baim braid prais, kilim pik na tu stretim dinau bilong ol famili na wan wan man.

Prais bilong Globe tin mit i go antap

PRAIS bilong planti ol Globe tin mit bai go antap.

Idipenden Konsuma na Kompetisen Komisnin (ICCC) i tokaut olsem prais bilong ol kon bif tin mit we kampani James Barnes i save mekim bai go antap namel long 3.4% na 5.7% long ol wan wan tin na bilong ol katen bokis bai i go antap namel long 18% na 22%.

ICCC i tok olsem prais bilong ol tin we ol i save putim mit insait i go antap olsem na sapos ol i no apim prais bilong mit bai ol lain i save mekim dispela kaikai bai painim hat liklik. Prais bilong ol narapela samting ol i save putim insait long wanpela tin kon bif olsem mit na ol narapela kaikai na kos bilong leba o wok long mekim dispela ol samting i stap wankain.

Me'ekamui laikim moa tisa

Veronica Hatutasi i raitim

BOGENVIL Otonomes Rijen (BAR) i bin statim gut skul long dispela wik wantaim moa long 52,000 sumatin insait long samting olsem 560 skul long elementeri i go long Yunivesiti senta level.

Asisten Edukesen Seketeri Tony Tsora i tok em i amamas long olgeta skul i op long stat bilong nupela 2006 skul yia, na em i amamas moa tu olsem ol Me'ekamui long Saut Bogenvil na tu, ol lain i karimaut rotblok long Buin i sapatim edukesen sevis long Bogenvil na ol i givim tok promis long noken kamapim birua long ol tisa.

Sefti bilong ol tisa em i wanpela bikipela samting long Bogenvil, moa yet, long ol ausait lain bilong narapela hap bilong kantri.

Bogenvil i kisim samting olsem 200 nupela tisa long wok long ol skul long ailan. 150 em ol asples Bogenvil i pinisim skul long ol Tisa Kolis na ol arapela i kam long ol Niugini Ailan provins. Planti bilong ol em ol meri tisa na ol i wok long not na sentrel Bogenvil.

Mista Tsora i salim tok i go long ol tisa i bin aplai long wok long Bogenvil long dispela yia long toksave long em hariap na opis bilong em i ken stretim balus tiket



BUIN ROTBLOK: Ol lain bilong Koike long Buin Aropa rotblok.

bilong ol na ol i go hariap long wok.

Garanti leta Mista Tsora i kisim long tok promis long sekyuriti bilong ol tisa i kam long Siwai-Me'ekamui Distrik Etministresen opis long makim Royel Twin Kingdom gavman bilong Me'ekamui na Papala i tok ol bai no inap long wokim nabaut o bagarapim ol tisa husat bai i go wok long Bogenvil.

"Aninit long Me'ekamui Siwai opis, mipela i garantim sefti bilong olgeta tisa long Elementeri level i go long Sekonderi skul level. Kalsa bilong Twin gavman na Royel Me'ekamui Sekyuriti i luksave long humen rait bilong wan wan manmeri. Nogat Me'ekamui lain bai wokim nabaut o kamapim bagarap long ol samting i sut long edukesen na ol arapela

pablik eria we i givim sevis long kantri bilong mipela, Twin Kingdom bilong Me'ekamui na Papala," Thomas Wawoitu i makim opis olsem Distrik Etministreta long Siwai Me'ekamui na Papala gavman i tok. Narapela pas i kam long Kenel Damien Koike bilong Me'ekamui Difens Fos long Buin we i karimaut rotblok namel long Buin na Aropa. Em i givim ful sapat long Edukesen na Helt sevis. Na em i givim strongpela toktok olsem nogat meknais bai kamap long ol tisa long ol rotblok na ol bai lukautim gut ol tisa long ples ol i wok long em.

Na em i laikim tu televisen progrem we JICA i sapatim na putim kamap long Bogenvil i go long ol arapela eria olsem long Buin.

Mama grup wanbel long mekimsave bilong Yali

Sape Metta i raitim

OL MAMA grup long ol sios long Goroka, Isten Hailans husat i save sanap na wok strong long sapatim rait bilong ol meri na pikinini, na agensim ol hevi we i save kamap insait long ol famili na seksuel vailens o pasin nogut long ol meri na pikinini i tok amamas long Jastis David Cannings long mekimsave em i givim long bipo memba bilong Raikos na gavana bilong Madang, James Yali.

Bihainim ol ripot bilong Famili Seksuel Vailens Eksen Komiti (FSVAC) we i bin kamap long Wantok Niuspepa long wik i go pinis, ol mama grup long Goroka i tok em i taim bilong lo long PNG i mas luksave na mekimsave long ol man husat i save bagarapim (reipim) ol meri na pikinini.

Grup lida na mauseri, Helen Paul i tokim Wantok Niuspepa olsem ol man husat i save mekim ol reip pasin na bagarapim turangu ol meri na pikinini em ol i no man. Ol i olsem enimol na ol i no fit long i stap wantaim ol gutpela manmeri long komyuniti. Em i tok taim ripot bilong Yali i bin kamap long midia long nambawan taim, ol i bin sindaun, tingting na lukluk i stap long wanem samting em lo na jastis bai mekim long kes bilong em.

"Long lukluk na tingting bilong mipela, mipela i ting olsem Yali em i bikman na gavaman olsem na i luk olsem lo bai mekim disisen na salim em i go aut friman long wanem long planti ol arapela kot bilong ol lidaman husat em ol i save kisim sas long paulim ol pablik mani na ol arapela rong pasin em lo i save skelim na larim ol i go fri.

Mipela i bin kisim dispela tingting olsem i gat tupela kain lo i stap long PNG. Wanpela em bilong ol bikman na narapela em i bilong ol liklik man," Mis Paul i tok.

Tasol dispela i no bin kamap taim Jastis Cannings i sindaun long harim na skelim dispela kot. Na em i mekim rait disisen we i mekim bel bilong ol mama i amamas, long wanem ol i luksave nau olsem i gat wanpela lo tasol i stap, na i no tupela lo.

"Dispela disisen bilong Jastis Cannings i opim ai bilong ol bikman na ol arapela man tu long mekimsave em ol i ken kisim sapos ol i laik kamapim pasin reip long ol meri na pikinini," Mis Paul i tok.

Reip pasin go bikipela long Lae

Bustin Anzu i raitim

TOK lukaut i go long ol yangpela meri long Lae bilong lukautim gut ol yet na noken raun nating.

Bos bilong ol polis long Lae, Inspekta Simon Kauba i wokim dispela toktok bihain long pasin bilong reipim o bagarapim ol meri i kamap bikipela gen long Lae siti.

Long las wik, ol man nogut i bin reipim tupela meri we ol polis i holim ripot long ol na ol i mekim wok painimaut long dispela nau.

Mista Kauba i tok planti ol kain birua olsem em kamap long ol meri husat krismas bilong ol i stap namei long 12 na 16, we i wok long bungim dispela kain hevi. Ol i mas lukautim gut ol yet na raun na i no long raun nating nating.

Lae polis i mekim wok painim aut nau long wanpela 16-yia sumatin meri bilong Karkar Ailan insait long Madang we ol man nogut i holim pasim em na reipim em o mekim pasin nogut long em na long narapela yangpela meri i gat 18 krismas bilong Bumayong insait long Lae siti.

11-pela man nogut i bin bagarapim dispela Gret 5 skul meri inap long tulait bihain long wanpela

man we meri i luksave long en i bin pulim em long Top Taun bas stop na kisim em i go long olpela ples balus. Meri i ronawe na kam ripot long polis.

Lae Polis bos Mista Kauba i tok dispela kain pasin ol wokim em pasin bilong ol animel na ino bilong ol man husat i gat gutpela tingting. Na sosaiti i mas noken larim i stap na wokim dispela kain trabel.



Wok bung long skulim pablik

Neville Choi i raitim

TRIPLELA bikpela opis husat bai go pas long 2007 Nesenel Ilekseken nau bai wok bung long skulim pablik long yusim nupela Limitet Preferensel Vot (LPV) sistem.

Papua Niugini Iektorel Komisnin (PNGEC), Ombudsman Komisnin na Transparensi Intanesenel PNG (TIPNG) bai wok bung long tok klia long LPV vot sistem na Lidasip Kod bilong Papua Niugini. Dispela wok bung em bilong rereim ol pipel long 2007 ilekxen.

Tripela opis ya bai wok bung bikos i gat ol ripot i tok olsem planti pipel i stap long ol busples bilong kantri i no klia gut yet long LPV vot sistem.

Ombudsman Komisnin bai go pas long skulim pablik long Lidasip Kod na ol stret-pela pasin bilong lidasip. Iektorel Komisnin bai wok strong long skulim pipel long LPV, na TIPNG bai halivim narapela tupela long karim ol wok aweanes bilong ol i go aut bihainim ol wanwok bilong ol olsem Komyuniti Kolisin Agensim Korapsen (CCAC) na i go daun long ol pipel. Bikpela astingting bilong dispela wok bung em bilong kamapim ilekxen we olgeta manmeri insait long kantri i klia gut long rot bilong vot bihainim LPV na ol stret-pela pasin bilong ol lida.

Sapos ol pipel i klia long dispela tupela bikpela samting, bai ol i ken votim gut-pela manmeri i kamap lida.

Dispela LPV sistem bilong vot i bin kamap pinis insait long ilekxen bilong Bognevil long 2005, na ol bai ilekxen long Simbu, Is Sepik na Sentrei long 2004.

Kunai Strit - Sindaun long Setelmen



NESENEL Brodcasting Koporesen (NBC) wanpela redio stesen tasol we i stap insait long olgeta provins bilong kantri bai kamapim wanpela nupela redio program ol i kolim Kunai Strit - Sindaun long setelmen.

Dispela redio program i stap long tok pisin na ol asples PNG manmeri yet i raitim na i toktok long en. Albert Toro, biknem PNG ekta husat i bin ekt long piksa Tukana na narapela biknem PNG

meri raita Nora Vagi Brash i go pas long stretim stori bilong dispela program.

Kunai Strit bai kamap long Karai redio long tenpela minit i lusim 7 kilok olgeta Sarere nait long mun Februari na kamap gen long 2 kilok Trinde apinun.

Dispela nupela program i kamap aninit long wanpela wokbung namel long Australia Brodcasting Koporesen (ABC) na NBC yet bilong lukluk long ol developmen hevi insait long kantri



BIKPELA ren na win i wok long hamarim ol nambis bilong yumi insait long kantri. Dispela wik i lukim ol manmeri insait long Mosbi siti i kalap nogut tru taim bikpela win i kirap nating. Kapa i pairap, diwai i seksek, na ol manmeri i painim ples long hait insait long haus.

DISPELA i pinis na bai mipela i lukluk long 2007 ilekxen i stap. Sampela memba we ol i haitim pes long 4-pela krismas i go pinis nau ol i kamap ples klia gen. Planti manmeri i wok long tokaut nau: "Ilekxen i kam klostu na yu laik soim pes gen? Em orait. Bai mipela givim yu namba 4 vot aninit long LPV. Namba tri bai hat tru." Ol memba, tingting gut. Ol pipel i no-aipas moa.

STRONGPELA win na ren i kamap long biksiti Mosbi na ol woklain insait long wanpela bikpela stail opis long taun i kisim taim. Bikpela opis nating, na taim pawa blekaut i kamap, ol wokman i sindaun tuhat long tudak. Jenereta i nogat bensin. Mosbi, kam daun long mak bilong ol bus ples. Em orait, sampela taim i mas olsem.

TINGTING sore bilong mipela i stap wantaim ol lain turangu manmeri husat i kisim ol dispela sekmani bilong ol giaman mani bisnis. Sapos yupela laik skelim strong bilong ol gris toktok bilong ol lain i givim yupela sekmani ya, karim i kam long Mosbi na traim kesim long Papindo o TST supamakot. Bai nogat luksave bilong en.

PAPA Kanage i bin harim stori bilong nupela redio program bilong NBC we i gat wanpela mama i stap insait long stori. Taim em i harim nek bilong mama ya, em i ting mama em i wanpela bikpela meri tru. Tasol nogat. Em i lukim meri i wok long toktok ya, asua...em wanpela liklik yangpela meri. Em i no bilip. Olsem na mipela tok, nek bilong ol manmeri i narakain long pes bilong ol. Nek i ken giamanim yu tu.

U-Vistrek sekmani givim moa hevi

...Nogat nem long ol bikpela benk

Veronica Hatutasi i raitim

2006 SKUL yia long PNG i bin stat long dispela wik Mande Janueri 31 na planti papamama i brukim het long painim skul fi mani long putim ol pikinini bilong ol long skul.

Tasol long Bogenvil Otonomes Rijen (BAR), moa hetpen yet i kamap we sampela papamama na sumatin i no inap long kesim sekmani U-Vistrek Kwik Mani bisnis i givim ol long baim skul fi.

Stat yet long las wik, Benk Saut Pasifik (BSP) long Buka i lukim mak long 10-pela pipel bilong Saut Bogenvil eria husat i bin traim long kesim o putim skul fi sekmani i kam long U-Vistrek i go long ol Hai na Teseri skul we ol pikinini bilong ol i go long ol long nupela 2006 skul yia. Tasol benk i no kisim sek bikos nem na akaun namba ol i raitim long sek mani i no stap long sistem bilong BSP benk. Ol benk opisa i sori tasol ol i no inap long helpim ol lain na ol i askim ol long kisim sekmani

go long U-Vistrek na askim ol long givim kesmani long ol.

"Mipela i wok long lukim dispela ol sek pepa bilong U-Vistrek tasol mipela i no kisim bikos i nogat akaun nem na namba wantaim mipela. Stat long namel long las wik, sampela pleslah bilong Saut Bogenvil i kam wantaim man-imak bilong sek namel long K300-K500. Mipela i sekim olgeta samting, akaun nem na akaun namba i stap long sek pepa tasol i nogat rekot wantaim sistem bilong mipela. Mipela i sori long ol bikos ol i kam long longwe ples, tasol bai mipela i mekim wanem? Mipela i tokim ol

long askim U-Vistrek long givim ol kesmani na i no sekmani," BSP opis long Buka i tok.

Planti ol dispela papa na sumatin i tromoim bikpela mani long baim kar long Saut Bogenvil i kam long Buka na go bek. Wanpela pasindia i peim K100 long Siwai, Saut Bogenvil i kam long Buka na narapela K100 long go bek. Na ol i kisim dabel hevi taim U-Vistrak sekmani i bauns bek olsem.

Sekmani i kam long Intenesenel Beng bilong Bogenvil na nem bilong akaun em "King's Discretionary Kina Account"

na em i gat akaun namba tu long em.

Wanpela papa we pikinini bilong em i skul long Bogenvil Yunivesiti senta long Buka i bin kisim sek ya long U-Vistrek na taim em i kisim sekmani i go long BSP Buka, benk i no bin inap long kesim o stretim na putim long skul akaun bikos em (BSP benk) i nogat dispela akaun namba na akaun nem.

Asisten Edukesen Seketeri long BAR, Tony Tsora, i askim ol skul long salim husat papamama na sumatin i kam wantaim U-Vistrek skul fi sekmani long go long benk na sekim wantaim ol benk opisa na sapos olsem wanem, ol i ken putim i go long akaun bilong skul. Narapela tu em long askim U-Vistrek opis long givim kes mani long peim skul fi.

Seketeri bilong Edukesen Dokta Joseph Pagelio i tokim Wantok Niuspepa olsem em bai painimaut moa long dispela hevi i kamap, glasim na toktok bikos dispela em i bikpela samting we i karamapim eria bilong em.

TOK LUKAUT

Ol nem bilong ol Kwik Mani Bisnis insait long kantri we Benk bilong Papua Niugini yet i tokaut long en:

- " Money Rain
- " U-Vistract
- " Windfall
- " Bonanza 99
- " Hosava Stocks

" Papalain Association
" National Federation of Foundation

BPNG i givim strongpela tok lukaut long pablik long noken givim mani long ol ejen bilong ol dispela giaman mani bisnis antap.

Papa lusim mani long kwik mani bisnis

Sape Metta i raitim

SAPOS yu wanpela man o meri i wok hat tru long painim mani na isi tasol givim i go long ol ejen o ol mausman bilong ol kwik mani bisnis, bai yu no inap kisim bek mani bilong yu o winmani long en.

Taim yu harim gris toktok bilong ol nambawan taim, bel bilong yu bai kirap na bai yu givim mani long ol. Tasol long kisim bek, sore tumas, i luk olsem bai yu wet i go i go na bai yu dai, na mani bilong yu bai lus nating.

Dispela em i sampela toktok em Jay Kei, wanpela memba long Papalain Asosiesen long Goroka, Isten Hailans i mekim bihain long em i wet inap moa long tripela krismas long kisim bek mani na winmani bilong en.

Mista Kei i tok em i bin harim gris toktok bilong ol ejen bilong Papalain Asosiesen na i givim ol moa long K600 long 2003.

"Long nambawan taim long mun Januari 2003, taim ol ejen ya i kamap na toktok long salim ol tiket long mi, bel bilong mi i kirap na mi bin baim K650 we mi bin baim bilong meri na sikspela pikinini bilong mi tu," Mista Kei i tok. "Ol promis em ol Papalain Asosiesen ejen i tokim mi i olsem, antap long olgeta K50 em bai ol i bekim na givim mi K50, 000. Em i olsem ol bai bekim bek K50 bilong mi wantaim K49,950 winmani. Em long wanpela."

Long K650 em i bin baim, ol i tok em bai kisim bek winmani inap long K299, 350.

Moa long tripela yia i go nau na em i no kisim bek wanpela toea. Mista Kei i tok ol ejen bilong Papalain Asosiesen i save raun i go insait long ol hauslain na ples long salim dispela ol tiket bilong ol.

Ol i mekim olsem na planti turangu ol ples manmeri, sampela long ol em ol lapun manmeri, i pundaun long gris toktok bilong ol na lusim planti mani long baim ol tiket long kamap memba long dispela Papalain Asosiesen.

Tok promis em ol ejen i mekim long ol manmeri em long taim ol i baim pinis ol tiket na kamap memba, ol i ken wet na bihain long wanpela wik bai ol i ken kisim bek mani na winmani bilong ol.

Mumeng rot i pas

Bustin Anzu i raitim

MOA long 15, 000 manmeri insait long 12-pela ples long Mumeng i kisim taim long kam aut long bik rot na go long Lae siti long wokim bisnis. Dispela hevi i bungim ol bihain long graun i bruk na kamapim birua long 13-pela manmeri long las wik we ol i dai pinis.

Ol dispela ples we stap anitim long Wod 1-17 bilong Mumeng Lokol Level Gavman Kaunsel i bungim dispela birua long wanem wanpela rot tasol bilong ol em wara i kisim na bagarapim.

Dispela birua bilong wara i rausim ples na graun i bruk long nait bilong Januari 20 i givim pinis dispela hevi long ol. Traipela ren i bin pundaun antap long het bilong Wara Pindeng i mekim na planti

ples klostu long wara i bagarap pinis. Hai wara i ron i go antap long ol sait na brukim ol gaden kaikai samting na kisim ol man meri bilong ples Bapa wantaim.

Wanpela grup bilong Provinsel Disasta Opis bilong Morobe Provins i go pinis long dispela ples bagarap long kisim ripot na painim sampela helpim bilong ol dispela lain. Insait long dispela hevi, 13 pela man meri, wanpela bilong ol dispela em bebi, graun i bin karamapim ol. Wanpela wokman bilong Morobe Disasta opis i tok planti bilong ol dispela pipel bai hat long kam aut long bikrot long wanem, wanpela rot bilong ol tasol em pas.

"Wara Pindeng i rausim olgeta rot bilong dispela hap, we i save joinim Buang wantaim bikrot bilong Bulolo/Wau na dispela bai

kisim sampela taim long stretim dispela rot.

"Nau tasol, rot igo long dispela hap em ol i klinim pinis na mekim isi long kisim helpim long narapela. Dispela em mekim isi long ol lain go insait long ol dispela ples ol i kisim bagarap na givim ol helpim samting." Roy Kamen i tok. Em i tok tu olsem wanpela tim bilong haus sik i go long sekim ol lain i kisim sik long dispela birua tasol ol rot i go insait long ol narapela hap bilong Buang i wok long pas yet.

Supavaisa bilong Morobe Provinsel Woks Jim Wari i tok wanpela rot tasol em long rausim olgeta ston long rot na ol pipel i ken yusim dispela rot long nau na bihain ol i painim mani long stretim dispela bris, we wara i rausim i go.

Ol sumatin wetim yet tiket

Bustin Anzu i raitim

MOA long 150-pela sumatin insait long kantri i wetim tiket bilong go long skul Wawin Nesenel Hai Skul insait long Markham, Morobe Provins.

Ol dispela sumatin bilong ol provins olsem Manus, Is na Wes Niu Briten, Wes na Is Sepik, Bogenvil, Milen Be, Oro, Sentrel, Galp na Westen i no kam yet long skul.

Long dispela 250 sumatin ol i go pinis long skul long Sande, em ol bilong Morobe yet, Madang na ol Hailans provins.

Skul principal Tetang Punumping i tok Edukesen Dipatmen bai givim tiket bilong ol long kam kamap long Nadzab ples balus na go long skul. I luk olsem ol tiket bai redi long dispela wik.

Em i tok tu olsem skul i laikim 15-pela nupela haus bilong ol tisa mas redi long taim skul i laik stat.

"Nau yet, mipela i gat 23 tisa na

tripela moa bai kam. Planti tisa moa i laik kam tasol i no gat haus bilong slip." Mista Punumping i tok.

Em i tok dispela skul em ol i bin wokim long kisim 800 sumatin tasol nau yet ol i ken kisim 400 tasol long wanem wara na spes tu i liklik.

"Mipela inap long kisim 8-pela klas bilong Gret 11 na wankain namba bilong Gret 12. Tasol nau yet mipela i gat 5-pela klas bilong tupela gret wantaim. Em long dispela hevi bilong wara saplai na spes bilong skul," em i tok.

Long wankain taim, ol skul fi bilong ol skul insait long Morobe bai stap wankain olsem las yia yet na bai i no gat senis. Tasol ol bai lukim namba bilong pikinini i go antap moa.

Planti long ol dispela Praimeri skul long Lae siti i soim olsem namba bilong ol sumatin i surik i go antap na daunim namba bilong las yia. Planti long ol dispela em long ol Gret 7 i trense i kam insait na ol fida skul i salim ol Gret 3 bilong ol i kam insait long skul.

PNG Red Kros helpim Manam pipel wantaim haus slip

Michael Novingu i raitim

MOA LONG 500 famili bilong Manam Ailan insait long 4-pela kea senta long Bogia long Madang i ken amamas long sindaun insait long gutpela haus long stopela taim long wanem PNG Red Kros Sosaiti i bin helpim ol long wokim haus bilong ol.

Dispela em toktok bilong Siaman bilong PNG Red Kros Sosaiti Bernard Lukara taim em i lukluk raun long ol wok kamap insait long ol kea senta las wik.

"Mipela i bin i stap wantaim ol Manam Ailan pipel taim maunten paia i bin pairap na bagarapim ples bilong ol we mipela i helpim ol long kandis na wara kontena bilong putumapim wara long stap bilong ol long stopela taim. Tasol long wok painimaut mipela i karimaut i soim olsem ol dispela kandis i no gutpela long i stap insait long em moa long tripela mun," Mista Lukara i tok.

Bihain long dispela wok painimaut, PNG Red Kros i baim ol diwai na ol arapela samting bilong wokim haus long ol bikpela Bogia long wokim gutpela na stretpela haus bilong ol long slip.


Mani mak olsem K1 milien i kam long kantri Swiden aninit long Intanesenel Federesen bilong Red Kros na Red Kresen we ol i givim long PNG Red Kros Sosaiti long kamapim dispela projek.

Projek ya bai pinis long mun Mas.

Em i go moa na tok sindaun bilong ol Manam pipel insait long 4-pela kea senta bai kamap olsem wanem bihain long Red Kros i lusim ol, em bai stap long han bilong Madang provinsel gavman long sindaunim ol long narapela hap bai ol i stap olgeta long wanem Manam Ailan i no moa gutpela longi go bek long en.

Mista Lukara na Deputi bilong em Mista Winston i tok tenkyu long ol arapela NGO na ol volantia bilong PNG Red Kros Madang long gutpela wok ol i bin mekim long helpim ol Manam pipel long taim nogut.

- Red Kros helpim komyuniti - PES 8



back to school FEES

K100,000

bilong ol skul fi long winim

Baim paket Ramu Sugar long stap insait long dispela resis.

Raitim bekim long entri fom na pasim wantaim wanpela paket i nogat suga long en long soim olsem yu bin baim.

Salim entri bilong yu i kam long Ramu Sugar Back To School Promotion C/- Locked Bag Service Lae, Morobe Province, o putim insait long entri bokis i stap insait long wan wan ol stua.

Dro o taim bilong painim ol wina bai kamap long Fraide long olgeta wik stat long namba 27 de bilong mun Januari na bai pinis long namba 24 de bilong mun Februari.

Ramu Sugar back to school promotion

Name:.....

Address:.....

Phone:.....

POST TO:
Ramu Sugar Back to School Promotion.
C/-Locked Bag Services Lae,
Morobe Province
Papua New Guinea

Bai i gat 40 manmeri i ken winim K500 wan wan wik inap long 5-pela wik olgeta

Dispela resis bai pinis wantaim las entri o pas ol i kisim long namba 24 de bilong mun Februari

Hannett singaut long wok bung

Aloysius Laukai
i raitim

SINGAUT i go long olgeta Bogenvil lida long wok bung wantaim long developim na strongim bek Bogenvil.

Nupela Bogenvil Rijinel memba Leo Hannett i wokim dispela toktok bihain tasol long saining bilong rit pepa long pinisim olgeta wok

bilong bai ileksen.

Mista Hannett i tok strong olsem em bai wok wantaim Presiden bilong Otonomes Bogenvil Gavman (ABG) Joseph Kabui na lain bilong em long strongim gutpela sindaun long rijen.

Em i tok i nogat taim long pilai politiks tasol bikpela samting em long ol lida i wok bung wantaim long gutpela

bilong rijen na pipel bilong em.

Mista Hannett bai bung wantaim Mista Kabui na gavman bilong em long toktok long ol rot bilong strongim komitmen o plen long yunait na wok long gutpela bilong ol pipel long rijen na PNG.

Taim em i tok tenkyu long ol kendidet i bin lus, em bin tok em bai wok wantaim ol olsem

nupela rijinel memba bilong Bogenvil.

Mista Hannett i bin wokim tok promis olsem em bai go lukim ol lida bilong Me'ekamui sait long traim painim rot bilong painim gutpela sindaun bai stap oltaim. Em bin tok Bogenvil i noken mas bruk bruk i stap na em i taim nau long olgeta pipel i yunait, lusim tingting long ol samting i kamapim bel nogut namel long ol na wok olsem wanpela pipel.

Long wankain taim tu, Presiden Kabui taim em i autim tok amamas long win bilong Mista Hannett i bin tok em i amamas long harim tok-tok long wok bung wantaim em na ABG.

Em bin tok wanpela rot tasol bai Bogenvil i go het em long ol Bogenvil lida i wok bung

wantaim olsem wanpela tim na maski long pilai politiks. Mista Kabui i tok gavman bilong em i bilip long yunaitim ol pipel na dispela em long kamapim "gren koalisen" we i gat tu Nesenel Alaiens Pati memba long kabinet.

Em i tok Bogenvil i noken larim pati politiks i bagarapim samting em bin hatwok tumas long planti yia long kisim.

Planti lain i bin salim tok amamas toktok long PNG na ovasis i go long win bilong Mista Hannett. Tupela long ol em Paul Nerau husat i wanpela Bogenvil bikman i wok nau long PNG Konsulet long Kens, Australia na pastaim Bogenvil Gavana John Momis husat nau i wok long Yunivesiti bilong Saut Pasifik long Fiji.

Chan belhat long nesenel gavman

...Watpo nogat tok klia long nupela wok maining?

NAMATANAI memba long Palamen Byron Chan i autim no amamas bilong em long Nesenel Gavman na em i putim salens i go long em (Nesenel Gavman) long tingim na mekim gut long ol pipel bilong Nu Ailan.

Mista Chan i autim bikpela tok kros bilong em bihainim tupela nupela maining operesen i kamap long Namatanai Distrik tasol ol pipel i no kisim wanpela gutpela samting long ol.

Simberi long Tabar Ailan na Nautilus Minerel long Komalu Bei long Wes Sentrel Nu Ailan we ol i wokim Dip Si maining em tupela nupela maining operesen we Mista Chan i toktok long ol. Na em i laikim Maining Minista Sam Akoitai na gavman long givm tok klia watpo Maining Dipatmen i no givim aut infomesen na aweanes i go long ol pipel bilong Namatanai long tupela projek ya. Em i tok insait long 10-pela yia Lihir Main i operet, ol pipel bilong em i no kisim wanpela gutpela samting long en.

"Ol pipel bilong mi long Namatanai i bungim hevi long wanem i nogat gutpela rot, helt na edukesen sevis i no go gut long ol ples. Ol rot na bris long Buluminski Haiwe, em namba wan bikpela rot long PNG we ol i tokaut olsem em i nesenel haiwe i no kisim wanpela helpim long stretim ol long mani we Lihir na ol arapela main long distrik na provins i kamapim," Mista Chan i tok.



Foto: Aloysius Laukai

MAK BILONG WOK BUNG: ABG Presiden Joseph Kabui i sekanim Leo Hannett bihain long opisel toksave olsem Mista Hannett i winim Bogenvil bai-ileksen.

LPV i bin wok orait

Veronica Hatutasi
i raitim

LEO Hannett em namba tu Primia bilong Bogenvil long 1980's husat i gat biknem tu long kantri we i bin holim sampela bikpela wok long gavman na praivet sekta i winim bai ileksen las wik na kamap Rijinel memba bilong Bogenvil Otonomes Rijen (BAR).

Em bin kisim 17,419 vot long win we i makim 59.39 pesen vota i givim mak bilong ol aninit long nupela rot bilong vot em Limitit Preferensel Voting (LPV) sistem.

Kamap namba tu long dispela bai ileksen em narapela bikman husat i pastaim Sief Ombutsmen Komisina na Palamen Klak, Simon Pentanu wantaim 11,911 vot. Ol narapela 4-pela i bin resis long bai ileksen na ol i lus bihainim LPV sistem em long Isaiah Moroko, Joel Banam, Theresa Jaintong na Aloysius Banono Tahun.

Wok bilong kaunim ol vot pepa i bin kisim tripela de na Redio

Bogenvil na FM 100 i bin karimaut ol laip brotkas long dispela.

Ilketorel opis long Buka i tok ol i amamas long wok bilong ileksen na kaunim, maski ol liklik samting i bin kamap long sait olsem ol rotblok na kisim sampela balot bokis, tasol dispela i no bin bagarapim bai ileksen.

"LPV sistem i nupela rot bilong vot, tasol mipela i amamas olsem em bin go gut na planti pipel i bin klia long en. Bikpela amamas tru i go long ol pipel bilong Kunua eria we planti taim yumi save tok ol i stap long busples na i nogat bikpela developmen, tasol ol bin vot gut na i nogat Infomol vot long sait bilong ol. I bin gat 1,643 Infomol vot we bikpela mak tru i kam long Sentrel Bogenvil. Tasol ol arapela konstituensi i bin vot gut.

Long mak bilong 123,000 pipel long BAR inap long vot, 33,107 tasol i bin vot long wanem ol kain samting olsem ol Me'ekamui na U-Vistrak lain i pasim ol, sampela nogat nem long Komon Rol na ren i stopim wok-abaut bilong sampela.

esiLOAN

EL022006

NOTICE TO ALL TEACHERS

Kina Finance Limited has opened its Esi Loan lending facility to all Teachers

Please provide the following documents along with your Application Form:

- 1) An Original Pay Slip for PAY 23 or 24 of 2005
- 2) An Original Pay Slip for PAY 25 of 2005 (Lump Sum)
- 3) A Copy of EDB023 - Resumption Form
 - signed by Head Master
 - signed & stamped by Provincial Education Advisor
- 4) A Copy of Identification Card
- 5) A PVA copy to be signed and stamped by your Education Salaries personnel

Should you have any queries, please call **323 0750** or **323 0751**.

Our account executives will be more than happy to assist you.

Or ask for Stephen Poha.



ESI LOAN - REAL LOANS, REAL EASY - WHY PAY MORE?

Kina Finance Limited, Aopi Branch, Ground Floor, Aopi Building, Waigani

Toktok i go yet long rausim ol setelmen long Goroka

Sape Metta i raitim

TAIM Morobe provinsel etministresen, polis na ol atoriti i wok long kamap wantaim ol strongpela toktok long rausim ol setelmen long Lae siti, ol lain atoriti na ol lokol na nesanel lida long Goroka, lsten Hailans i laik mekim wankain pasin tu long ol setlas long Goroka taun na provins bilong ol.

Na ol i laik rausim tu ol ausait lain husat i kam long ol arapela provins na baim ol graun long ol asples manmeri long Goroka na sindaun long hap i stap.

Mausmeri bilong ol mama grup na Presiden bilong lsten Hailans Kaunsil ov Wimen (EHCW), Julie Soso Akeke i bin tokaut long dispela tingting long wanpela bikpela pablik miting we i bin kamap long Goroka i no long taim i go pinis.

Misis Akeke i tok Goroka taun i no moa stap long pis o gutpela taim olsem bipo na i gat planti hevi bilong lo na oda we planti bikhet pasin i wok long kamap na givim nem nogut long taun.

Em i tok ol hevi i wok long kamap long wanem planti ol manmeri long ol arapela provins i wok long kamap long taun na go sindaun long ol setelmen.

"Na taim ol i go na i stap long ol setelmen na hauslain, na ol i no nap long painim wok na sindaun nating, ol i save kamapim ol bikhet pasin na bagarapim taun," Misis Akeke i tok.

Em i tok i luk olsem bikos ol i no nap long painim wok o mekim ol samting olsem ol gaden na ol arapela rot long painim liklik mani long sapotim ol yet, ol i kirap na mekim ol bikhet pasin we ol i tingting long painim mani long baim kaikai samting long sapotim ol yet.

"Pasin pamuk na sik HIV/AIDS tu i wok long kamap bikpela tru long taun na provins, long wanem ol manmeri husat i save go long ol nait klab na 6 tu 6 danis ples, na salim skin bilong ol long kisim mani," em i tok.

Em i autim belhat bilong em long provinsel lika laisensing komisen bilong wanem i klia olsem i nogat gutpela wok em ol i mekim long bosim ol aua bilong salim ol strongpela dring.

"Mi luksave long planti ol botol sop na nait klab husat i save abrusim ol treding aua o taim bilong wok bisnis na surukim sels sevis na taim bilong dring bilong ol i go inap 24 aua - olgeta de bilong wik. We stap ol atoriti long taun na provins bai ol i ken bosim ol taim bilong wok bisnis bilong ol klab na botol sop," Misis Akeke i askim.

Mama Soto baim skul wantaim loli mani



FOTO: JAMES KILA

LOLI HELPIM: Trena Misis Kaima, Sharon Soto, presiden bilong lsten Hailans Kaunsil ov Wimen Julie Soso wantaim RDB brens menesa Cathy Rumints i soim ol loli na moni Sharon i kamapim long salim kopi kendi.

James Kila i raitim

WANPELA stail mama bilong Goroka insait long lsten Hailans provins i win tru long peim skul fi bilong em wantaim moni em i kisim long salim loli tasol.

Tingim. Dispela mama i baim wanpela paket loli prais bilong em K3.20. Bihain em i salim wan wan loli long 20-toea na em i wokim K6.80 profit o win mani. Na wantaim ol profit em i bungim, bungim i go na helpim em long peim hap kos fi bilong em long go insait long Gras Ruts Yunivesiti Pesinol Vaiabiliti Kos long Goroka we i bin kamap tupela wik i go pinis.

Mama ya em Sharon Soto bilong Goroka yet husat em i vais presiden bilong lsten Hailans Kaunsil ov Wimen. Nau em i kirapim stret bel bilong ol narapela mama na ol man olsem gutpela tingting na skul em i kisim long dispela PV woksop i helpim em gut tru.

Tupela wik i go pinis gutpela kos bilong ol Gras Ruts Yunivesiti ol i kolim Pesinol Vaiabiliti i lukim 18 manmeri i sindaun long dispela 2-wik kos.

Dispela skul ol i kisim i strongim divelopmen bilong wan wan man na meri wantaim famili bilong em na olgeta kain samting em i ken yusim long kamap gutpela man o meri we i ken stap long gutpela na stretpela laip long graun.

Trena bilong dispela namba 5 PV woksop em Evangeline Kaima husat i save wok wantaim Entapreneul Divelopmen Trening Senta (EDTC). Long greduesen bilong ol dispela 18 manmeri long lsten Hailans Wimens Risos Senta long Goroka, em i tok PV em i ken kirapim bikpela samting long laip bilong wan wan manmeri long sindaun bilong ol insait long famili na komyunuti. Dispela gutpela sindaun tu i ken helpim distrik, provins na kantri. Dispela PV kos em

Gras Ruts Yunivesiti i kamapim long PNG yet. Man husat i staitim dispela PV kos bilong ol gras ruts em Samuel Tam, wanpela man Saina husat i stap longpela taim tru long PNG na bikpela tingting bilong em em long givim wanpela gutpela samting i go bek gen long PNG. Mama Sharon wantaim ol narapela lain i tokaut olsem dispela PV woksop em i nambawan skul tru we i winim tru ol narapela skul ol i bin go long en insait long laip bilong ol.

Wanem sampela samting Sharon i bin lainim long kos em i putim i go gut stret taim em i salim ol liklik samting olsem loli na kamapim moni long peim kos fi bilong em.

"Mi bin gat bikpela laik tru long go insait long dispela kos tasol mi bin gat K170 tasol. Wantaim dispela moni mi askim ol lain husat i ronim kos na ol i tok orait tasol ol i tokim mi olsem mi mas painim narapela K30 bihain na pinisim dispela skul fi bilong mi," Mama

Sharon i stori olsem.

Taim Sharon i peim K170 skul fi pinis orait em i go long dispela kos. Tasol dispela strongpela mama i no wari.

Taim kos i bin stap mama Soto i bin go long stua long Goroka taun na baim wanpela paket "Coffee Candy" Dispela em ol liklik loli em i gat fleiva bilong kopi long en we ol liklik mangi na ol bikman tu i save putim long maus na pulim ol swit bilong em.

Mama Sharon i bin baim wanpela paket we i gat 50-pela loli insait long en na em i salim wan wan loli long 20-toea tasol.

"Mi bin karim dispela paket loli na mi bin go long kos. Long taim bilong kos ol narapela wan skul bilong mi i lukim na ol i baim na kaikai. Long rot taim mi wokabaut i go bek long haus mi karim paket na salim" Mama Sharon i stori olsem

Em i stori olsem bihain long wanpela de tasol em i guria olsem paket em i baim i pinis wantu tasol. Na taim Mama Sharon i kandim ol mani em i kisim em i bin kamapim olsem K6.80

"Long wanpela de mi wokim K6.80. Na insait long wanpela wik tasol mi peim olgeta hap K30 skul fi bilong mi long profit o win mani mi kisim long salim loli," Sharon i tok.

Sharon i bin kisim K34 long nambawan wik em i salim loli na wantaim dispela moni em i baim hap skul fi na narapela K4 em i yusim gen long baim narapela paket loli long salim gen.

Taim Wantok Niuspepa i bin stori wantaim Sharon long taim bilong greduesen em bihain long tupela wok em i wok em i salim pinis planti paket olgeta na em i mekim bikpela moni tru pinis. Dispela em win mani bilong paket loli tasol na gutpela skul em Sharon i lainim long PV Woksop.



Why Do More People Buy

TOYOTA **HIACE**

You Get More than Just a Bus...

- ✓ Most Popular vehicle in it's class
- ✓ More features ✓ Compattively Priced
- ✓ More added Safety features
- ✓ Fully Supported by Toyota Genuine Parts and Quality Service Nationwide

Stock Available for immediate delivery Call in and see us Now!

Ela Motors

15 BRANCHES NATIONWIDE

PORT MORESBY PH 3229406 • LAE 4781600 • KOKOPO 9829100 • MADANG 8522188 • GOROKA 7321844 • MT. HAGEN 5421888 • WEIWA 9562255 • KAVIENG 9842788 • KIRIWE 9835155 • TABUBIL 5489060 • VANIMO 8571254 • PORGERA 5479367 • BUKA 9739915 • LIHIR 9864899 • ALOTAU 6410180

NUPELA PMV: Pot Mosbi siti i save kra i planti taim long gutpela PMV sevis. Ol bas i no save pinisim ron bilong ol, planti i save bagarap, ol draiva na wokman bilong ol i no save was was na stap klin na bas tu i save doti tru.

Planti taim ol i save kros wantaim ol manmeri na rausim ol skul mangi long bas. Ol i save ron spit na aburusim mak gavman i putim long ol rot insait long siti na i no save stop stret long ol bas stop bai of manmeri i ken go daun. Dispela ol hevi i kamap long ai bilong nesenel trenspot bod bilong graun, nesenel rot sefti kaunsel na nesenel gavman tu na nau ol i ting ol i painim ansa pinis.

Las yia ol i kisim ol dispela stail kar i kam long Singapore ol i kolim ol 'Jeepney' o jipni we ol i save ron olsem PMV long hap. Ol i tok dispela ol PMV i no kos bikpela moni long baim olsem ol bas na planti lain i ken baim na ronim long rot.

Bikpela prais bilong ol spea pat bilong bas i mekim ol papa bilong ol bas i singaut long bas fea i go antap we i lukim ol i apim long 50 toea i go long 70 toea las yia. Trenspot bod i bilip liklik prais bilong ol jipni bai ken helpim ol bas i mekim sampela profit.

Nau yet i gat wanpela jipni tasol i ron olsem PMV long Pot Mosbi long rut No. 9.

Stail PMV



Foto: Andrew Molen

Ol Papua bai no inap vot



Jonathan Baure: Man husat i go pas long Papuan Australian komyuniti.

Andrew Molen i raitim

OL Papua bai no i nap vot long 2007 nesenel ileksen bilong wanem ol i tok ol i no sitisen o pipel bilong Papua Niugini. Man i go pas long Papuan-Australian komyuniti, Jonathan Baure i tok ol bai no inap long vot bilong wanem dispela i no rait bilong ol.

"Mipela bai vot long wanpela man sapos em i sanap makim mipela long Canberra, tasol mipela i no inap vot long wanpela man long Nesenel Palamen hia long PNG," Mista Baure i tok.

Em i tok ol Papua i no manmeri o sitisen bilong Papua Niugini bilong wanem i nogat man i tokaut olsem ol i kamap pipel bilong PNG taim PNG i kisim independens long 1975.

"Dispela i mekim ol Papua i stap olsem sitisen bilong Australia yet na i nogat rait long vot long Papua Niugini," Mista Baure i tok. Wanpela mausman bilong PNG ilektorel komisin i tok taim Wantok Niuspepa i askim ol long dispela olsem ol bai no inap mekim wanpela toktok. Wantok i bin traim tu long toktok long minista bilong Foren Afeas tasol i no bin i gat sans. Bipo long independence Papua i bin i stap aninit long lukaut bilong Australia na i kamap olsem wanpela stet bilong en ol i kolim "Australian Territory of Papua" o Papua teritori bilong Australia.

"Long dispela taim inap nau i nogat man long PNG na Australia i mekim wanpela samting long tokaut olsem ol pipel bilong Papua i no moa bilong Australia tasol bilong PNG na antap long dispela ol pipel yet i mas tokaut olsem ol bai no moa stap olsem sitisen bilong Australia," Mista Baure i tok.

Em i tok dispela samting em ol i no inap long senisim long Palamen. Nogat. Em bai ol i mas senisim insait long mama lo yet.

Red Cross helpim lokol komyuniti

Andrew Molen i raitim

NUPELA wok bung namel long Papua Niugini Sastenabol Developmen (PNGSD) na PNG Red Kros sosaiti bai lukim kirap bilong planti gutpela komyuniti projek long helpim ol pipel.

Dispela wok bung i kamap taim PNGSD i pasim tok wantaim PNG Red Kros long givim mani long helpim wok bilong ol.

PNG Red kros i save mekim planti bikpela ol projek long sait bilong lukautim ol lain long ol ples husat i bungim bikpela hevi.

Kain hevi olsem maunten paia long Manam em wanpela bilong ol ples we i wok long kisim helpim long Red Kros nau i ken daunim hevi bilong ol moa yet wantaim helpim bilong PNGSD.

"Dispela helpim bilong mipela bai go olsem olgeta yia," Jenerel Menesa bilong PNGSD, Camillus Midire i tok.

Em i tok dispela pasim tok ol i sainim em long PNGSD long givim helpim long PNG Red Kros long ol wok bilong en.

"As tingting em long lukim mani i go long ol projek we bai i helpim ol pipel na komyuniti longpela taim o ol sastenabol projek," Mista Midire i tok.

Em i tok ol bai givim mani mak olsem K50, 000 insait long faipela yia long wok bilong Red Kros.

PNGSD i putim mani long planti projek long kantri pinis we 10-pela i kamap long Westen provins na 21 i kamap long ol narapela hap bilong PNG. Long yia 2004 i kam long 2005 we ol i putim K2, 260, 700 long ol projek long hap



PASIM TOK: Siaman bilong PNG Red Kros Bernard Lukara (lephan), Mista Midire, Red Kros Deputi Siaman Prof. Winston Jacob na Red Kros Ekting Seketeri Jenerel Gima Kila i lukluk i go het long planti moa komyuniti projek.

olsem ol samting bilong Rumginae haus sik (K232, 000), Saut Fly helt projek (K233, 000), Awaba sekenderi hai skul agrikalsa projek (K235, 100) na Parama Barramundi fam projek (K207, 000).

Long ol narapela hap ol putim olsem K2, 309, 314, sampela bilong ol dispela em; Boram haus sik long Wewak (K526, 464), Stretim haus sik bilong ol mama long Pot Mosbi (K98, 430), Salvation ami (K250, 000) na PNG Red Kros (K250, 000).

Mani mak bilong ol wok long Westen provins na long kantri bungim wantaim i kamap olsem K4, 570, 014.

"Dispela mani mipela i givim long Red Kros bai ken helpim ol long plenim na kamapim planti moa wok long ol komyuniti projek," Mista Midire i tok.

Siaman bilong PNG Red Kros sosaieti, Bernard Lukara i tok dispela em i namba wan taim long ol i mekim dispela kain pasim tok we ol bai kisim mani dairek stret long mekim wok bilong ol.

"Red Kros em i wanpela bilong ol ogenaisesen we i stap longpela taim tru na i save kamapim planti ol projek long helpim ol komyuniti.

"Mipela i save ronim ol program we bai go stret long as bilong komyuniti na helpim long daunim wanem kain hevi

stap," Mista Lukara i tok.

Red Kros i save kamapim tu sampela ol kos long ol ples we i painim hevi long skulim ol wokmanmeri na ol pipel long lukautim ol yet taim ples bilong ol i bagarap.

Sampela bilong dispela ol kos em long HIV/AIDS na Fes Aid o rot bilong helpim man i kisim bagarap bipo long em i go long haus sik.

Nau yet bikpela wok bilong PNG Red Kros em long Bogia, Madang provins we ol lain long Manam husait i lusim ples bihain long maunten paia i stap long ol kea senta.

"Mipela i kamapim wanpela projek nau long kea senta bilong ol lain long Manam we i nap olsem K1.1milien bilong ol pipel long silip insait.

"Pastaim ol i wok long silip insait long ol kandis na dispela i no gutpela tumas," Mista Lukara i tok.

Em i tok ol i lukluk long mekim 350 haus na nau ol i kamap long namel bilong dispela namba pinis.

Mista Lukara husait i kam bek i no long taim i go pinis long hap i tok sampela hevi ol i painim em ol as ples long Bogia i no laikim ol lain long kea senta i go insait long bus bilong ol na katim diwai long mekim haus o wanem samting.

"Tasol i gutpela long lukim olsem ol i stretim ol yet na we ol i sindaun.

"Ol i sanapim ol haus na ol samting bilong ol long gutpela lain na ples i klin i soim olsem ol i stap gut," Mista Lukara i tok.

Red Kros bai stap inap mun Mas na ol bai lusim kea senta.

Raun lukim ol meri na pikinini- Taim long go bek long skul...



REJISTRESEN TAIM: Ol papamama bilong Gordons sekonderi skul insait long Nesenel Kapitel Distrik i stretim ol nem, baim skul fi bipo skul i stat long dispela wik.



WOK BILONG PAPAMAMA: Gutpela papa i stretim skul bilong pikinini long Gordons Sekonderi skul, wanpela long ol 5-pela Sekonderi skul insait long NCD.

Piksa nogut long PNG Pikinini ripot

Veronica Hatutasi i raitim

SALENS i go long gavman na ol papamama long wokim samting nau sapos kantri i laikim gutpela na helti populesen. Na bikpela lukluk i go long ol pikinini.

Dispela salens i kam long Ume Wainetti, wanpela meri lida husat i save sapatim gutpela sindaun long ol famili, ol rait bilong ol meri na daunim pasin bilong bagarapim na wokim nogut ol meri (violence against women).

Mis Wainetti i bin wokim toktok i sut long ol pikinini long PNG we piksa bilong ol i no gutpela tumas long UNICEF (Yunaitet Nesens Fan bilong lukautim ol Pikinini) wol ripot. Na tu, bihainim wanpela sevei o wok painimaut UNICEF PNG i bin karimaut long glasim pasin pamuk long ol pikinini long kisim mani (Commercial Sexual Exploitation of Children and orphans and Vulnerable Children) ol bin karimaut long 2004. Ripot i painim olsem:

- Bikpela mak bilong ol PNG pikinini namel long 825,500 na moa long wan milien i save stap long ol haus we pait pasin i kamap;
- 50 pesen long ol lain we ol i save reipim o bagarapim ol i stap aninit long 15 krismas;
- Moa long wan milien yangpela i ken stap long hevi bilong wokim pasin pamuk na yusim ol nogut long pulim mani;
- Planti papamama i nogat wok i salim ol pikinini meri long kisim mani;
- Ol pikinini i statim pasin pamuk bai i stap long dispela wok taim ol i kamap bikpela manmeri;



SAPOTIM PIKININI: Yumi mas sapatim ol pikinini na long bagarap i kam long ol.

- Ol pikinini we narapela lain i lukautim ol na i no stap wantaim trupela papamama em ol bai kisim hevi long kisim bagarap olsem bagarapim ol na moa;
- 10,000 pikinini i stap raun na slip long strit, nogat ples long stap long en o papamama i no bisi long ol. Na namel long 1,000-5,000 long ol i stap long Mosbi.
- Laspela sensus o kaunim bilong manmeri na pikinini i soim olsem 676 haus insait long ol ruel eria em ol pikinini namel long 10-14 krismas i papa long en.
- Ms Wainetti i tok gavman i tromoim bikpela mani long lo na oda na hevi long heit long eria bilong pei samting. Tasol i moabeta sapos em i luksave long link o bris namel long ikononik developmen gro na stopim famili na seksuel vailens o stopim pasin bilong bagarapim na wokim nogut long ol meri.

Mis Wainetti i bin tok strong olsem long tude, planti papamama i no wokim dispela na ol i save lukiuk long gavman long wokim dispela.

- Pastaim tru, wanem wok bilong yumi olsem ol papamama long lukim olsem yumi lukautim gut ol pikinini, ol rait na sindaun bilong ol? Wanem wok bilong gavman long dispela?

UNICEF ripot 2006 long Wol Pikinini ripot i soim olsem ol pikinini i stap long ol longwe 327 wordsi gat planti samting tasol planti pipel bilong yumi i stap aninit long trangu level.

Na ol sosel hevi we ol PNG sosaiti i bungim i kamapim hevi long ikononim o wok mani tasol planti lain i no klia long dispela.

Long kisim mani, gavman i wok long kisim takis mani long helpim nesenel baset long ol rot olsem ol gambling haus o pilai poka masin na ol arapela rot moa, ol strongpela dring na tobako, sigaret prodak na ol naitklab na ol arapela rot ol manmeri i save go long painim amamas long en.

- Planti ol lain i save go insait long ol samting ya em ol trangu na yangpela pipel na dispela i skruim kalap bilong HIV/AIDS long ol yangpela pipel.

Ol praiwet sekta i papa long ol dispela bisnis i no tingim kikkbek we dispela ol samting i gat long ol trangu na liklik manmeri.

Tasol long sotpela taim tasol bikos long hevi bilong HIV/AIDS, gavman i wok long lukluk i go insait long ol dispela kain samting. Ms Wainetti i tok.

Lo bilong Lukautim ol Meri



Skruim toktok long Mentenens

Wanem samting bai kamap long taim bilong harim kot?

Long de bilong harim kot, yu na ol witness bilong yu i mas i mas go long haus kot bipo long taim. Ol witness i mas wet ausait inap mejistret i singautim ol i kam insait. Stap isi na tok klia long mejistret long olgeta samting em i mas save, maski sapos em i no askim yu.

1-Namba wan samting yu mas soim em yu na man bilong yu i marit:

- Sapos yutupela i marit long kastom, yu mas tokaut long wanem kain kastom na bringim witness long tokaut olsem yutupela i bin marit bihainim dispela kastom;
 - Sapos yutupela i bin mekim stetuteri marit, bringim setifiket, sapos yu nogat marit setifiket, yu mas raitim stetmen na tokaut olsem long wanem taim na long wanem ples yutupela i marit. Dispela stetmen yu raitim, yu mas swea o tok promis olsem em i tok tru.
- 2- Sapos yu na man bilong yu i no stap wantaim, orait, yu mas tokaut:

- Sapos man i lusim yu na pikinini, yu mas tokaut long wanem taim na risen o as na olsem wanem na man i rausim yu.

Moa long neks wik



Kuk Kona wantaim MERI WANTOK

WOTAMELON SALET Yu mas Gat:

Wotamelon (katim liklik long mak bilong skwea na rausim ol sid.

- 2-pela tebolspun kuking wel
- 2-pela tebolspun wait viniga
- 1-pela tebolspun suga
- 2-pela tebolspun mint yu katim
- 4-pela liklik anien yu katim likliklik tru Kwata kap drai waitpela wain

We yu mekim na kukim:

- 1-Putim viniga, suga, mint na anien wantaim na miksim gut insait long wanpela kontena
- 2- Putim wotamelon long wanpela kontena na kapsaitim i go long ol samting we yu tanim long en.
- 3- Putim long ais bokis na autim taim yu redi long kaikai.

KUNAI STRIT Kam lukim mipela long NBC



SARERE NAIT LONG 7.10
Harim gen Wednesday long 2.05 pm

Kunai Strit is produced by the NBC with assistance from AusAid and the ABC

STORI TASOL



wantaim

FR. PAUL LIWUN, SVD

Rot Blok

WANPELA wik bipo long Krismas 2005, mi bin go long Hagen na Wabag long bihainim wanpela selebresen long Wabag. Tsikiro peris, em i wanpela peris insait long Wabag Diocese i bin selebretim 50 yia bilong em.

Long yia 1993, mi bin stap wok long dispela peris tu. Tasol i no longpela taim. Olsem mi amamas tru taim ol i selebretim golden jubili bilong peris, mi tu bin go na selebretim na amamas wantaim ol.

Tasol tude mi stori long yu long wanem samt- ing i bin kamap long rot taim mi wantaim wantok bilong mi i lusim Hagen na go long Par, Wabag.

Planti bilong yumi i save olsem bikpela bagarap i bin kamap long Hailans Haiwe. Em i tru. Tasol i no olgeta hap em i bagarap. Sampela hap em i orait - olsem long Hagen i go long boda bilong Enga, liklik hap tasol i bagarap. Tasol ol i bin putim karanas long karamapim hap i bagarap long en.

Tasol taim mipela i kamap long hap bilong Enga, mi bin kirap nogut tru, bikos 8 yia bipo taim mi lusim Enga, rot bilong ol i namba wan tru. Tasol long mun Desemba, taim mi go long Wabag, bikpela bagarap stret.

Olsem na i kisim planti aua long draiv na i kamap long Wabag. Taim mi lukim dispela rot, mi tingim olsem Enga Province i gat planti samt- ing long kamapim moni. Namba wan em i Gol main long Porgera. Bilong wanem rot bilong ol i bagarap? Mi hop nau ol i fiksिम pinis.

Narapela samt- ing i bin mekim mi kirap nogut, taim mipela i kamap long Pausa Haiskul na go daun long klif i go long Wapenamanda. Taim mipela i draiv go daun long liklik maunten, i gat faipela yangpela i bin stopim kar bilong mipela na askim moni long mipela.

Ol i bin kisim sampela ston long sait bilong rot na karamapim hul long rot na nau ol i laik askim moni long olgeta kar i go na i kam. Mi askim mi yet bilong wanem ol bin wokim dispela wok. Ol i no mekim gutpela wok. Ol i giaman tasol long karamapim hul na askim moni.

Taim mipela i draiv i go, ol i no mekim wok. Taim kar i kamap klostu, ol i giaman long kisim ston o gravel arere long rot na pasim hul na blokim rot. Nogat wanpela kampani i bin sponsaim ol. I no gavman i askim ol long mekim wok.

Taim mipela i go moa yet na kamap long Dugumaris, em i wanpela autstesen bilong Pina peris. Mi bin stap long Pina na olgeta Sande mi bin kam na wokim lotu wantaim ol pipel long Dugumaris. Tasol nau naispela haus lotu i sanap antap long maunten, i no stap moa. Pait i bin kamap na ol i bin bagarapim na kukim haus lotu wantaim. Ples i kamap klia stret bikos i nogat diwai i sanap long hap.

Taim mipela i kamap long Dugumaris, wanpela trak i bin stap long fran bilong mipela. Sampela man i bin stopim dispela kar na askim moni long en. Taim sampela i toktok wantaim draiva long fran, sampela yangpela man i opim kago bilong trak long baksait na stilim tupela bokis lamflep na ronawe. Draiva wantaim man bilong em i rau- nim ol.

Taim mipela i kamap, ol i stopim mipela tu. tasol wantok bilong mi i no laik stop. Em i draiv i go na laik bamim ol. Em i kaikai bilong pait. Ol man i tingting long pait tasol na i no wokim gaden. Nau ol i hangere na painim rot long stopim ol kar na stil.

Dispela pasin planti manmeri i save pinis long en. Ol gavman tu i save long wanem samt- ing i kamap long rot i go long Wabag na Porgera. Tasol, bilong wanem ol i no inap long stopim?

Wok misin i gat hevi insait long ol distrik

Bustin Anzu i raitim

OL distrik presiden bilong 16-pela distrik bilong Ewanjelikel Luteran Sios bilong Papua Niugini (ELC/PNG) i autim planti hevi na wari bilong ol wok misin bilong ol. Tasol maski ol dispela hevi, ol i wok long telimautim Gutnius yet.

Insait long ol ripot bilong ol i go long namba 25 Silva Jubili Sinod i bin kamap i long Wasu insait long Morobe Province, ol i tok planti hevi i stap insait long wan wan distrik na dispela i save slekim wok bilong ol liklik.

Bikpela hevi bilong ol em ol i sot long mani long lukautim wok bilong distrik opis na wok bilong sios insait long ol distrik long mekim wok bilong ol long visitim ol seket, parish na kongrisesen.

Long ripot bilong Hagen distrik, Presiden Zau Rapa i tok ol



YUT MINISTRI: Ol yangpela i singsing long namba 25 Silva Jubili Luteran Sios Sinod long Wasu, Finsafen Distrik long Morobe provins

Kristen bilip manmeri ino save givim mani i go long sios gut olsem na planti wok bilong ol ino save ron stret.

"Fainens bilong distrik ino save kamap gut long baset i kam long han bilong ol bilip manmeri...sot bilong tisa na fainans long ol skul bilong ol sios i bikpela

hevi," em i tok.

Insait long ripot bilong em i tok tu olsem sik HIV/AIDS i kamap bikpela long provins na ol i mekim wok nau i stap long ol i mas gat polisi stia tok long wok bung wantaim wantaim Provinsel AIDS kaunsel.

Reveren Sommy

Setu bilong Papua distrik i tok wok bilong lukautim Papua distrik i bikpela tru.

"Papua distrik i narapela kain long ol narapela distrik. Papua distrik i gat 6-pela provins olgeta na planti bung na wok i save kamap long Nesenel Kapitel Distrik (NCD). Na ol i

save kam long ol dispela bung tasol.

"Ol dispela provins em olsem Daru, Balimo, lowara, Tabubil, Kiunga em ol insait long Westen Provins, Kerema long Gaif, Kep Rodni, Sogeri na Braun Riva long Sentrel Provins.

"Alotau na Esa'ala long Milne Bay provins na Popondetta, Betel Isigo, Ista na Mako long Oro Provins tu i stap aninit long lukaut bilong Papua," em i tok.

Em i tok tu olsem planti bilong ol dispela Luteran manmeri ol i stap ausait long NCD i stap long we tru. Distrik i save mekim wok raun lukluk bilong ol long bikpela de tasol.

Tasol olgeta presi- den, long pinisim olgeta ripot bilong ol, ol i tok ol i mekim wok yet maski long ol kain hevi olsem i save kamap. Wok bilong telimautim Gutnius na liptimaim nem bilong Bikpela i go het yet.

Ol Sios i amamas long nupela Edukesen Seketeri

...Wankain tu long bipo Seketeri

OL SIOS long kantri i autim luksave bilong ol long Dokta Joseph Pagelio i kamap nupela Edukesen Seketeri long stiaim Edukesen Dipatmen na ol skul insait long kantri.

"Long makim Sios Edukesen Kaunsiil na Katolik Sios, mi salim bikpela tok amamas long yu Dokta Joseph Pagelio long ol i makim yu long go pas long ol skul olsem Edukesen Seketeri na bai blesing na stia bilong Bikman i kern stap wantaim yu long go hetim wok bilong yu," Leonard Kinminja husat i Katolik Edukesen Seketeri na Siaman bilong Edukesen Kaunsiil bilong ol Sios long PNG i tok.

Long wankain taim tu, em i salim tok tenkyu long pastaim Edukesen Seketeri Petér Baki

Long bikpela na gutpela wok em bin mekim na tu, sapot em bin givim

long Sios/Stet Patnasip na gutpela wokbung i bin kamap insait long Katolik na ol arapela ejensi skul long kantri.

Mista Kinminja i tok ol sios ejensi skul i lukluk nau long lukluk long lidasip bilong Dokta Pagelio long skruim wok bung namel long ol i go het, long glasim ol samt- ing i sut long

Sios/Stet Edukesen patnasip, long kisim gutpela sapot long Nesenel Dipatmen bilong Edukesen Gren bilong helpim ol Sios Edukesen pro- grem na long kamapim gut ol polisi we bai givim gutpela edukesen semis i go long ol pipel insait long kantri.

"Yumi wantaim i mas wok long bildim strongpela Etiks o gutpela stia long strongim ol pipel i ken gat gutpela futja, olsem i stap long Nesenel Edukesen Plen bilong 2005-2014.

Gutpela Angliken pater dai long birua

Veronica Hatutasi i raitim

ANGLIKEN Sios i lusim wanpela gutpela pater bilong ol taim em na tupela Foskwea pasto i dai las wik Tunde, bihainim wanpela eksiden o birua i kamap long Popondetta, Oro provins.

Pater John Demesi na tupela Foskwea pasto i bin dai bihain long wanpela diwai i bruk na pundaun antap long trak bilong Foskwea Sios i we pater na ol pasto na ol famili na sampela arapela lain bilong ol i sindaun long em.

Ol bin wok long go bek long ples bihain long sios semis na birua i bin kamap namel long olpela Kristen Trening senta long Jonita klostu long wanpela wara. Olgeta i dai i bilong Oro provins yet. Meri bilong leit Pater John em Mada Rachael i bin kisim bikpela bagarap long dispela birua taim wanpela han i bruk na ol dokta i katim long Popondetta haus sik.

Han bilong wanpela bikpela diwai i bin bruk stret long taim PMV trak i kamap long hap ples na kamapim birua.

Bisop Peter Fox long Pot Mosbi Angliken Daiosis i tok Pater John husat nau i wok long Angliken Newton Kolis long Popondetta i wanpela gutpela saveman na man bilong daun pasin.

Na Angliken Sios i lusim wanpela gutpela wok- man bilong em. Em bin lukautim Sen Martin's Angliken Sios long Boroko we ol perisina i bin laikim tru em na famili bilong em.

Mirakel long sapotim leit Pop

WANPELA mirakel i kamap long Frans i strongim gen ol toktok long santuim leit hetman bilong Katolik sios long wol, Pop John Paul 2.

Ol ripot i kamap olsem wanpela Katolik Sister long kantri Frans i wok long kamap orait long Pakinson's sik, wankain sik we leit Pop John Paul 2 i bin gat na em i dai long em.

Dispela sik i save kisim ol man na tingting i no inap wok gut, sampela hap bodi na han i guria na bai hat long toktok, i nogat marasin yet long oraitim dispela sik.

Ol ripot i tok

Sister ya long kantri Frans i wok long beten na askim long helpim bilong leit Santu Papa, Pop John Paul 2 na ripot i tok em i kamap orait nau.

Klostu long pinis bilong las yia, longpela taim Seketeri bilong leit Pop John Paul 2 i bin tokim ol ripota olsem ol i wok long glasim dispela keis long Frans. Na toktok bilong wanpela pater long Polen olsem Sister long Frans i gat Pakinson's sik em namba wan

taim pablik i save long sik Sister ya i gat long en.


Laspela hap long santuim man long Katolik Sios we ol i ting em inap long dispela em mirakel i mas kamap.

Bihain tasol leit Pop John Paul 2 i dai, planti singaut i bin kamap long ol Katolik pipel long kwiktam santuim em bikos long santu laip em bin gat long em na sampela mirakel em bin kamapim taim em i stap laip yet.

Grup i save glasim wok long santuim man long Katolik Sios em Kongrikesen long Kos bilong ol Santu, i no autim wanpela toktok long dispela bikos ol i no kisim yet ol ripot long dispela samting.

Tasol ripot long Vatiken i tok planti mirakel i kamap long sait bilong sapotim leit Pop long kamap santu, tasol ol i wok long lukluk strong long dispela long Frans.

Ol i tok ol saveman i mas glasim gut olgeta tok klia long Sister ya i kamap orait bipo ol i tok tru tru dispela em mirakel.



SANTU PAPA: Ol mak i kamap long santuim Leit Pop John Paul 2

GLASIM TOK

wantaim



BISOP PETER FOX

Nogat sios i nogat man long em

NOGAT sios bai i nogat man long em. Tru, i ken luk olsem i nogat man long sios. Ating kongrikesen i luk liklik tumas, tasol samting yumi lukim em hap bilong samting i trupela.

Yumi ken lukim sios olsem em i hap emti o nogat man long en. Tasol ol hap we i nogat man long ol nau i holim memori long ol dispela i bin save sindaun paslain, maski ai bilong yumi i no inap lukim ol.

Nogat sios bai nogat man long em. Wanpela samting em, God i stap olgeta taim long haus lotu. Sampela sios i gat lait i stap olgeta taim long toksave olsem Bikman i stap. I gat tu ol arapela i stap long sios i stap isi na yumi no inap lukim ol. Ol Santu Angelo i stap na ol i save singim ol singsing wantaim yumi long givim Biknem long Bikpela. Na long nait, ol i save givim stia long yumi na taim bilong dai, ol bai givim stia long yumi long wokabaut i go long ples yumi go long em.

i gat ol santu long olgeta sios. Yumi save harim stori bilong ol inap yumi pilim olsem yumi save long ol olsem gutpela poroman. Ol Aposel olsem Peter, James na John na ol narapela i olsem ol brata bilong yumi bikos yumi save harim ol stori bilong ol. Na Mama Maria, em Mama bilong Jisas, i save stap wantaim yumi olgeta taim. i gat ol biknem na hiro lain long sios bilong yumi olsem Peter ToRot na Lucian Tapiedi husat i bin dai long bilip bilong ol na ol narapela santu we yumi ius tingting long ol tasol lait bilong ol i lait na strongim ol narapela.

Ol lain yumi laikim na bodi bilong ol i dai tasol laikim bilong yumi long ol i nogat, i stap yet. Yumi beten na givim biknem long God taim yumi toktok long Jisas, taim yumi bungim ol brata na susa long serim Tok bilong God na ol Sakramen na ol arapela brata na susa tu bilong yumi i stap. I no ol dispela tasol yumi ken lukim wantaim ai tasol. Yumi lotuim God long graun, long heven, wanpela sios, wanpela bilip na wanpela famili.

Nogat sios bai i nogat man long en na bilip bilong yumi i tokim yumi dispela taim em i tok tok long "Komyunio o bung wantaim bilong ol Santu".

Long PNG, yumi save olsem ol tumbuna bilong yumi i go het long lukautim yumi, maski ol i dai pinis. Olsem na yumi save tingim ol taim yumi holim ol bikpela kaikai na mekim ol samting yumi save mekim wantaim ol taim ol i stap laip.

Olsem na em i rait tasol olsem ol tumbuna bilong yumi long sios, ol santu i save pre yet long yumi na yumi olgeta i stap wantaim taim yumi stap klostu long God.

Mosbi Lutheran sios bai tingim Buang pipel

WANPELA spesel sios sevis bai kamap long Kirap Bek Lutheran kongrikesen long Gerehu Stes 2 insait long Nesenel Kapitil Distrik long dispela Sande bilong helpim ol lain bilong Morobe provins i dai long graun i bruk las wik.

Graun i bruk long ples Bapa long Buang Lokol Level Gavman kaunsel eria long Bulolo Distrik i bin karamapim 13-pela pipel na ol i dai. Olpela memba bilong Bulolo, Samson Napo husat i go pas long dispela spesel Sande lotu sevis i tok as long dispela em long wokim apil o singaut long helpim long ol pipel bilong Buang i stap long Mosbi, ol Palamen memba bilong Morobe, ol Morobe pipel na ol narapela pipel na bisnis haus husat i laik givim helpim bilong ol long kam bung wantaim na prei. Na givim donesen bilong ol long helpim ol famili na hauslain bilong ol pipel i dai na tu, ol dispela we i kisim bagarap long graun bruk hevi.

Mista Napo i tok wanem helpim mak ol i givim bai go long helpim ol lain husat i lusim ol haus na ol i ken sanapim ol nupela haus slip bilong ol long ol nupela ples we ol bai sindaun long en. Sapos yu laik save moa long dispela, yu ken toktok wantaim Mista Napo long telipon namba 3277638/ 637/636.

Pop Benedict 16 sapotim Judaman lida

.... Lutheran Sios egensim toktok bilong Iran lida

HETMAN bilong Katolik Sios long wol, Pop Benedict 16 i bin strongim wok pren namel long ol Judaman o pipel bilong Israel na Katolik Sios.

Na em i askim ol lidaman bilong ol Jews long putim han wantaim na wok wantaim Katolik Sios long strongim jastis, fridom, yuniti na hop long ol yangpela jeneresen o pipel bilong tude.

Pop Benedict 16 i bin wokim dispela toktok i no long taim i go pinis taim long wanpela bung we Rabai o bikman bilong ol Judaman (Jews) Sief Rabbai Riccardo Di Segni bilong Rom na wanpela delegesen i makim ol Judaman komyuniti long Rom. Taim em i tokaut long lukaut bilong Bikman i save stap oltaim na sti-aim wokabaut bilong ol Judaman long bipo taim yet bilong Moses na ol i save daunim ol kain hevi

long ol birua bilong ol, Pop Benedict 16 i tok kamap bilong lida bilong Judaman komyuniti long Rom na lain bilong em i mekim em i amamas tru.

Sief Rabai i bin kisim wok tasol long go pas long ol Judaman komyuniti long Rom na taim Pop i givim luksave long em long nupela wok bilong em, em bin tokim em olsem Katolik Sios bai wok bung wantaim em na pipel bilong em long sanap wantaim na strongim jastis, Sariti wok, na tu, long kisim tos bilong Tenpela mandato na hop i go long ol yangpela.

Long wankain taim tu, Presiden bilong Evanjelikel Lutheran Sios long Amerika na Predisen tu bilong Lutheran wol Federesen mark Hanson i bin tok Lutheran Sios bai wok wantaim ol arapela Kristen, Judaman na Muslim lida long

kamapim gutpela sindaun na bel gut pasin long Midel Is.

Em no bin amamas long ol toktok we lida bilong kantri Iran i bin wokim we i tok ol ripot long Holokos we planti milien Jew pipel i bin dai long bagarap we

Jemeni na lida Hitler i bin kamapim long ol long Wol Woa 1 i stori nating tasol. Na ol i mas rausim Stet bilong Israel na putim long narapela hap olsem long Yurop, Kanada, o Alaska.

Reveren Hanson i tok em i sanap wantaim ol narapela sios lida long egensim ol dispela kain toktok we i narakain long wok Iran i go pas long em long yia 2001 we (Iran) i bin go pas long kamapim Intenesenel Yia bilong dailog o toktok namel long ol kantri long Yunaitet Nesens.



GOD I KISIM BEK WANPELA MAN NA EM I TENKYU LONG GOD

Bikpela i save harim singaut bilong mi. Olsem na mi laikim em tumas. Tru tumas, em i save harim beten bilong mi. Em i save harim olgeta singaut bilong mi. Olsem na olgeta taim mi stap laip bai mi beten long em. Dai olsem rop i pasim mi. Mi tingting long ples bilong ol man i dai pinis, na dispela i mekim mi i pret nogut tru na mi wari moa yet. Olsem na mi singaut long Bikpela na mi tok olsem, "Bikpela, mi singaut bai yu kisim bek mi, nogut mi dai."

PSALM 116:1-4

Ol yangpela mas lukautim ol yet

Veronica Hatutasi na Noreen Dada i raitim

OL YANGPELA i kisim strongpela askim long yusim gut sans bilong ol long skul na laip na long lukautim gut bodi bilong ol.

Bipo Edukesen Seketeri Peter Baki i bin tokaut long Wantok long dispela seremoni

bilong tok gutbai long em na welkamim rupela Seketeri Dokta Joseph Pagelio las wik Fonde long Pot Mosbi.

Samting olsem 400 ol tisa, ol bikman long Edukesen Dipatmen, ol arapela gavman Dipatmen, ol dona ejensi, ol pren na wantok na pablik i bin bung long PNG Edukesen Ejensi long long lukim senis

bilong dispela tupela man.

Mista Baki i bin holim wok olsem Nesanel Edukesen Seketeri inap 9-pela yia, stat yet long 1997. Na em bin statim wok long edukesen Dipatmen olsem tisa long yia 1977.

Em i bin tokim Wantok olsem lewa bilong em i stap yet wantaim gavman na

Edukesen Dipatmen na em bai amamas long karimaut wok konsalten wantaim Dipatmen.

Em i tok em i amamas Long Dokta Pagelio i kisim ples bilong em bikos em i wokman yet bilong Dipatmen na em i gat save long ol wok insait long edukesen sistem.

Wanpela bikpela samting we Mista Baki i

tok em bin laikim long wok bilong em olsem Edukesen Seketeri em long "wok wantaim pipel, ol wok i karim kaikai olsem Nesanel Edukesen Plen we em bin halivim long kamapim.

Olsem man i bin go pas long Edukesen Dipatmen we i gat moa long 1.1 milien yangpela pipel husat nau ol

kain hevi na sik i karamapim ol, Mista Baki i tok "ol yut i mas wok hat long skul na yusim gut sans bilong ol. Na HIV/AIDS i wanpela bikpela hevi i katim long olgeta level, na mi tok strong long ol yangpela long lukautim bodi bilong ol," Mista Baki i bin tok.

tenkyu long bikpela wok bilong em i bin mekim insait long edukesen.

Ol bikman bilong edukesen dipatmen i tokaut long wan kain tingting bilong ol long Mista Baki we em i gat bikpela tingting long luksave long ol samting we ol man i sot long en na save givim helpim bilong em long ol.

Bikpela pasin ol i luksave long en i pasin long daunim em yet long wokim wok na helpim ol man.

Dispela, ol i tok, i mekim em win long olgeta samting em i mekim long opis long strongim edukesen insait long kantri.

Ol i tok wanem long Mista Baki:

Dokta Pagelio i tok Mista Baki i gat trupela pasin bilong lida we em i save mekim ol man i wok hat long kamapim gut ol samting. Em i tok Mista Baki em i kain man we i save gat taim long harim wari long olgeta man na em i tok



**MINISTRI BILONG EDUKESEN
Waigani**

PABLIK NOTIS

HET TOK: BIHAINIM BILONG OL MINIMUM SKUL FI MAK OL SKUL I MAS SASIM

Dispela toksave i go aut long ol papamama, ol skul atoriti na ol Provinsel Edukesen atoriti long stia tok i kam long gavman long mak bilong ol skul fi ol skul i ken sasim long stat bilong 2006 skul yia. Dispela em long ol skul i kam aninit long Nesanel Edukesen Sistem.

Bikos gavman i save tilim mani long helpim ol skul aninit long Edukesen Skul Fi Sabsidi Progrem, ol skul Etministreta na bot i mas lukim olsem olgeta pikinini i gat rait long go insait long skul long stat bilong skul yia. Long ol wik i kam, ol bai tilim ol edukesen sabsidi mani i go long olgeta skul insait long kantri.

Gavman i luksave olsem planti papamama i painim hat long peim skul fi na daunbilo em ol hap manimak we ol papamama i ken peim pastaim long stat bilong skul yia na ol skul i ken kisim ol pikinini i go insait long 2006 skul yia.

Ol i ken peim narapela hap bilong skul fi mani bihainim ol bekim plen long sampela taim bihain insait long skul

SKUL LEVEL	HAP MANIMAK LONG PEIM NA PIKININI I KEN STATIM SKUL
Elementeri Prep Inap long Gret 2	K20
Praimeri Gret 3 Inap long 6	K50
Praimeri Gret 7 Inap long 8	K50
Sekonderi/Vokesene! Gret 7-10 (De na boda)	K100
Sekonderi Skul gret 11-12 (de na Boda)	K200

yia.

Edukesen em i wanpela rait bilong ol pikinini. Olsem na ol skul atoriti i mas kisim ol pikinini i go insait long skul na ol i noken askim ol tu long ol kain samting olsem medikel setifiket o ful skul yunifom.

Ol Provinsel Edukesen atoriti i mas bihainim polisi o tok stia gavman i wokim long edukesen polisi we i sut long skul fi peimen na hap mani we ol sumatin i peim long skul i kisim ol i go insait. Sapos ol skul i rausim ol skul pikinini taim ol i peim hap peimen

tasol, ol i mas putim ripot i go long Edukesen Dipatmen na ol bai givim mekim save long skul. Salim ol ripot i go long Subsidy Section, General Education Service Division, Department of Education, P O Box 446, Waigani. O ringim ol telipon namba 3013343/301 na Feks: 3013356.

Bai mipela i putim narapela toksave gen bilong Seketeri we i sut long Polisi bilong Gavman long Polisi Stetmen bilong Minista na Sekula bilong 2006 Edukesen Sabsidi na Skul Fi Polisi.

HONORABLE MICHAEL LAIMO, CBE, MP
Minista bilong Edukesen

TOK LUKAUT wantaim **DAVID EPHRAIM**

Senis bai kamapim developmen

YUMI save lukim planti ripot long reip insait long planti pepa na tu planti taim yumi save harim long radio long kain pasin olsem. Planti taim yumi harim ol polis wantaim ol bik manmeri i toktok long yumi mas traim stopim dispela kain pasin. Em tru, tasol reip i go bikpela yet. Bilong wanem? Yumi save olsem planti reip i kamap bikos taim man i stap insait long pasin dring na drag em save wokim kainkain. Long dispela as tasol na planti toktok tu i kamap long traim stopim dispela. Moa long dispela, toktok i go strong tumas long stopim gan insait long kantri.

Traim skelim olgeta ol dispela toktok na tingim olsem developing kantri, yumi wok long develop na tu pasin nogut i wok long kamap bikpela. Em samting we olgeta sosaiti insait long wol i save i go insait long en.

Long traim kontrolim dispela planti kain kain, Gavman i bin kamapim kain kain lo long stopim kain nogut pasin. Olsem bipo long taim bilong Roman Empire, Caesar i bin kamapim wanpela rot bilong stopim planti rebel pasin long ol district bilong en. Em nau yumi save olsem Komunisim. Em wanpela rot we em bin wokim long stopim pasin bikhet. Mi no toktok dispela we rot tasol yumi ken traim stadim na kisim sampela kain rot long helpim daunim pasin bikhet insait long kantri. Narapela rot em long lo i mas kilim manmeri husat i mekim bikpela asua. Yumi mas traim stadim gut rot we planti ol Islam kantri i save wokim em taim manmeri i stii em ol i save katim wan wan pinga inap em i stopim.

Mi no tok bai yumi bihainim ol dispela tasol yumi mas stadim na skelim na lukim sapos em i ken wok insait long sosaiti bilong yumi. Nau yet bai yu lukim olsem pasin tumbuna bilong traim stopim dispela kain hevi i hat moa bikos planti bilong mipela ol yangpela i no laikim o bihainim stret pasin tumbuna.

Insait long kainkain rot yumi laik bihainim, yumi mas luksave na sekim gut ol kastom lo we lo bilong yumi tu i luksave long en. Wanpela bikpela rot mi bilip we ken wok strong em long kamapim gutpela haus kalabus we ol kalabus i ken stap na tu kamapim strongpela pasin senis program we long ol i ken bihainim long senis. Gavman i mas strongim na sapatim wok bilong ol sios i go insait long kalabus. Em ol rot we bai bringim senis insait long sosaiti bilong yumi.

Seperesen bilong sik HIV/AIDS

Dia Edita
MI RAITIM dispela pas i go long Wantok Niuspepa na toktok long sait bilong ol pipel i gat sik HIV/AIDS na ol we i nogat wantaim ol gavman bilong yumi.

stap insait na tu ol gavman i mas lukautim ol wantaim kaikai bikos nogut ol bai spendim na bagarapim o kilim nating ol manmeri na pikinini i nogat dispela sik.

Planti taim olgeta manmeri i save tok agensim dispela strongpela sik HIV/AIDS long stopim bilong ol i noken kisim na tu ol i save putim long media bilong ol manmeri i mas lukim na save long gutpela na nogut bilong dispela sik.

Olsem na wanpela taim gen, mi apil long gavman bilong yumi long ol i ken sanapim wanpela banis o kalabus insait long wan wan provins bilong ol HIV/AIDS pipel husat i gat dispela sik, bilong seperetim ol long ol manmeri na pikinini husat i nogat dispela sik.

Tasol long tingting bilong mi em mi laik ol gavman i mas mekim traipela banis o kalabus bilong ol HIV/AIDS pipel bilong ol i ken i

BINSEN TOM
KANERA
POT MOSBI
NCD

Wenge i mas kamap oposisen lida

Dia Edita

MI GAT strongpela bilip olsem gavana bilong Morobe Songang Luther Wenge em i rait man na trupela man long kamap olsem oposisen lida bilong yumi.

Nau long dispela palamen, i nogat wanpela maus man tru i save bikmaus na mekim planti strongpela toktok long ol wari bilong yumi ol grasrut manmeri.

Mi ting olsem nau lida bilong oposisen Peter O'Neill em i no mekim gutpela wok olsem mausman bilong yumi ol grasrut manmeri. Planti taim em i save tingting tasol long amamasim gavman na em i no save agensim gavman.

Songang Luther Wenge em i trupela man bilong autim toktok na tingting bilong yumi ol pipel bilong Papua Niugini. Mi laik olsem Peter O'Neill i mas go na joinim Somare gavman, na larim Wenge i kamap oposisen lida. Wenge bai wokim gutpela wok tru bikos yumi olgeta save pinis olsem em i bin winim bikpela kot long rausim VAT na ECP na tu em i ken bikmaus na mekimsave tru long gavman. Yumi mas gat gutpela na strongpela oposisen insait long palamen bikos sapos yumi nogat, olsem wanem bai gavman inap long wokim gutpela wok taim i nogat wanpela wasman i stap?

REUBEN ELIJAH
LAE
MOROBE PROVINS

Pas i kam long pipel

Dia Edita

MI WANPELA mangi bilong ples stret long Nuku na mi laik stretim tok pisin bilong Francis A. long Kimbe. Pas i bin kamap long 19 Januəri, 2006 long Wantok Niuspepa.

Brata Francis i stap long Kimbe na em i amamas tru tasol em i no lukim wanem samting i kamap long Nuku distrik. Sori tru, ples i bagarap tru. Ol rot i bagarap, ples balus i bus, balus i no pundaun, ol pipel i no salim ol vanilla na kakao bilong ol na ol arapela servis olsem pablik servis bilong skul na haus sik tu i bagarap.

Yu tok long Mista Kumbakor i bringim planti developmen na i senisim Nuku em mipela ol pipel bilong sindaun na slip long ples i no lukim wanpela senis tru olsem na mipela bai traim long painim trupela lida bilong ol Nuku long 2007 ileksen.

Sapos husat i laik sapatim o agensim, rait tasol long Wantok na mi lukim.

MALCOLM M. YAKEN
SANDAUN PROVINS
NUKU

Mobail skwat daunim humen raits bilong pipel

Dia Edita

MI WANPELA mangi Morobe nau mi stap long Bulolo taun, na mi wok long lukim wok bilong Gavman polis mobail skwat 15 nau ol i stap long Bulolo taun.

Ol i no save bihainim wok bilong ol stret, ol i save pajtim nating ol turangu pablik o ol inosen manmeri nating i nogat as.

Olsem wanem pipel i nogat humen raits bilong ol o kantri i gat humen raits tu o nogat?

Plis pipel, humen raits em bikpela samting so mi askim Memba bilong Bulolo Hon. John Muingnepe na Gavana bilong Morobe, Mista Luther Wenge long mekim samting bipo long sampela bikpela hevi bai

kamap long mobail skwat 15 na ol yuts bilong Wau na Bulolo. Em tasol na sapos husat i agensim rait tasol long Wantok na bai yumi skelim.

BALONG KOM
BULOLO
MOROBE PROVINS



Ol samting bilong kaikai, em bilong kaikai tasol

Dia Edita

MI LAIK givim dispela ves long luksave bilong Peter Nana, Peter Tilini na ol arapela manmeri husat save rait long Wantok Niuspepa na agensim ol lain i save lotu long Sande na ol lain save kaikai olgeta kain kain abus we ol lain man antap ya save tok noken long kaikai dispela.

Yes ol pren, yu lukim long 1 Corin 10:25-27 i tok wanem? Aposel Paul i tok, sapos long marimari bilong God mi kaikai pik o kapul o ol arapela abus yupela tok i tambu long kaikai, we mi givim tenkyu long God na mi kaikai, em mi tok tenkyu na mi kaikai tasol.

Paul i go moa long ves 31 olsem, "whether therefore ye eat, or drink, or whatsoever ye do, do all to the glory of God." Yu mekim ol dispela long givim biknem na glori long God. Dispela em long sait bilong kaikai abus yupela tok i no klin.

Na long sait bilong de ol lain save lotu long en, Sande, mi laik yupela lukim long buk Romans 14:6-8.

Olsem na Aposel Paul i tok long ves 10, "But why dost thou judge thy brother? Or why dost thou set at nought thy brother? For we shall all stand before the Judgement seat of Christ. (Lukim ves 12 tu)

Olsem na ol pren, Buk Tambu i mekim tok bilong em i klia long yupela olsem - yupela no ken jadsim narapela, na narapela moa.

Tasol sapos yupela laik skelim man, yupela mas tokim ol man long noken givim hevi long narapela man na pundaunim ol.

Em ves 13 i gat tok olsem i stap. Paul i tok moa olsem long ves 14 - mi save - na tu Bikpela Jisas i tokim mi olsem, i nogat wanpela abus i unklin long kaikai, olgeta i gutpela tasol.

Tasol sapos yu husat i ting em i no klin, orait yu no ken kaikai long wanem em i no klin long yu. Tok tru em Jisas yet.

MR P.I.
LORENGAU
MANUS PROVINS

Sir Michael Somare opim nupela ANZ Benk long Wewak

Dia Edita

MI RAITIM dispela pas long tok tenkyu long Praim Minista na Gren Sif Sir Michael Somare long bringim planti ol minista na oposisen lida long Wewak taun long Mande 23/01/06 na opim pinis nupela ANZ Benk long Wewak.

Planti ol man long Papua Niugini i ting Wewak i slip yet tasol Gren Sif Sir Michael i opim wantaim ol tumbuna singsing grup bilong Murik Lakes. Dispela kain nupela bilding kos bilong em i moa long K1 milien em i soim olsem Wewak bai go het long kamapim moa wankain bilding na kamap fo siti bilong Papua Niugini.

Mi amamas tru long go kaikai wantaim Gren Sif Sir Michael long Yot Klab taim mi wokim wok bilong Sepik Semba bilong Komes na em fes taim bilong mi long bung wantaim em long 2006 taim em win long 2002 ileksen.

Sir Michael, yu mekim ol Sepik pipel i amamas tru long opening bilong nupela ANZ Benk.

JOHN KRISAKI
WEWAK
IS SEPIK PROVINS

Larim rot i klia bilong Tomscoll

Dia Edita

MI LAIK toktok long 2007 ileksen. Husat man yu stap long Middle Ramu Distrik insait long Madang provins yu husat man olsem tisa, didiman, dokta, o kuskus o wanem kain wok yu i stap long en, em wok we Papa Antap i givim long en.

Yu noken traim long lusim wok bilong yu na sanap long ileksen long yia 2007 nogut bai yu bagarapim wok we Papa God givim yu long en. Mipela i kisim bikpela hevi long 2002 i kam inap nau na mipela laikim Tommy Tomscoll bai bihainim olpela rot bilong en na go bek. Taim em wokabout go bek mipela i no laikim pipia, diwai nogut o gras nogut bai pasim rot bilong em. Larim rot bai op i stap na em bai go. Mi no saveman olsem toktok na mi tok yupela mas wanbel. Em tasol toktok bilong mi.

AMOS KOMB
KIMBE
WES NU BRITEN PROVINS

Baim bos long K100 long wok

Dia Edita

PLIS, mi laik autim liklik wari na olgeta pablik ken lukim. Wari bilong mi em nau Kimbe Haus Sik long Wes Nu Briten kisim ol man na mipela wok sekyuriti.

Taim mi go lukim bos long wok, em askim mi long K100 na mi givim em dispela mani na mi wok sekyuriti. Dispela taim em no givim mi risit o tokim mi olsem dispela mani em putim we.

Olsem na Helt Dipatmen mas sekim Kimbe Haus Sik long dispela mani.

Nau yet mi paol na wari long K100 bilong mi na mi rait long pablik na olgeta manmeri lukim na skelim. Em tasol na yu husat laik sapatim o agensim mi, rait tasol long Niuspepa Bilong Yumi stret - Wantok, na bai mi lukim.

PHILIP TARI KAUPI
KIMBE
WES NU BRITEN PROVINS



Yu laik autim tingting bilong yu - Salim wanpela pas i kam long Edita long: Ol Pas i go long Edita P. O. Box 1982 BOROKO NCD

Sapos yu save long email, yu ken salim pas bilong yu i kam long: editoria@wantok.com.pg Yu mas raitim tru tru nem, telepon namba na pos opis bokis bilong yu. Sapos nogat, mipela i no inap putim pas bilong yu insait long pepa. Wantok i gat rait long katim o stretim ol pas bai em i bihainim olgeta lo bilong niuspepa.

WANTOK KOMENTRI

Wanem taim bai giaman pasin i pinis?

PLANTI papamama long Otonomes Rijen bilong Bogenvil i wok long painim hat tru long kesim sampela sekmani i kam long 'Intanesenel Benk bilong Bogenvil'. Tasol ol dispela sekmani i no kam long wanpela benk. Nogat tru. Ol i kam long dispela kwik mani bisnis U-Vistrek.

Ol wokmanmeri bilong ol benk long Buka i salim ripot i kam olsem ol papamama, tumbuna manmeri, waspapa na wasmama i karim ol dispela sekmani bilong U-Vistrek na traim long kesim bilong baim skul fi bilong ol pikinini.

Ol turangu manmeri i bihainim longpela rot long kamap long benk long Buka i mas salim sampela bikpela tok lukaut olsem dispela giaman pasin bilong ol kwik mani bisnis i wok long bagarapim sindaun bilong ol pipel yet.

Em nau, mipela i mas askim, long wanem as tru na ol manmeri i wok long bilip yet long ol dispela kwik mani bisnis?

Long stat bilong olgeta yia, yumi olgeta i save olsem em i taim bilong ol papamama bilong painim skul fi mani bilong ol pikinini.

Tasol nau mipela i lukim olsem planti i bin pundaun pinis long ol switpela toktok bilong ol giaman man.

Em i no klia long hamas manmeri insait long kantri i pundaun pinis long ol kwik mani bisnis. Tasol i klia moa yet olsem maski ol saveman bilong Benk bilong Papua Niugini na ol polis i tokaut olsem ol pipel i noken harim tok bilong ol 'konman', planti i givim mani long ol yet.

Sindaun bilong ol dispela turangu lain long Bogenvil i wankain olsem ol arapela manmeri i karim hevi long dispela kain giaman pasin.

Toksava i kam pinis long bikpela Benk bilong PNG olsem yu husat manmeri i givim mani bilong yu long ol kwik mani skim, bai no inap long kisim bek wanpela toea. Mani bilong yu i lus olgeta pinis.

Wanem taim bai ol pipel i harim tok na daunim ol dispela konman? Strong bilong daunim ol dispela lain bai no inap kam long polis, o gavman. Nogat. Ol i givim stia pinis long yumi.

Yumi wan wan i mas skelim gut pasin bilong ol dispela konman na noken pundaun long tok pasin bilong ol.

Nau ol pipel bilong Bogenvil i lukim long ai bilong ol stret. Tok pasin em i wanpela samting, pepa i gat nem 'sekmani' em i wanpela samting. Tasol kaikai bilong tok pasin na kaikai bilong sekmani bilong 'Intanesenel Benk bilong Bogenvil' i stap we? Opim ai, pasim yau na rausim olgeta dispela giaman kwik mani bisnis.

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

A/General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Glasm gut rot bilong rausim ol setelmen

RAUSIM ol setelmen long ol taun na siti i no isi samting long mekim. I gat bikpela hatwok olsem bikpela mani bai go long baim ol samting i bagarap, baim trenspot bilong planti tausen manmeri long go bek long asples na i gat lo i banisim rait bilong ol manmeri. Dispela lo i save mekim na ol setelmen lain i save kisim sapot long stap yet long blok bilong ol.

Yumi harim na lukim pasin bilong rausim ol setelmen long Lae siti, Madang na Rabaul. Sampela hap provins tu i laik mekim wankain. Tasol olgeta dispela eksen. bilong rausim ol setelmen i save kamap wantaim sampela kain kros pait pastaim. Polis wantaim bikpela buldosa masin i mas go insait na brukim ol haus na ronim ol pipel nabaut. Nogat isipela rot bilong toktok gut na wanbel na pipel i kirap wokabaut. Olsem na em i no isi long rausim ol setelmen.

Wanpela gutpela piksa



bilong rausim ol setelmen long gutpela rot em long Mosbi siti. I gat wanpela setelmen i save stap long Bens Pik long Hohola eria. Tasol long 1995 Gavman i tokim ol pipel long dispela hap setelmen long klia go long narapela hap bikos bikpela developmen wok bai kamap. Dispela taim em Gavman i wokim Friwe haiwe. Bikos long nem bilong projek o wok bai kamap, ol pipel i kirap na muv isi. I tru Gavman i givim ol liklik wansiling bikos ol haus na ol samting bilong ol i bagarap long dispela disisen. Tasol wanbel istap na ol i go.

Ating dispela em wanpela rot yumi inap rausim ol setelmen insait long ol taun na siti.

Gavman i mas kamapim ol projek o ol kampani i mas mekim bisnis. Em nau bai ol i mas yusim ol graun we ol

setelmen i stap long en bikos planti bilong ol setelmen em ol graun bilong gavman. Graun bilong Gavman em bilong mekim wok developmen long en.

Long Lae siti em Gavman i ken planim rais long 2 Mail i go olgeta long 10 Mail bikos dispela hap em tais wara na rais bai groa gut tru long hap. Kisim moa bisnis i kam long ovasis na sanapim ol fektori nabaut long ol kain hap olsem.

Ol pipel bai kirap muv yet bikos projek bai bagarapim sindaun bilong ol. Bai ol bikpela buldosa na masin bai kam brukim ol bus na graun na bai ol pipel long hap i mas kirap go.

Bikpela samting em graun bilong Gavman na ol pipel i save olsem Gavman i laik mekim wok long graun bilong ol.

Setelmen i kamap bikos taun na siti i stap. Ol pipel i laik painim wok na kisim ol samting we i stap long sili.

Olsem na ol i kam stap na wokim ol haus na stap long en.

Narapela samting em ol setelmen i save kisim wara na pawa saplai. Olsem na ol i save amamas long stap longpela taim moa long hap. Tasol sapos Gavman i ken stopim wara na pawa saplai i go long ol setelmen we i stap nabaut antap long graun bilong gavman bai orait. I gat rait long mekim dispela bikos ol pipel i long rong graun.

Sapos i nogat sampela gutpela rot i kamap, bai ol setelmen i kamap moa yet na givim moa hevi long gavman na ol pipel i stap long mekim gutpela bilong sevim kantri.

Olgeta taim bai yumi kompleten long lo na oda hevi long ol setelmen na ol arapela hevi moa olsem nogat wok, kain kain bikhet pasin, pamuk, sik AIDS, nogat wok, nogat mani bilong baim kaikai, na planti arapela moa.

Yu no ken rabisim ol pikinini - namba tu hap

Pastaim yumi i bin lukluk long pasin bilong rabisim ol pikinini na pasin bilong lukdaun long ol pikinini. Nau bai yumi lukluk moa long dispela prinsipol.

Ol pikinini em presen God i givim long yumi. Olsem na yumi mas lukautim gut na no ken lukdaun long ol na rabisim ol. Ol pikinini i bin i kam long Jisas na ol disaipol i rausim ol. Tasol Jisas i tok, larim ol i kam, olsem na ol pikinini i kam long Jisas na em givim blesing long ol. Sapos yu i laik kamap gutpela man o meri yu i mas kamap olsem ol dispela liklik pikinini. Na tu Jisas i tok "sapos yu i laik i go insait long kingdom bilong God, yu i mas kamap olsem liklik pikinini." Sapos yu i gat wanpela dok i pulap long kaskas o gras i lus na i stap wantaim yu na em i dok bilong yu, na yu save lukautim gut i stap. Na em i dai o wanpela man i paitim em, bai yu pilim olsem wanem? Harim gut! Dok em i enimol tasol ol man i save lukautim ol i luk olsem pikinini bilong ol na ol i save laikim ol na lukautim ol gut tru.

Tasol pikinini ol i narapela kain tru olgeta. Ol i presen



God i givim long yumi na ol i kamaut long blut bilong man. Na blut em i bikpela samting ttu long ai bilong God na blut God i bin tok em i as bilong laip. Sapos yu rabisim ol pikinini, yu nau rabisim gutpela samting God i save laikim tumas. Sapos yu lukim ol man krosim pikinini bilong yu bai yu inap wanbel? Sampela taim bai yu kros pait wantaim dispela man. Ol bas draiva na bos skru, sapos yu i gat pikinini na wanpela pasindia i krosim em long ai bilong yu, bai yu kros o nogat?

Taim ol bikpela manmeri i kam long Jisas na harim wanem kain tok Jisas i wok long autim, na sampela manmeri kisim ol liklik pikinini i kam long Jisas long Jisas bai givim blesing long ol, tasol ol disaipol i krosim ol, tasol Jisas i tok yupela i no ken pasim ol. Larim ol i kam. Olsem na ol i kisim ol liklik pikinini i kam long Jisas na

Jisas putim han antap long ol liklik pikinini na blesim ol. I tok "sapos yu laik i go insait long kingdom bilong God, yu i mas kamap olsem dispela pikinini." Dispela tok Jisas yet i bin tok.

Taim mama bilong Jisas i bin karim em, em i kamap long haus bilong bulmakau na em i slip antap long ples nogut. Jisas i kamap na ol i no luksave long em olsem em wanpela king na man bilong kisim bek ol man. Tasol bihain Jisas i kamap king na tu em i dai bilong helpim yumi olgeta. Taim ol pikinini i stap liklik yet na yumi lukim ol olsem wanpela rabis samting. Tasol taim ol kamap bikpela bai yu luksave long ol.

Bipo yu dispela man o meri ol man i bin rabisim yu olsem wanpela bilong ol dispela liklik pikinini nau yu rabisim ol. Tasol nau yu kamap man o meri na yu tanim bek na lukautimol i stap. Yu i mas lukim ol liklik pikinini wan kain olsem yu yet. God i bin promisim Abraham long em bai i gat planti bilion tumbuna pikinini. Na em bai i gat biknem tru. Sapos yu nogutim blesing bilong God, bai yu i no inap kisim planti blesing

long wok bilong yu. Sapos yu lukautim blesing bilong God, God bai blesim yu moa yet. Lukautim ol pikinini ol i presen bilong God. Davit i liklik manki na ol brata bilong em na King Sol i no bilipim em. Ol i bin krosim Davit na i tok yu i no laik i stap wantaim papa na lukautim ol rabis sipsip bilong em na i stap. King Sol i tok "yu luk yangpela tumas n apes bilong yu i luknais tru. Dispela kain yangpela manki i no fit long pait."

Goliat i tok "Yu liklik manki tumas yu i laik pait wantaim husat? Bai mi kilim yu na hangamapim bodi bilong yu long diwai na ol pisin bai kaikai."

Bihain Davit winim Goliat na ol meri Israel i givim biknem long Davit. Harim gut, God i save long olgeta man meri, ol bikpela o liklik God i save long olgeta na ol i stap long ai bilong God. Sapos yu nogutim wanpela bilong ol, yu nogutim God. Na yu i mekim gut long wanpela bilong ol, yu i mekim gut long God.

Lukautim gut blesing na presen God Bikpela i save givim yumi.

God i ken blesim yu!

SEVIS IMPRUVMEN PROGRAM

Lukluk bek long ol wok senis insait long ol provins

Wanpela hap bilong Pablik Sevis Rifom Program aninit long Dipatmen bilong Praim Minista na Nesenel Eksekutiv Kaunsil

Taim planti wokmanmeri bilong gavman i bin kisim malolo, ol program menesa bilong Pablik Sekta Rifom Menesmen Yunit (PSRMU) i bin hat wok long mekim enuel rivi u o lukluk bek long wanpela bikpela samting long wok bilong I long senisim pablik sekta insait long dispela kantri.

Tru tumas, pablik sekta rifom o senis (PSR) em i wanpela bikpela wok bilong gavman taim em i bin kirap long 2000, bihain long ol i traim na nogat gutpela wok i bin kamap planti taim bipo pinis.

Tim bilong ol menesa na ol risetsa bilong yunit i bin bihainim Ekting Dairekta bilong PSRMU, Mista Joseph Sukwianomb, husat i bin stap long Lae long Januari 9 inap 14, 2006. Mista Clant Alok, program menesa bilong Sevis Impruvmen Program (SIP) i bin go pas long dispela wok rivi u.

Long opim toktok bilong em, Mista Sukwianomb i toksave long ol tain i sindaun long woksop olsem, "long stat stret, mi ken tok olsem mipela i wok long lukim planti senis i kamap insait long planti hap bilong ol pablik sekta ejensi.

I gat ol politikel, lejislativ na pablik sevis rifom i wok long kamap na i wok long bihainim kain kain rot bihain long ol PSR wok i bin stat."

"Ol dispela senis i kamap bihainim ol stia bilong mipela long sait bilong ekonomi na tu strongpela sindaun bilong politiks insait long 4-pela yia i lus pinis. I nogat wanpela paul tingting long ol dispela wok i kamap insait long nesenel laip bilong yumi."

"Mi bilip olsem dispela kibung i gat bikpela luksave bilong em, long wanem mipela i bung olsem wanpela grup pastaim long mipela olgeta i go bek long wok long 2006."

Dispela kibung em i bikpela samting tru bikos mipela i kam hia long paitim toktok long SIP na ol projek we ol kain kain pailot projek bilong yumi na ol wan wan nesenel dipatmen mausman i makim."

"Mipela bai lukluk long wanem samting mipela i kamapim insait long dispela yia i go pinis, ol hevi mipela i bungim, na rot bilong i go het long 2006 na bihainim."

Mista Sukwianomb i tokim ol tain i sindaun long woksop olsem as bilong ol i bung long Lae, em: "Mipela i mas tingim

olsem ol dispela kain kibung i save pulim mipela i kam bung moa, long serim na kisim skul long mipela yet".

"Sevis Impruvmen Program bilong Gavman em ol i kirapim yet long asples, em i wanpela projek we ol lokol saveman i stiaim na go pas long en, na tu sampela long I nupela yangpela pablik seven. Mipela i laik trenim na kamapim ol strongpela lain husat i ken kirapim senis we ol bai ol sempion tru".

Ol patispin o lain i sindaun long woksop i kisim askim long karim ol senis insait long pablik sekta i go aut bihainim ol projek i kirap aninit long SIP, we em i nambawan long dispela kain samting insait long dispela kantri.

Bilong dispela yia, Mista Sukwianomb i singaut long ol provins long wok hat long rikrutim ol manmeri husat i ken mekim ol disisen olsem ol bosman bilong ol dipatmen na ol provinsel etministreta.

"Sapos yumi nogat ol sempion bilong rifom o senis, dispela hatwok bilong mipela long senisim pes bilong pablik sevis insait long Papua Niugini bai no inap mekim bikpela wok kamap insait long komyuniti.

Ol wanwok na ol poroman, isi tasol strongpela wok plen bilong mipela em long rikrutim na holim pas ol sempion bilong pablik sekta wok senis long olgeta hap insait long PNG.

"Olsem na yu na mi mas wok hat tru long tanim het bilong ol provinsel etministreta na ol dipatmen hetman long halivim long makim, rikrutim, trenim na mekim Papua Niugini i senis long olgeta level".

Wok bilong PSRMU em i wanpela han bilong gavman, aninit long Sief Seketeri, long karim ol rifom o senis insait long politiks, lo na pablik sevis i go het.

Ol sinia opisa bilong PSRMU em ol tain bilong lukautim na luksave olsem mipela i mas halivim long strongim komyunikesen, givim ol bikpela infomesen (data) we i mas i stap long karimaut SIP insait long ol provins olsem Western Hailans, Isten Hailans, Morobe na Wes Nu Briten. Dispela i kamapim tu ol dipatmen we ol i makim ol long wok insait long SIP wok (Woks, Trenspot, Helt, Edukesen na Agrikalsa)."



Mista Sukwianomb i go pas long SIP tim na ol patispin i raun lukim ol projek sait olsem Makam Veli rais projek we ol i lukim ol asples manmeri i groim rais na milim ol yet. Foto: The National.

Miting pulim 30 manmeri

PABLIK Sekta Rifom Menesmen Yunit (PSRMU) i bin kamapim wanpela wan wik rivi u o lukluk bek bilong 2005 Sevis Impruvmen Program (SIP) long Melanesian Hotel long Lae long stat bilong mun Januari.

Samting olsem tripela ten (30) manmeri i kam long ol pailot provins i bin stap long dispela rivi u.

Pastaim, SIP i bin lukluk tasol long 4-pela pailot provins (Westen Hailans, Milen Be, Morobe na Wes Nu Briten) na bihain em i op i go long Isten Hailans, Nu Ailan, Sandaun (Wes Sepik), na Manus provins, na 7-pela nesenel dipatmen em, Pesenel Menesmen, Fainens, Plening, Helt, Edukesen, Trenspot, Woks, PNGIPA na PNG

Faia Sevis.

Ol samting we i bin kamap insait long dispela wok rivi u i kamapim ol hevi na plen bilong stretim ol hevi we ol provins i bungim. Ol dispela problem em i nogat wok bung namel long ol lida na ol tim memba, SIP i no go gut insait long ol program, i bin i gat ol kain kain senis long ol wokman bilong SIP na i nogat bilip i kam long ol provinsel ejensi kodineta.

Namel long ol strateji i stap long stretim ol dispela hevi em:


"Strongim disiplin bilong nogat gutpela wok bihainim;

"Sanapim ol SIP opis insait long ol ejensi wantaim mobeta ples bilong wok; na

"Salim ol SIP kodineta long to mekim ol ripresa kos.

Ol bikpela samting bilong karimaut, kodinetim na lukautim Sevis Impruvmen Program bilong 2005 i bin kamapim sanapim bilong SIP opis/desk insait long provins and presentesen o givim bilong ol kompyuta na kompyuta masin na printa i go long Isten Hailans, Westen Hailans na Milen Pe provins na givim bilong ol kompyuta i bin go tu long Morobe long taim bilong enuel rivi u.

Ol Sevis Impruvmen Projek insait long Milen Be i abrusim pinis mak bilong em long klostu pinis aninit long program.



Namel long ol patispin i bin i gat tupela meri opisa husat i wok long go pas long ol SIP projek insait long ol provins bilong ol - Milen Be na Morobe. Dispela tupela sempion i gat bikpela save long kamapim ol senis long rot pablik sevis i save mekim wok bisnis. Ritim stori bilong ol insait.

SEVIS IMPRUVMEN PROGRAM

Lukluk bek long ol wok senis insait long ol provins

i kam long pes 15

Bihain long Fonde Januari 13, SIP tim na ol patisipen i bin raun lukim Markham Veli rais projek, we ol i lukim ol asples manmeri i groim rais na ol asples man yet i milim. I no long taim bai rais i kamap olsem nambawan wok

bisnis bilong ol pipel i stap long tupela sait bilong veli wantaim. Long laspela de, Fraide, Januari 13, Morobe provinsel gavman i kisim wanpela set bilong ol nupela kompyuta long halivim provins wantaim SIP wok bilong em. Morobe na Milen Be

provins i kisim luksave bilong SIP tim olsem tupela i mekim bikpela wok tru long karim ol SIP projek i go het namel long ol arapela pailot provins. Ol arapela i kisim luksave tu long hatwok biong ol long muv i go het, maski ol i bungim ol kain kain hevi.

Makam Veli - bihain taim kaikai basket bilong PNG

LONG Fonde, Januari 12, 2006, ol SIP patisipen i bin raun long ol bikpela kunai ples bilong bikpela Makam Veli long lukim na save long rot bilong groim rais insait long dispela sait bilong Papua Niugini. Ron bilong ol i bin lukim samting olsem tripela ten (30) manmeri wantaim ol niusman. Raun bilong ol i bin go long plot bilong wanpela rais fama, wanpela rais mil, na wanpela wok risets na ekstensen senta, we Morobe provinsel gavman yet i bin sanapim.

Tasol wanem as bilong dispela raun? As tingting em bilong ol long lukim long ai bilong ol yet rot bilong kisim skul na kamapim long wok - rot bihainim wok sains i go long ol hap i gat hevi, we i bihainim ol sevis ejensi bilong pablik sekta, olsem ol bikpela ejensi na provinsel etministresen.

Ol i bin kisim liklik taim na toktok long ol rais fama, husat em ol papa-graun, ol liklik rais mil operetta, ol ekstensen opisa, ol risets manmeri na ol sinia menesmen tim memba i makim provinsel etministresen.

Ol i bin bihainim wanpela saveman bilong groim rais, Amos Bueiba bilong

Milen Be, wanpela supavaisa long Wawin Agrikalsa Risets na Ekstensen Sevises. SIP tim i kisim toksave olsem Wawin em i asples tru bilong wok bilong strongim agrikalsa grin revolusen bilong Gavman.

Amos na ol saintis bilong em i tokaut olsem ol i nidim mani sapot. Sampela halivim bai kam long Smol Holda Sapot Sevis Pailot Projek (Morobe em i wanpela long ol pailot sait), na Smolholdas Sapot Kontrak Fasiliti bilong Morobe yet.

Wawin Agrikalsa Risets na Ekstensen Fasiliti i mas i gat wara saplai olgeta taim, we i winim olgeta arapela kain komoditi o gaden kaikai long pulim ol saintis i go long fil. Ol saveman olsem Amos, Moses na Vele i stap long as long wok we i wok long tanim ples kunai i go long ol rais fil - basket kaikai bilong Papua Niugini.

Long pinis bilong dispela raun, Amos na ol opisa bilong em i soim SIP tim long wok sipsip siaring o rausim gras bilong sipsip, rais miling na katim rausim bol bilong bulmakau long Wawin.



Ol Opisa, Joseph Sukwianomb na Clant Alok, husat i bin sindaun long dispela rivi long bilong 2005 Sevis Impruvmen Program (SIP) long Melanesian Hotel long Lae long stat bilong mun Januari.



Amos Bueiba (werim kauboi kep), em supavaisa long Wawin Agrikalsa Risets na Ekstensen Sevises i tokim SIP tim olsem Wawin i gat planti samting long givim long agrikalsa grin revolusen bilong Gavman. Foto: The National.

Margaret Titus, DPI opisa long Wawin stesen i givim rais ol i groim long stesen yet i go long Clant Alok. Foto: The National.



Sampela ol patisipen i putim iau long taim bilong bung.



SEVIS IMPRUVMEN PROGRAM

Go pas long givim ol bikpela sevis

AGENDA o tingting bilong Gavman long strongim karim bilong ol sevis i go long ol komyuniti i bin kisim bikpela luksave insait long Sevis Impruvmen Program (SIP) rivi kibung long Lae.

Namei long ol manmeri husat i bin sindaun long dispela kibung em tupela meri opisa husat i wok long go pas long ol SIP projek insait long ol provins bilong ol long Milen Be na Morobe. Dispela tupela sempion meri - husat i gat save na i ken strongim wok senis bihainim rot bilong pablik sevis long mekim wok - i kisim bikpela luksave tru taim ol i givim ol ripot bilong ol provins bilong ol.

Mis Sharon Mua bilong plening opis bilong Milen Be provinsel etministresen na Mis Catherine Dally bilong lokal level gavman divisen bilong Morobe provinsel etministresen i bin autim tingting bilong ol long ol wok ol i mekim olsem hap bilong SIP tim insait long ol pailot provins bilong ol.

Milen Be na Morobe provins wantaim i ripotim gutpela wok kamap bihain long ol i bihainim na yusim daieknostik tu! na teknik bilong SIP we ol i save kolim DIATS we i sanap makim: Difain, Investiget, Etvens, Tes na Sasten (em wok bilong makim, painimaut, kiraim na strongim) senis.

Ol wok aninit long Sevis Impruvmen Program i go insait pinis long 5-pela provins - Isten Hailans, Milen Be, Morobe, Westen Hailans na Wes Nu Briten. Saundaun (Wes Sepik) bai kamap wanpela pailot provins long 2006.

Mis Mua wantaim bosman bilong em, Mista Glen Tauliso (lukim narapela stori) na Mista Russell Madawiyo i givim ol provinsel SIP wok i kamap long 2005. Laspela ripot bilong ol i bin kamap long mun Ogas 2004.

Kes stadi bilong Milen Be long sait bilong yusim ol teknik o rot bilong rausim ol hevi aninit long SIP i bin lukluk long ol medikol saplai. Ripot i kamaut olsem saplai bilong ol marasin samting insait long Milen Be nau i gutpela moa, bihain long SIP i wok bung wantaim provinsel etministresen.

Long Morobe, rais projek we i kisim sapot bilong provinsel gavman, i kisim halivim bilong ol SIP intavensen teknik insait long infen projek long Wawin. Mis Dally na wanwok bilong em, Mista Tony Ase i ripot long ol gutpela wok kamap long sait bilong gutpela wok kamap we ol man

bipo i bin kamapim insait long namba wan bikpela provins bilong Papua Niugini.

Mis Mua, em bilong Misima, i statim pablik sevis wok bilong em olsem wanpela kesuel wokmeri insait long humen risos divisen bilong Milen Be provinsel etministresen bihain long em i bin greduet long Yunivesiti bilong Papua Niugini long 2001, we em i bin skul long ogenaissen saikoloji. Dispela nambawan wok bilong em i bin wanpela bikpela salens bilong em long wok olsem wanpela pablik opisel.

Gutpela pasin na hat wok bilong em i karim kaikai taim etministresen ristraksa i bin kamap - Mis Mua i aplai na winim posisen bilong sinia divelopmen plena insait long sosel na gavanens divisen insait long provinsel etministresen long pinis bilong 2005.

Bihain long Sinia Opisa Tauliso, Mis Mua em i wanpela opisa husat i wok long taim na i klia moa long ol sevis impruvmen program wok insait long provinsel etministresen. Em i kam long longwe ples olsem Misima, olsem na em i bikpela insait long liklik bus ples bilong PNG na em i klia long go pas long dispela gutpela wok kamap.

Long narapela sait, Mis Dally, husat em i hap Morobe na hap Milen Be i winim namba wan wok olsem provinsel SIP kodineta long Novemba 2005. Mis Dally tu i statim wok bilong em long 1995 yet olsem wanpela kesuel insait long menesmen bilong infomesen yunit bihain long em i kisim Basela long Bisnis Stadis long PNG Yunivesiti bilong Teknoloji.


Long pinis bilong las yia, taim wanwok bilong em, Tony Ase i kisim wanpela arapela bikpela wok insait long pablik sevis, Mis Dally i kisim wok bilong em. Long posisen bilong em olsem sinia data kontrola, na nau kodineta bilong SIP, em i wanpela driman i karim kaikai bilong wanem em i wanpela long ol nambawan wokmeri insait long wok bilong givim sevis.

Samting we i klia insait long tupela provins wantaim - Milen Be na Morobe - em dispela: Em dispela tupela ples bilong kantri bilong yumi em ol nambis provins tu. Ol i soim sampela gutpela wok kamap long karim sevis insait long ol projek we ol yet i bin makim stat long 2002.

Tupela provins i gat tupela meri bilong hatwok i wok long karim ol dispela program bilong SIP na halivim gavman long

kamapim gutpela sindaun bilong senisim wok bilong givim sevis.

Wantaim Sharon long Milen Be na Catherine long Morobe, wok bilong strongim pablik sevis insait long dispela tupela provins i stat tasol, na SIP i wok long kamap strong moa yet.



Ol patisipen (antap na daunbilo) i skelim tingting long ol skul long SIP rivi long Melanesian Hotel long Lae.

Mista Sukwianomb i mekim wanpela presentesen bilong ol kompyuta masin i go long Morobe provinsel etministreta Manasupe Zurenouc. Poto: The National.

Ol stori insait long dispela spesol ripot em EVE TUMUL WURR i raitim. Ol Poto i kam long Pablik Sekta Rifom Menesmen Yunit bilong Dipatmen bilong Praim Minista na Nesenei Eksekyutiv Kaunsil.

SEVIS IMPRUVMEN PROGRAM

Traim long mekim wok insait long EHP

ISTEN Hailans provins i bin stap olsem wanpela pailot provins wantaim kamap bilong Sevis Impruvmen Program long stat bilong 2003.

Bihain tasol long kamap bilong program, provins i makim sikspela projek we em i ting i wok long givim hevi long karim bilong ol bikipela sevis.

Sevis Impruvmen Program i bin kirap gut wantaim sanapim bilong tas fos na ol wok tim aninit long Isten Hailans provin-sel operesen.

Bihain nambawan ripot long wok i kamap i bin kamaut long 2004 enuel rivi long Gateway Hotel long Ogas 24, 2004.

Isten Hailans Deputi Etministreta Mista Charles Goto i tok olsem ol i no wankain olsem ol arapela pailot provins bikos ol i askim Isten Hailans long makim sikspela projek. Mista Goto i tok ol dispela projek em:

"Ol Tisa apoinmen o makim;

"Et Pos mentenens na komyuniti helt woka rikrutmen na ritrensmen;

"Kisim na tilim ol agrikalsa ekstensen stia tok na ol matiriel;

"Rot na bris mentenens;

"Trening bilong ol pablik seven; na

"Leit sabmisin o givim bilong ol lokal level gavman fainens o mani ripot.

Mista Goto i tok olsem bihain long laspela progresiv ripot long 2004 olgeta sikspela projek i stap long mak we ol i bin stap long em bipo, maski i bin i gat sampela woksop na kibung we Pablik Sekta Rifom Menesmen Yunit i bin kamapim.

Em i tok olsem tupela projek tasol insait long edukesen na helt sekta i bin mekim long wok i go het. Olgeta narapela i no bin i gat bikipela wok kamap long 2005.

Mista Goto i tok olsem as long nogat bikipela wok i kamap em i nogat wokbung namel long ol Sevis Impruvmen Tim memba.

Wanpela arapela hevi em makim bilong opis bilong SIP, em i tok, na tu ol i bin salim sampela pas i go long askim long spes bilong opis aninit long tas fos na SIP Program Menesa Clant Alok, husat i givim bekim olsem Isten Hailans Provinsel Etministresen i makim pinis wanpela opis.

'Bringim bek taim bipo'

SEVIS Impruvmen Program i traim long strongim bek pablik sevis i go bek long taim em i bin strong tru - dispela em i tingting bilong wanpela long taim pablik seven taim em i toktok long dispela program.

Milen be Provinsel Sevis Impruvmen Program siaman, Mista Glen Tauliso, i wok insait long pablik sevis moa long 35 krismas na em i lukim ol senis i kamap - ol gutpela na nogut wantaim - insait long pablik sevis stat long koloniel taim yet na i kam.

Mista Tauliso i bin stat olsem wanpela patrol opisa long 1971 na em i raun i go long planti hap insait long kantri olsem wanpela pablik sevis

opisa. Mista Tauliso i tok bihain long 1978 pablik sistem i bin go daun olgeta.

Em i tok em i amamas long stap insait long dispela wok bilong strongim bek pablik sevis, na moa yet bikos provins bilong em Milen Be i stap olsem wanpela pailot provins bilong Pablik Sekta Rifom Menesmen Yunit long karimaut Sevis Impruvmen Program.

Mista Tauliso i tok olsem provins bilong em i karimaut 4-pela projek: helt - oda, storim na tilim ol medikol saplai; edukesen - tilim ol skol samting; agrikalsa - vanila prodaksen; na woks - wok mentenens long ol jeti na bris bilong sip.

Em i tok olsem Milen Be em i wanpela maritaim o solwara provins na planti taim em i hat long karim ol sevis i go aut long ol ailan, tasol long stat bilong SIP insait long provins, karim bilong sevis i strong moa.

Em i tok olsem wantaim provinsel baset atokesen ol bai skelim ol mani i go long ol eria we bai i ken strongim ol sevis.

Mista Tauliso i tok olsem em i amamas olsem em i givim wok long karim sevis insait long kantri.

"Mipela i mas tingting ausait long lukluk bilong mipela long givim gutpela sevis," em i tok na i tok tu olsem ol pipel i mas gat strongpela tingting sapos ol i laik mekim gut wok.



Westen Hailans provins mausman long SIP, Ivan Kerowa, i tok tok long rivi bilong program. Mista Kerowa i bin wanpela long ol opisa husat i mekim planti toktok long kibung long Lae.



Mista Dalle i holim wanpela waitpela rebit taim ol i go raun insait long Makam Veli. Foto: The National.

'Nogat inap ful-taim opisa' long distrik level

SEVIS Impruvmen Program i mas i gat gutpela kodinesen long provinsel level long abrusim ol wankain hevi i wok long kamap long distrik level.

Nuku Distrik Etministreta, Mista Dickson Dalle i autim hevi bilong nogat gutpela kodinesen bilong ol wok i kam long provinsel level we i

givim hevi long ol opisa long distrik level long wok long laik bilong ol.

Mista Dalle i tok wokabout bilong ol opisa i bin bagarap tru wantaim sanapim bilong SIP. "Ol hevi i stap wantaim provin-sel etministresen long makim wanpela pemenen opisa long kodinetim ol wok bilong Sevis

Impruvmen Program bai em i ken strong long provinsel na distrik level," em i tok.

Em i tok olsem em i amamas olsem rivi i glasim tu dispela hevi. Nau yet ol opisa insait long SIP i gat ol arapela wok long mekim antap long wok bilong SIP. Em i tok dispela tu i bin kamap olsem hevi na ol i mas traim na

mekim olgeta wok bilong ol.

Em i tok sanapim bilong SIP desk na ol opisa i go tasol long SIP bai halivim ol sevis i go long ol pipel. Mista Dalle i tok ol opisa bai no inap wari tumas long ol arapela wok na ol bai lukluk moa long karimaut wok bilong SIP.

SIP halivim long strongim paia sevis



Morobe Provinsel Paia Sevis komanda mista Alphonse Amia. Foto: The National.

MOROBE provins i bin wanpela long ol nambawan pailot provins long karimaut Sevis Impruvmen Program. Ol projek we i bin kamap em ol helt promosen program; ol tisa apoinmen o makim; tilim bilong ol rais sid; rot na bris mentenens; na paia awenes.

Stat long taim em i bin kamap long 2002 provins i lukim sampela gutpela wok kamap, long sait bilong rais sid distribusen o tilim na paia awenes.

Morobe Provinsel Paia Sevis komanda Mista Alphonse Amia i tok olsem Lae Paia Brigeit i karim dispela SIP na i wok long mekim gutpela wok.

Mista Amia i tok stat long 2004 kaikai long ol wok ol i mekim insait long provins i gutpela. Bipo Lae Paia Brigeit i bin gat wanpela Paia na Hasat Sefti opisa husat i no inap long lukautim olgeta hap insait long provins.

Em i tok olsem aninit long SIP ol i bin inap long trenim 13 Paia na Hasat Sefti Opisa. Mista Amia i tok nau ol i gat 14 opisa insait long Paia na Hasat Sefti dipatmen we em inapim stret provins.

Em i tok olsem ol opisa i wok long givim paia awenes long ol skol, bisnis komyuniti na jenerel pablik. Em i tok tu olsem Lae em i siti we i save kisim ol kain kain bikipela bagarap olsem graun i bruk, bus i paia, na wel i kapsait bihainim haiwe na long ol bris bilong sip.

Em i tok long strongim paia sevis bai Morobe provins bai strong moa na redi long pait agensim ol paia na daunim sans long lusim planti milien kina long taim bilong bagarap.

Mista Amia i tok olsem Lae Paia Brigeit i lukluk long pulim ol awenes kempen bilong em i go long olgeta lokal level gavman insait long provins.

Buka ben bihainim wok misin

WANPELA nupela mambu ben bilong Hahalis Viles long Buka Ailan insait long Otonomes Bogenvil Rijen i wok long mas bihainim wanpela musik misin bilong God, na resim mani insait long Mosbi siti long sanapim wanpela haus lotu bilong ol pipel long ples.

Halia Mambu Ben em i nupela mambu ben long kamap insait long Mosbi na ol i bin soim ol namba wan danis, singsing na stail bilong ol long wanpela pati long sampela wik i go pinis long bikpela Crowne Plaza hotel long makim tok gutbai bilong Hetman bilong Yuropien Komisin Delegates long PNG, Solomon Ailans na Vanuatu, His Ekselesi Dokta Anthony Crasner. Dokta Crasner i bin lusim wok bilong em long PNG long Januari 16 bilong go wok long Brasels.

Nambawan bikpela so

Dispela pati bilong tok gutbai long Dokta Crasner em Minista bilong Fainens na Traseri, Honorabel Bart Philemon na Seketeri bilong Nesenel Plening Opis, Valentine Kambori i bin kamapim. Ol gutpela poroman na wanwok insait long ol



dona ejensi na tu, Minista bilong Foren Afes na Imigresen, Sir Rabbie Namaliu na Sief Seketeri bilong Gavman, Joshua Kalinoe, Iektorel Komisina Andrew Trawen na Edukesen Seketeri Dokta Joseph Pagelio i bin stap long tok gutbai long en.

Dispela Halia Mambu Ben em wanpela nupela ben namel long ol arapela mambu ben insait long Mosbi na Sentrel provins.

Na tu, em i namba wan mambu ben insait long Mosbi long yusim ol mambu stret na yusim ol singsing na danis we ol yet i raitim.

Dispela nupela ben i gat 15 meri bilong danis na 16 man bilong singsing we olgeta i kam yet long Hahalis na ol arapela ples i stap insait long Hanahan Katolik peris. Ol i bin bekim singaut bilong ol sief na elda long ples bilong bungim mani bai ol i ken sanapim dispela liklik haus lotu bilong Katolik komyuniti long hap.

Stori bilong Hahalis Welpo Sosaiti

Long 1960s komyuni-



STAIL BILONG OL MAMBU BEN: Mosbi nau i gat planti mambu ben bilong Bogenvil. Hia wanpela stail mangi i paitim musik bilong ol meri bilong danis. **Poto: WANTOK FAIL POTO**

ti i bin stap aninit long lukaut bilong Hahalis Welpo Sosaiti, we ol i bin givim halivim long olgeta pipel bilong Buka stat long Selau long noten Bogenvil ailan i go olgeta long Haku viles we i karamapim sikspela bikpela ples i sindaun long not is na not wes nambis bilong Buka ailan.

Wok bilong dispela ogenaiesen na wok-bung bilong em wantaim ol sios i bin kamapim wanpela buk, The Hot Land we raita John Ryan i bin raitim. Het opis bilong dispela Sosaiti i bin stap long Basbi Viles long Hahalis we biknem Baby Garden i bin stap long Tabutu, insait long ples Basbi - ples bilong

dispela komyuniti long sanapim wanpela liklik haus lotu bilong ol.

Long raun bilong wanpela gutpela poroman bilong ol Hahalis, Edukesenis Dokta Naomi Martin, ol plesmanmeri i bin tokim em otsem ol i laik sanapim wanpela nupela sios long ples we nambawan meri Buka i bin kisim baptismo insait long Katolik sios.

Olsem na i gat bikpela stori long as bilong dispela laik bilong bungim mani we Halia Mambu Ben i go pas long en.

Painim rot bilong bungim mani

Taim em i bin kam bek long Mosbi, Dokta Martin i bungim ol wanfamili bilong em long painim rot long bungim mani. Em nau dispela nambawan bikpela Mambu Ben insait long siti i kamap.

Dokta Martin i bin kisim sevis na halivim bilong Leona Kilo, wanpela Sels Supavaisa wantaim Air Niugini na Promosens Kodineta bilong grup.

"Wok bilong mi insait long ben em long promotim ben na painim ol ples insait long siti we mipela i ken kisim mani long en," Leona i tok. "Ol ben memba bilong Halia Mambu Ben em ol yangpela manmeri na ol i nogat wok olsem na ol

i gat dispela laik bilong prektis na stretim gut ol singsing na danis bilong ol."

Em i tok ol i save wok hat tru bai ol danis na singsing i gutpela moa yet.

Long Crowne Plaza, ol i mekim gutpela danis na singsing tru.

Stail i kamap ples klia

Mista Philemon, Sir Rabbie, Dokta Crasner na Valentine Kambori i bin skin kirap na ol i bung wantaim ol meri i danis na amamasim gut tru dispela pati.

"Ating em i nambawan mambu ben mi harim, na mi danis long musik bilong en," Mista Kambori i tok. Mi mas strongim ol long soim dispela stail bilong ol i go aut long ol arapela manmeri. Musik bilong ol i nambawan stret."

Planti arapela manmeri husat i lukim ol i danis i no isi long danis wantaim ol meri bihainim danis 'mouna manu' na 'kikiu'.

Taim em i harim stori bilong ben na as long ol i pilai na danis insait long Mosbi, Mista Kambori i tok em i redi tasol long halivim long promotim ben bai ol i painim isi liklik long bungim mani bilong sios bilong ol.

Em i tok em i makim pinis Yuropien Union De long mun Me we em i laikim bai Halia

Mambu Ben i mas stap na pilai.

Inap long abrusim mani mak

Ol sief long ples i putim mani mak inap long K10,000 tasol ben yet i pilim olsem ol bai inap long abrusim dispela mak taim ol i painim mun Desemba.

"Mipela i no laik sanapim haus kunai tasol. Mipela i laik sanapim wanpela gutpela haus lotu we bai i bikpela na bai i ken stap long taim," Leona i tok. "Mipela i laik bungim inap mani long karimaut wok stretim long olpela sios long Hanahan Katolik Peris we i wok long go daun nau."

Mis Kilo i tok ben bilong em i narakain long ol arapela bikos ol i save redim gut tru ol so bilong ol na wan wan so i save gat singsing na danis bilong em yet. Sapos ol lain i haiarim ol i laik lukim wanpela namba o singsing na danis, em ol bai i mas baim long ol i ken pilaim gen.

"Mipela i save mekim bai mipela i no inap long singsing na danis long ol wankain singsing na danis tasol. Sapos ol i laikim wanpela singsing na danis na ol i laik harim gen, bai ol i mas baim gen na givim mani i go long sanapim dispela haus lotu bilong mipela."

Earn 8.63%*p.a.

3%*p.a. over the Australian 90 day Bank Bill Rate
Floating Rate Investment

*Coupon of 3 months BBSW + 3%*p.a., assuming BBSW of 5.63%*p.a. as at 2/1/2006, on an annual basis.

The amount of interest payable may be reduced depending on performance of the portfolio to which the Notes are linked and interest rate fluctuations, as described in the prospectus.

MAHOGANY NOTES SERIES II

Key Features:

- Income producing investment
- Interest Income paid quarterly
- Aus \$10,000 minimum investment

Offer closes 10 March 2006

View the prospectus at www.mahoganycapital.com.au

Note Issuer: Mahogany Capital Limited ABN 59 107 882 753
Principal Stockbroker - PNG: BSP Capital Limited

- The credit rating on Notes is 'AaP N.R.' from Standard & Poor's. Capital 'AA' rated. Interest is not rated

BSP CAPITAL ...bt securities^ #
...matically extendable by consecutive
... years

Complete details, terms and conditions are provided in the prospectus (registered in PNG on 17/1/06) and will be discussed at:

RETAIL SEMINAR: Thursday 2/2/06, 9:30am to 11:00am at Crowne Plaza - Entry Fee K20

A copy of the registered prospectus can be obtained at the offices of:
BSP Capital Limited, Level 2, AON House, MacGregor St, Port Moresby or call (675) 321 4333

Call BSP Capital Limited for a prospectus - (675) 321 4333
Call BSP Capital Limited to reserve a seat at the Retail Seminar

Mahogany
Capital Limited

A Application has been made for ASX and POMSoX quotation of debt securities. A Notes will only be issued if the "AaP N.R." rating is granted by the issue date. Grange Securities offers to arrange for the issue of Notes on the basis of the Prospectus dated 9 January 2006 and Supplementary Prospectus dated 13 January 2006. This information does not take into account the investment objectives, financial situation and needs of any particular investor. Before making an investment decision investors should read the Prospectus and Supplementary Prospectus and consider whether the investment is appropriate for them in light of their individual objectives, financial situation and needs. Offers of Mahogany Notes will only be made in, or accompanied by, the Prospectus and Supplementary Prospectus and anyone wishing to acquire Notes must complete the application form in the Prospectus. Allotments of the Notes shall be made only on receipt of the application form in the registered prospectus. Mahogany has the right to close the Offer early or extend or withdraw the Offer without notice. The Notes are classified as unsecured notes for the purposes of Section 283BH of the Corporations Act.

TV GAID

EM TV

FONDE 2 FEBRUARI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G CREFFLO DOLLAR
9.30AM EMTV PRIME TIME LINE UP
KIDS KONKA
2.30PM G JAY JAY THE JET PLANE
3.00PM G NEW MACDONALDS FARM
3.30PM G HI-5
4.00PM G BUSH BEAT
4.30PM G Y
4.47PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
5.30PM G THE PRICE IS RIGHT
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PSIN
7.00PM G CHM SUPERSOUND
7.57PM G EMTV TOK SAVE
8.00AM PG THE APPRENTICE
9.00PM PG HOLIDAY SHOWDOWN
10.00PM PG KING OF QUEENS
10.30PM G EMTV NEWS REPLAY
11.00PM PG LEGEND OF THE HIDDEN CITY
MIDNIGHT EMTV PRIME TIME LINE UP

FRAIDE 3 FEBRUARI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G CREFFLO DOLLAR
9.30AM EMTV PRIME TIME LINE UP
1.30PM G ONE DAY SERIES - AUSTRALIA v SOUTH AFRICA
Live from the MCG.
4.47PM G EMTV TOK SAVE
5.00PM G THE PRICE IS RIGHT
5.29PM G NEWS UPDATE
5.30PM G AUSTRALIA v SOUTH AFRICA
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PSIN
7.00PM G AUSTRALIA v SOUTH AFRICA
AFRICAcontinues.....
8.57PM G EMTV TOK SAVE with MADO
9.00PM PG RENOVATION RESCUE
10.00PM PG KING OF QUEENS
10.30PM G EMTV NEWS REPLAY
11.00PM M ULTIMATE FORCE
MIDNIGHT EMTV PRIME TIME LINE UP

SARERE 4 FEBRUARI, 2006

5.50AM G WORLD CLUB CHALLENGE Wests Tigers v Bradford Bulls @ Huddersfield Stadium.
England
8.00AM G PLANET FANTASIA
9.00AM G GOODSPORTS
10.00AM PG SO FRESH
11.30AM G JAPANESE GREAT MASTER & EVER POPULAR HAND-CRAFT
12.15PM G JAPAN VIDEO TOPIC
12.30PM G WORLD OF WILDLIFE
1.00PM G EMTV WIDE WORLD OF SPORT
2.00PM G WORLD CLUB CHALLENGE REPLAY
4.00PM G THE CAR SHOW
4.30PM G THE BOAT SHOW
5.00PM G ESCAPE WITH ET
5.30PM G FISHING WILD
AUSTRALIA
6.00PM G NATIONAL EMTV NEWS
6.30PM G AUSTRALIA'S FUNNIEST
HOME VIDEO SHOW
7.30PM PG KING OF QUEENS
7.57PM G EMTV TOK SAVE
8.00PM G SOUTH PACIFIC MUSIC
9.00PM PG
MOTORWAY PATROL: "Round About"
10.00PM MWAUER TEXAS RANGER
11.00PM G EMTV NEWS REPLAY
11.30PM PG AIRLINE
MIDNIGHT EMTV PRIME TIME LINE UP

SANDE 5 FEBRUARI, 2006

7.26AM **STATION OPEN**
7.27AM G EMTV TOK SAVE
7.30AM G BUSINESS SUCCESS
8.00AM G SUMMER SUNDAY
9.00AM G STRONG CONNECTION
10.13AM G A FOCUS ON THE PACIFIC
10.30AM G DIARY FARMING IN THE PACIFIC: A Focus n Samoa
10.40AM G JAPAN VIDEO TOPIC
11.00AM G WHEN PILOTS EJECT
12.00PM G GOODSPORT
12.30PM G SOME CALL IT SPORT
1.00PM G ONE DAY SERIES - AUSTRALIA v SOUTH AFRICA
10.30PM G EMTV NEWS REPLAY
11.30PM G SOUTH PACIFIC MUSIC
12.30AM EMTV PRIME TIME LINE UP
SOUTH AFRICA
Live from the SOG.
5.00PM G THEY MUST BE MAD
5.30PM G AUSTRALIA v SOUTH AFRICA
AFRICAcontinues.....

6.00PM G NATIONAL EMTV NEWS
6.30PM G AUSTRALIA v SOUTH AFRICA
AFRICAcontinues.....
9.00PM M SUN- DAY NIGHT MOVIE: THE PLEDGE (2001)
Drama/Crime/Mystery/Thriller - A retiring police chief pledges to catch the killer of a young child
Stars: Patricia Clarkson, Adrien Brody, Benicio Del Toro, Dale Dickey.
11.00PM G EMTV NEWS REPLAY
11.30PM G PRAISE
00.30AM EMTV PRIME TIME LINE UP

MANDE 6 FEBRUARI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G CREFFLO DOLLAR
9.30AM EMTV PRIME TIME LINE UP
KIDS KONKA
2.30PM G JAY JAY THE JET PLANE
3.00PM G NEW MACDONALDS FARM
3.30PM G HI-5
4.00PM G BUSH BEAT
4.30PM G Y
4.47PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
5.30PM G THE PRICE IS RIGHT
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PSIN
7.00PM G PRAISE
8.00PM G TOK PISA MONDAY EDITION
8.27PM G EMTV TOK SAVE
8.30PM G THE ALLAN BORDER MEDAL
11.30pm G EMTV NEWS REPLAY
12MIDNIGHT EMTV PRIME TIME LINE UP

TUNDE 7 FEBRUARI, 2006

4.57AM STATION OPEN
5.00AM G CREFFLO DOLLAR
5.30AM G JOYCE MEYER
6.00AM G TODAY
9.00AM G ONE DAY SERIES - SRI LANKA v SOUTH AFRICA
Live, from Belmore Oval, Tasmania.
12NOON G THEY MUST BE MAD
1.00PM G SRI LANKA v SOUTH AFRICA
AFRICAcontinues.....
5.00PM G HOT SOURCE
5.29PM G EMTV NEWS UPDATE
5.30PM G THE PRICE IS RIGHT
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PSIN
7.00PM PG CELEBRITY OVERHAUL
8.00PM PG NANNY 911
8.57PM G EMTV TOK SAVE
9.00PM G KING OF QUEENS
9.30PM M COLD SQUAD.
10.30PM G EMTV NEWS REPLAY
11.00PM M C.S.I. "Stalker"
00.00AM EMTV PRIME TIME LINE UP

WEDNESDAY 8 FEBRUARI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G CREFFLO DOLLAR
9.30AM EMTV PRIME TIME LINE UP
KIDS KONKA
2.30PM G JAY JAY THE JET PLANE
3.00PM G NEW MACDONALDS FARM
3.30PM G HI-5
4.00PM G BUSH BEAT
4.30PM G Y
4.47PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
5.30PM G THE PRICE IS RIGHT
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PSIN
7.00PM G ICC CRICKET WORLD
7.30PM PG THE ALICE
8.27PM G EMTV TOK SAVE with Kevoni Mado
8.30PM PG
WEDNESDAY NIGHT MOVIE: SPY KIDS (2001)
Action/Family/Comedy/Adventure
Carmen and Juni think their parents are boring. Little do they know that in their day, Gregorio and Ingrid Cortez were the top secret agents from their respective countries. They gave up their life to raise their children. Now, the disappearance of several of their old colleagues forces the Cortez's return from retirement. What they didn't count on was Carmen and Juni joining the "family business".
Stars: Antonio Banderas, Carla Gugino,

Raun wantaim Kanage olgeta wik

KANAGE LUKIM OL PIKININI PILAI KRIKET NA EM TU LAIK PILAI!!!

BAI MI SOIM OL HAU OL SRI LANKA I SAVE PILAI.. WE BUONG BAT!

KARIM BETI KAM! BAI MI SOIM HAU OL SRI LANKA (PILAI) HOI! LUSIA MIPELA! PILAI!

NAU KANAGE TOKIM BOLA LONG TROMOI BAL STRONG!!!

TROMOI STRONG!!!

BOLA EM SENISIM TENIS BAL NA TROMOI STRONGPELA BAL BILONG KRIKET I GO LONG KANAGE!!! BAL I BAKINS NA KAMAUTIM NUS BILONG KANAGE.. WAN WIK KANAGE I NO PULIM WIN OUT LONG NUS.. NUS IBRUK!!!

SP NATIONAL WEEKLY HITPARADE

Bikpela Sponsa: SP LAGER - FEBRUARI 04/02/06

Singsing	Musik Atis	Dispela Wik
Ramandu Beach	Off Cuts	1
Stap Sore	Kekene	2
Maten Kandiek	Twin Hok of Kavieng	3
Queen 4 Lane	Leonard ft Anslom	4
Lavili fes biutiful bodi	Stranded	5
Angle	Kekene	6
Spent all my life	Triple J	7
Gutsomi	Leftovers	8
Mi Wrong	Leftovers	9
Living on a prayer	Troublezone ft Sasha	10
Skul Mangi	Gedix	11
Tavue	Off cuts	12
Eitul na Hinasik	Off cuts	13
Kidu	David Kedeo	14
Keliu Ngala	Saba	15
Milomilo	Kekene	16
Daba	Litol Rastas	17
Korivido	Saba	18
Rosie Marara	Sharzy	19
Uve Gema	Saba	20

Host Kas. T Yumi FM

CATHOLIC RADIO

103.5 FM

Fonde

6.00 ANGELUS
6.05 MEDITATION/INSPIRATIONAL MUSIC
7.00 VATICAN RADIO WORLD NEWS
7.15 VATICAN ENGLISH PROGRAM
7.35 NON-STOP GOSPEL MUSIC
8.00 JOURNEY HOME (EWTN)
9.00 VATICAN RADIO WORLD NEWS
9.15 VATICAN ENGLISH PROGRAM
9.40 KIDS SING-ALONG
10.00 CATHOLIC JUKEBOX
10.30 GOSPEL MUSIC
11.00 NON-STOP GOSPEL MUSIC
12.00 ANGELUS
12.05 VATICAN WORLD NEWS
12.20 VATICAN ENGLISH PROGRAM
12.40 REFLECTION MUSIC
1.00 LAMB'S SUPPER WITH DR. SCHOTT HAHN
2.00 MUSIC
3.00 CHAPLET OF DIVINE MERCY
3.20 NON-STOP GOSPEL MUSIC
4.00 CATHOLIC JUKEBOX (ENCORE)
4.30 NON-STOP GOSPEL MUSIC
5.00 JOURNEY HOME
6.00 ANGELUS
6.05 MADANG LOCAL NEWS
6.10 VATICAN ENGLISH PROGRAM
6.30 LAMB'S SUPPER WITH DR. SCHOTT HAHN
7.00 HOLY ROSARY
7.30 CATHOLIC INSIGHT
8.00 VATICAN WORLD NEWS
8.15 MADANG LOCAL NEWS
8.30 VATICAN ENGLISH PROGRAM
9.00 TOK STREET LONG HWAIDS
10.30 VATICAN ENGLISH PROGRAM

Mande

6.00 ANGELUS
6.05 MEDITATION / INSPIRATIONAL MUSIC
7.00 VATICAN WORLD NEWS
7.15 VATICAN ENGLISH PROGRAM
7.35 NON-STOP MUSIC
8.00 BEST OF JOURNEY HOME
9.00 VATICAN WORLD NEWS
9.15 VATICAN ENGLISH PROGRAM
9.35 KIDS SING ALONG
10.00 CATHOLIC JUKEBOX (EWTN)
10.30 NON-STOP GOSPEL MUSIC
12.00 ANGELUS
12.05 VATICAN WORLD NEWS
12.20 VATICAN ENGLISH PROGRAM
12.40 AFTERNOON REFLECTION MUSIC
1.00 THE WAY TO FOLLOW JESUS GOSPEL MUSIC
1.30 CHAPLET OF DIVINE MERCY
3.00 NON-STOP GOSPEL MUSIC
3.20 CATHOLIC JUKEBOX (EWTN)
4.00 NON-STOP GOSPEL MUSIC
5.00 MESSAGE IN MUSIC
6.00 ANGELUS
6.05 VATICAN ENGLISH PROGRAM
6.30 MANY FACES OF MARY
7.00 HOLY ROSARY
7.30 BENEDICTION
8.00 VATICAN WORLD NEWS
8.15 CRN LOCAL NEWS
8.30 VATICAN ENGLISH PROGRAM
9.00 BEST OF JOURNEY HOME
10.00 CATHOLIC JUKEBOX (EWTN)
10.30 VATICAN ENGLISH PROGRAM
11.00 NON-STOP GOSPEL MUSIC

Tunde

6.00 ANGELUS
6.05 MEDITATION/INSPIRATIONAL MUSIC
7.00 VATICAN WORLD NEWS
7.15 VATICAN ENGLISH PROGRAM
7.35 NON-STOP GOSPEL MUSIC
8.00 RADIO ST. JOSEPH PRESENTS
9.00 VATICAN WORLD NEWS
9.15 ENGLISH PROGRAM
9.35 KIDS SING-ALONG
10.00 CATHOLIC JUKEBOX
10.30 NON-STOP GOSPEL MUSIC
12.00 ANGELUS
12.05 VATICAN WORLD NEWS
12.20 VATICAN ENGLISH PROGRAM
12.40 REFLECTION MUSIC
1.00 OUR FATHER'S PLAN
1.30 AFTERNOON GOSPEL MUSIC
3.00 CHAPLET OF DIVINE MERCY
3.20 NON-STOP GOSPEL MUSIC
4.00 CATHOLIC JUKEBOX (EWTN)
4.30 NON-STOP GOSPEL MUSIC
5.00 WAVE FACTOR (EWTN)
6.00 ANGELUS
6.05 VATICAN ENGLISH PROGRAM
6.30 FATIMA
7.00 HOLY ROSARY
7.30 STATIONS OF THE CROSS
8.00 VATICAN WORLD NEWS
8.15 CRN LOCAL NEWS
8.30 VATICAN ENGLISH PROGRAM
9.00 TOK STREET LONG HWAIDS
10.00 CATHOLIC JUKEBOX
10.30 VATICAN ENGLISH PROGRAM
11.00 NON-STOP GOSPEL MUSIC

Sarere

6.00 ANGELUS
6.05 MEDITATION/INSPIRATIONAL MUSIC
7.00 OUR FATHER'S PLAN
7.30 CROSSROADS (EWTN)
8.00 VATICAN WORLD NEWS
8.15 VATICAN PROGRAM
8.35 BACKSTAGE (EWTN)
9.00 WAVE FACTOR
10.00 NON-STOP GOSPEL MUSIC
10.30 ANGELUS
12.00 VATICAN WORLD NEWS
12.05 VATICAN ENGLISH PROGRAM
12.20 GOSPEL MUSIC
12.40 CHAPLET OF DIVINE MERCY
3.00 GOSPEL MUSIC
4.00 BACKSTAGE
4.30 NON-STOP GOSPEL MUSIC
5.00 WORLD OVER NEWS
6.00 ANGELUS
6.05 VATICAN ENGLISH PROGRAM
6.30 MIRACLES OF THE CROSS
7.00 HOLY ROSARY
7.30 CROSSROADS
8.00 VATICAN WORLD NEWS
8.15 VATICAN ENGLISH PROGRAM
9.00 WORLD OVER NEWS (EWTN)
10.00 BACKSTAGE
10.30 VATICAN ENGLISH PROGRAM
10.50 NON-STOP GOSPEL MUSIC

Trinde

6.00 ANGELUS
6.05 MEDITATION/INSPIRATIONAL MUSIC
7.00 VATICAN WORLD NEWS
7.15 VATICAN ENGLISH PROGRAM
7.35 NON-STOP GOSPEL MUSIC
8.00 SCRIPTURE MATTERS WITH DR. SCHOTT HAHN (EWTN)
9.00 VATICAN WORLD NEWS
9.15 VATICAN ENGLISH PROGRAM
9.35 KIDS SING ALONG
10.00 CATHOLIC JUKEBOX
10.30 NON-STOP GOSPEL MUSIC
12.00 ANGELUS
12.05 VATICAN WORLD NEWS
12.20 VATICAN ENGLISH PROGRAM
12.40 REFLECTION MUSIC
1.00 FIRST COMES LOVE DR. SCHOTT HAHN (EWTN)
1.30 AFTERNOON GOSPEL MUSIC
3.00 CHAPLET OF DIVINE MERCY
3.20 NON-STOP GOSPEL MUSIC
4.00 CATHOLIC JUKEBOX
4.30 NON-STOP GOSPEL MUSIC
5.00 SCRIPTURE MATTERS
6.00 ANGELUS
6.05 VANIKO LOCAL NEWS
6.30 VATICAN ENGLISH PROGRAM
6.30 FATIMA, HEAVEN'S PEACE PLAN
7.00 HOLY ROSARY
7.30 DOCTORS OF THE CHURCH
8.00 VATICAN WORLD NEWS
8.15 VANIKO LOCAL NEWS
8.20 VATICAN ENGLISH PROGRAM
9.00 TOK STREET ABOUT HWAIDS WITH FR. JUDE
10.00 CATHOLIC JUKEBOX
10.30 VATICAN ENGLISH PROGRAM
10.50 NON-STOP GOSPEL MUSIC

Sande

6.00 ANGELUS
6.05 MEDITATION/INSPIRATIONAL MUSIC
8.00 VATICAN WORLD NEWS
8.15 VATICAN ENGLISH PROGRAM
8.35 NON-STOP GOSPEL MUSIC
9.00 SUNDAY EUCHARIST LIVE
10.30 NON-STOP MUSIC
11.00 IN THE LORDS VINEYARD
12.00 ANGELUS
12.05 VATICAN WORLD NEWS
12.20 VATICAN ENGLISH PROGRAM
12.40 GOSPEL MUSIC
3.00 CHAPLET OF DIVINE MERCY
3.20 GOSPEL MUSIC
5.00 SIGNS OF THE TIMES (RTA)
6.00 ANGELUS



Bisnis bilong Groim Diwai insait long PNG - Planim diwai long ol renfores eria


Rot bilong groim ol spisis diwai i save groa insait long PNG

Octomeles sumatrana (erima)


Nem bilong en: erima

Ples diwai i kam long en:

Erima i gat wanpela spisis tasol - Octomeles sumatrana. Em i bin kamap long noten Sumatra bihainim Bonio, Filipins, PNG na i go long Solomon Ailans. Dispela spisis i save groa insait long ol fores o lain diwai long ples daun i go inap long mak bilong 1000 mita samting antap long mak bilong solwara. Insait long PNG, dispela diwai i ken groa bihainim ol wara o wantaim kamarere. Em i mas i gat samting olsem 1500 milimita ren olgeta yia na i save groa gut moa insait long gutpela graun i gat gris.



Rut bilong diwai Erima.



Insait long diwai Erima.

Oktoba na Desemba na ol i save tromoi ol skin bilong sit long mun Epril na Me.

Rot bilong kisim na stretim ol sid:

Ol i save rausim prut long diwai taim em i stat long taim i go braun. Draim prut long san antap long wanpela kandis o samting bai yu no inap lusim planti sid. Taim em i drai, bet bilong sit i save bruk em yet na trautilim ol sid. Sid bilong em i no save stap long taim na yu mas planim hariap bihain long yu kisim.

Groim insait long neseri:

Long taim bilong planim, mikisim wantaim wesana bilong wara insait long ol trei we i mas gat wara olgeta taim. Em bai stat kru namel long 8 na 16 de. Faiv inap long Sikis wik bihain, yu ken rausim na ol bai redi taim ol i 4-pela mun o taim longpela bilong em i winim 15 inap 20 sentimita. Long Malaysia, ol i painim pinis rot bilong groim dispela ol diwai long ol rut kat-ing.

Wanem kain diwai:

Erima em i wanpela diwai we i ken groa i go inap 75 mita na namel bilong em i ken groa inap 2 mita samting. Het bilong em i op. Kala bilong skin diwai bilong em i grei na i go grei braun. Bikpela bilong skin diwai em i namel long 2 na 4 sentimita. Insait bilong skin diwai em i grei na insait tru bilong en i save tanim i go braun bihain long yu katim, na i save givim wanpela kain strongpela smel. Ol lip i raun na ol sid bilong em i liklik tru na i longpela na maus bilong em i sap.

Rot bilong yusim:

Erima em i wanpela gutpela timba bilong mekim ol kofin bokis, ol bokis bilong karim kago, ol virnia o plaiwut na bilong mekim ol bokis masis. Erima em i gutpela diwai long sapim kanu. Em i wanpela spisis diwai we i save groa insait long plantasin bilong kamapim gutpela diwai bilong mekim plaiwut. Em i save groa gut insait long ol ples i op na ol i save yusim bilong planim insait long ol fores. Ol i save yusim long groim insait long ol bus ples long ples daun.

Flaua, ol prut na sid:

Erima i save flaua na karim prut olgeta taim insait long yia. Taim bilong em long karim prut em long

MCCARTHY & ASSOCIATES (FORESTRY) PTY. LTD.
National & International Forest Consultants
mccat@datec.net.pg

"Long kisim tok stia long olgeta wok diwai"

Grasruts pipel ken baim ol sea nau

BSP Benk nau i opim rot bilong ol grasruts long baim ol sea insait long ol bikpela kampani insait long kantri...

Andrew Molen i raitim

OL GRASRUTS manmeri o papagraun nau i gat rot bilong baim ol sea long ol bikpela kampani insait long kantri.

Bipo Papua Niugini Benking Koporesen nau Benk Saut Pasifik (BSP) i opim nupela han bisnis bilong em, BSP Capital, bilong pulim moa manmeri insait long kantri long save long baim ol sea insait long ol bikpela kampani na bisnis.

Dispela kain baim ol sea em ol bikpela bisnis na maniman tasol i save mekim bilong sevim mani.

Nau BSP i luksave olsem dispela rot em ol liklik manmeri na bisnis tu i ken bihainim sapos ol i laik sevim bikpela mani long olgeta tripela mun samting.

Taim kampani we yu baim sea long en i mekim bikpela winmani, yu bai inap kisim sampela bilong dispela winmani bihainim mak bilong ol sea yu baim.

Long dispela wik Mande, BSP Capital i lonsim nupela websait o intanet pes bilong em we ol manmeri i ken opim long kompyuta masin bilong ol na lukim olgeta toksave, stia tok na aplikesen pepa i stap long en.

Dispela intanet pes em i wanpela nupela sevis i kamap long BSP Capital bihain long ol i kam aninit long Benk Saut Pasifik (BSP).

"Planti manmeri autsait long ol bikpela taun na siti olsem Pot Mosbi



RAIT MAKET: Ol bikman bilong BSP Capital na Mahogany i bilip olsem maket long PNG em i rait long kamapim moa invesmen o wok bisnis.

na Lae i save ring i kam na askim long ol bai mekim wanem long baim ol sea na we bai ol i go na husait bai ol i lukim.

"Dispela websait bai helpim ol long kisim ol dispela samting long wanem hap ol i stap long en," Menesing Dairekta bilong BSP Capital, Mista Paul McLaren i tok.

Em i tok ol grasruts tu i gat sans long baim sea insait long ol bikpela kampani sapos ol i save long wanem hap long i go o husait long lukim na toktok wantaim na dispela intanet pes bai i ken helpim ol.

"Mipela i save lukautim ol grasruts tu. Kain ol lain olsem ol papagraun grup em mipela i save strongim ol long ol i mas baim ol sea insait long ol bikpela kampani," Mista McLaren i tok.

Nau yet i no olgeta manmeri bai nap go insait long dispela intanet pes bilong wanem i no olgeta i gat kompyuta na telepon lain i stap long haus bilong ol tasol planti husait i gat sans long go insait long intanet i ken go long dispela pes.

Stat long mun Februari bai ol i putim ol hap hap pepa wantaim toksave na ol posta long benk we i karim stori long dispela nupela sevis.

Insait long dispela intanet pes bai yu painim ol aplikesen fom long baim na salim sea o long opim wanpela akaun.

"Bai gat hap bilong lukim hevi bilong (PNG) Kina agensim moni bilong ol narapela kantri," Mista McLaren i tok.

Bipo long ol i kam aninit long BSP, ol i bin

stap olsem "Capital Stockbrokers Limited" aninit long lukaut bilong Niu Briten Pam Oil.

Long Septemba, 2005, BSP i kisim ol na senisim nem bilong ol i go long "BSP Capital."

BSP Capital i tokaut tu long nupela program long baim ol sea bilong ol manmeri.

Dispela nupela program ol i kolim "Mahogany II" we ol i mekim long Australia. Wok bilong en em long lukautim mani bilong ol investa taim ol i baim sea insait long en bai ol i ken kisim bek gutpela winmani.

Husat i laikim Mahogany i ken painim aut moa long en i ken go askim long wan wan BSP brens klostu long ol

Gutpela samting em olsem ol investa i no inap wari long baim sea ausait long kantri bilong wanem nau i gat wanpela wol klas program hia long PNG yet.

Ol lain long wanpela kampani Grange i mekim Mahogany II na em i namba tu bilong Mahogany we i bin kamaut nambawan taim las yia.

Mista Ben O'Dwyer bilong Grange i tok dispela em i gutpela bilong wanem em bai lukautim sea bilong ol lain i gat sea na ol bai no inap lusim mani bilong ol.

"Taim em i rait nau, maket long PNG i kamap gutpela nau, em i strong na gutpela bilong kain program i kamap long hia," Mista O'Dwyer i tok.

Cat® Vibratory Soil Compactors

CS-563E
CP-563E



Designed to provide...
**Outstanding Performance,
Reliability and Fuel Efficiency.**

The 563E Series Compactors are high production units. Standard dual amplitude, changeable from the operator's station, expands the application range. Operate in high amplitude to get density on thick lifts in the fewest passes. Select low amplitude when operating next to structures, when approaching final density, or to avoid fracturing aggregates. Patented eccentric weight design assures positive amplitude selection and helps extend vibrator system service life.

Hastings Deering



Product People Commitment.
We deliver.



PORT MORESBY
Spring Garden Road, Hohola, PNG
Ph. (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LHIR	986 4105	986 4107
KIMBE	983 5144	983 5144

TOK PISIN NEWS
from Radio Australia
radioaustralia.net.au

101.9FM
Port Moresby

Tok Pisin Service
5am - 7am
5945, 6020, 9710, 12801kHz

PACIFIC BEAT

Hevi kamap long Bogenvil na Solomon Ailan boda

OL POLIS long Bogenvil i tok ol ripot i tru long sampela man long Bogenvil i bin abrusim bodamak i go long Solomon Ailan na wokim stil pasin long wanpela logging kampani. Ol i tok 9-pela man i bin go long Ovau Ailan long bikmoning las wik Fraide na holim gan long ol wokfain na stilim ol samting we i kostim bikpela manimak na ronawe.

Ol bin stilim ol samting olsem autbot moto, bikpela manimak, autbot enjin, tripela VHF redio na 1000 lita petrol. Ol polis long Solomon Ailan i mekim wok painimaut long dispela.

Tasol taim Ekting Polis Komisina long Bogenvil, Mista Kamuai i tok em i laik givim helpim long ol Solomon Ailan polis, tupela gavman i no sainim yet boda agrimen yet.

HUSAT I ASKIM:

Caroline Tiriman
HUSAT I BEKIM:
Paul Kamuai, Ekting
Polis Komanda-
Bogenvil

KAMUAI:

Ailan i stap klostu tasol, samting olsem 10-pela minit taim yu ron long bot sapos yu ron lusim bikailan Bogenvil. Saut Bogenvil-Buin na ol i kam bek pinis long Bogenvil. Nainpela bilong ol na mipela i save long nem bilong ol tu tasol em i samting bilong ol Solomon Ailan polis Sapos ol i laikim helpim long ol Bogenvil polis, dispela bai i kam long PNG Hai Komisina long Honiara.

bin gat sampela toktok namel long PNG hai Komisina long Honiara olsem ol dispela hevi long boda em yumi noken abrus long ol na yumi no nap stretim yumi yet. Bai yumi wok bung wantaim Solomon Ailan polis long

level bilong yumi yet, long Buin, Gizo na Taro.

Tasol em i mas kam long Honiara long PNG Hai Komisina. Em sanap bilong gavman. Mi ting olsem i mas gat boda triti o agrimen long yumi wok bung wantaim Solomon Ailan polis na ol i no stretim dispela yet.

TIRIMAN:

Dispela i no mekim yu wari, olsem dispela i no namba wan taim kain trabel i kamap long bodamak?

KAMUAI:

Tru, Mi na ol pipel bilong saut Bogenvil, moa yet long nambis lain long Buin na ol COE (Kaunsel ov Eldas) i gat bikpela wari long dispela.

Mi bin stap long Buin las yia, olsem komanda long Buin na mi bin singautim wanpela bung wantaim ol sief bilong eria we hevi i stap long ol ples. Ol pipel

long dispela boda ples i amamas long stap long hap na tu, ol i amamas long logging o timba kampani i stap wok long ples bilong ol bikos ol i wok long kisim sampela gutpela samting, moa yet, ol pipel i go long hap na ol i kisim ol long wok. Na ol i save go long ailan long kisim ol stua samting long hap.

Mi ting long sampela wei, ol pipel i amamas, tasol ol bin autim sampela wari long kampani. Na taim ol i toktok long dispela, ol bin lusim long hari bilong kampani na long ol i kam insait. Na tu long gavman i kam insait na toktok long ol samting long boda.

Mi ting olsem sampela toktok i bin kamap long husat i papa long dispela ailan. Na ol pipel long Buin i tok ol i papa long ailan ya tasol long wankain taim tu, ol pipel bilong Solomon Ailan i ting olsem ailan i bilong ol tu.

TIRIMAN:

Sapos ol dispela saspek i bin kisim ol samting we yu tokaut pinis long en, na ol dispela samting i stap pinis long Bogenvil, wanem samting bai kamap nau long ol?

KAMUAI:

Long sait bilong polis, ol i wokim rong pinis. Em bikpela samting. Em stil pasin holim gan na mi ting ol polis i mas go insait, maski wanem kain tingting i stap.

TIRIMAN:

Yu tok-pinis wantaim ol atoriti long Pot Mosbi, ol Imigresen na ol polis bos long dispela samting?

KAMUAI:

I no yet. Mi salim tasol feks i go long PNG Hai Komisina long Honiara na Polis Komisina na bai mi wet tasol long ol tok stia bai i kam bek long mipela long polis i mekim samting long dispela.

REDIO AUSTRALIA NIUS

Australia gavman mas lukiuk long Papua Provins

GAVMAN blong Australia i wok long bungim ol strongpela toktok long em i mas traim givim sampela halivim long stretim ol hevi long Papua Provins bilong Indonesia.

Seneta Kerry Nettle bilong liklik Greens Pati i bin i kam bek long Christmas island, bihain long em i bin toktok wantaim wanpela 43 pipel bilong Papua asylum seekers em ol i bin ronawe long provins long ol toktok olsem militari blong Indonesia i bin wok long bagarapim ol.

Seneta Nettle i bin tok ol toktok i kam long dispela grup i bin kolim ol dispela bagarap long provins olsem wei blong bagarapim ol pipol.

Em i tok dispela lain pipol long Christmas Ailan i bin tokim

em olsem ol i laikim Australia gavman i mas reieim wanpela miting namel long Papua Independent Movement na Indonesia gavman.

Seneta Nettle i bin tok em bai toktok moa long dispela samting taim palamen long Canberra i statim kivung blong em ken long wik bihain.

Saiklon Jim i hat yet long New Caledonia.

STRONPELA raun win oa Cyclone Jim, i wok long strong yet long solowara blong Nu Kaledonia na tu i wok long kamapim wari long Vanuatu na Solomon Islands.

Saiklon Woning senta long Fiji i bin ripot olsem Jim i wok long ron i go olsem long saut is long 37 kilomita long wanpela aua, wantaim moa strong blong

win olsem 150 kilomita long wanpela aua na i wok long kamap i kam olsem long not is bilong Noumea, Nu Kaledonia.

Na ol toktok i kam long kompyuta masin i tok dispela win bai slek i go daun long samting olsem 130 kilomita long wanpela aua insait long narapela 6 inap 12 aua bihain.

Tasol i kam inap nau, nogat ripot blong ol bagarap o pipel i kisim bagarap long Nu Kaledonia.

Honiara i bin kisim nogut long dispela strongpela win, em ol toktok i kam long Lotti Yates dairekta bilong Nesenel Disasta Menesmen opis long hap.

Wok politik long Fiji i kamapim sem

WANPELA diplomet blong Fiji i bin kolim dispela ol "instabiliti"

long wok politik long kantri blong em we militari na gavman i no save stap gut olsem wanpela bikpela sem tru.

Fiji ambaseda long China, Jeremaia Waqanisau i bin tok ol bisnis lain blong China i wok long wari long ol samting i wok long kamap long wok politik long Fiji na opis blong Fiji long Beijing i save stap long stretim ol toktok.

Em i tok em i save sem tru taim em i traim long promotim Fiji long wanpela bisnis forum long wanem olgeta taim em i save kisim ol askim long hevi blong wok politik bek long ples.

Mista Waqanisau i bin tok stabiliti blong wok politik long Fiji em i namba wan bikpela samting ol lida i mas lukiuk long en sapos kantri i laik gro.

RADIO TOK PISIN PROGRAM TUNE IN: 101.9 FM

Radio Australia Tok Pisin Program - stat long mun Mas 2005

MANDE Morning	6AM Stesen Op - Nius Hetlain - Musik na ol intaviu
6.30AM Nius na Karent Afes	
7AM Stesen Pas	
Nait	7PM Stesen Op
7.01PM Ol Hetlain na Program Priviu	
7.15PM Musik na Chit-Chat	
7.30PM Nius na Karen Afes	
8PM Helt	
8.15PM Musik	
8.30PM NUIS	
8.40PM Spots Riplei	
8.55PM Musik	
9PM Stesen Pas	
TUNDE Morning	6AM Stesen Op - Nius Hetlain - Musik na ol intaviu
6.30AM Nius na Karent Afes	
7AM Stesen Pas	
Nait	7PM Stesen Op
7.01PM Ol Hetlain na Program Priviu	
7.15PM Musik na Chit-Chat	
7.30PM Nius na Karen Afes	
8PM Mama Graun	
8.15PM Musik/Spots	
8.30PM NUIS	
8.40PM Helt Riplei	
8.55PM Musik	
9PM Stesen Pas	
TRINDE Morning	6AM Stesen Op - Nius Hetlain - Musik na ol intaviu
6.30AM Nius na Karent Afes	
7AM Stesen Pas	
Nait	7PM Stesen Op
7.01PM Ol Hetlain na Program Priviu	
7.15PM Musik na Chit-Chat	
7.30PM Nius na Karen Afes	
8PM Focus	
8.15PM Musik/Spots	
8.30PM NUIS	
8.40PM Mama Graun Riplei	
8.55PM Musik	
9PM Stesen Pas	
FONDE Morning	6AM Stesen Op - Nius Hetlain - Musik na ol intaviu
6.30AM Nius na Karent Afes	
7AM Stesen Pas	
Nait	7PM Stesen Op
7.01PM Ol Hetlain na Program Priviu	
7.15PM Musik na Chit-Chat	
7.30PM Nius na Karen Afes	
8PM Youth	
8.15PM Musik/Spots	
8.30PM NUIS	
8.40PM Focus Riplei	
8.55PM Musik	
9PM Stesen Pas	
FRAIDE Morning	6AM Stesen Op - Nius Hetlain - Musik na ol intaviu
6.30AM Nius na Karent Afes	
7AM Stesen Pas	
Nait	7PM Stesen Op - Ol Nius Hetlain/Program Priviu
7.05PM Musik na Chit Chat	
7.30PM Nius	
7.40PM Wantok	
8PM Lokal Ben	
8.30PM Nius	
8.40PM Musik/Chit Chat	
9PM Stesen Pas	
SARERE Nait	7PM Stesen op - Ol Nius Hetlain/Program Priviu
7.05PM Musik na Chit Chat	
7.30PM Nius	
7.40PM Wantok	
8PM Lokal Ben	
8.30PM Nius	
8.40PM Musik/Chit Chat	
9PM Stesen Pas	
SANDE Nait	7PM Stesen op - Ol Nius Hetlain/Program Priviu
7.05PM Musik na Chit Chat	
7.30PM Nius	
7.40PM Femiil Blong Serah (Redio Plei)	
8PM Lukiuk Bek Long Wik	
8.30PM Nius	
8.40PM Musik/Chit Chat	
9PM Stesen Pas	

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

Pacific BEAT Listen to Radio Australia 101.9FM Port Moresby

4, 5, 6am & 4pm, 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

RAGBI MORATA OV SISEN RAGBI LIG
Sarere - Februari 4, 2006

C Gret
09:00 Community Tigers vs Northern Warriors
09:30 Giburi Raiders vs TS Hawks
10:00 Mumuts vs Kongo Ratz
10:30 Gateway Sharks vs Megusa Brothers
11:00 Eastern Eels vs Wata Rangers
11:30 Talapia Magpies vs M3 Bulldogs
12:00 West Kanges vs Newtown Knights

B Gret
12:30 Community Tigers vs Northern Warriors
1:30 Giburi Raiders vs TS Hawks
2:30 Mumuts vs Kongo Ratz
3:30 Gateway Sharks vs Megusa Brothers
4:30 Eastern Eels vs Wata Rangers

Sande - Februari 5, 2006
B Gret
09:00 Talapia Magpies vs M3 Bulldogs
09:40 West Kanges vs Newtown Knights

A Gret

10:20 Community Tigers vs Northern Warriors
11:20 Giburi Raiders vs TS Hawks
12:20 Mumuts vs Kongo Ratz
1:20 Gateway Sharks vs Megusa Brothers
2:20 Eastern Eels vs Wata Rangers
3:20 Talapia Magpies vs M3 Bulldogs
4:20 West Kanges vs Newtown Knights

OKUK MORI ROGERSON KAP
Mesa semi fainol
Sande - Februari 5, 2006
B Gret
11:00 Daima Gunz vs 4 Mile Cats
12:00 Moitaka Dragons vs Gordon Ridge
Byes: 5 Mile Spiders, Kone Sharks
A Gret
1:00 4 Mile Cats vs Oitomo Barbarians
2:00 Moitaka Dragons vs N33 KM Storms
Byes: 7 Mife Jets, D8 Moaquitoes

NETBOL NCD PRAIVET KAM-PANI NETBOL
Sande - Februari 5, 2006

Primia Divisen - Kot 2
1:00 Fairdeal vs BSP 1
1:45 Kina vs P-Print 1
2:30 Brian Bell vs Daltron
3:15 Kenmore 1 vs Courts
Divisen 1 - Kot 3
1:00 STC Fin vs Theodist
1:45 Datec 1 vs SPB 1
2:30 OSL vs NTIL
3:15 Pryde vs HDPNG
Divisen 2 - Kot 4
1:00 CCA vs Pomtrans
1:45 ANZ vs AHC
2:30 QBE vs GFI
3:15 Datec 2 vs Bye
Divisen 3 - Kot 5
1:00 Brian Bell vs Kumul Hotels
1:45 The National vs WPC Askonce
2:30 C-Bros vs PWC
3:15 LBC vs B-Bros 1
Divisen 4 - Kot 6
1:00 PNGSF vs Andersons
1:45 Moore vs STC Shipp
2:30 Meddent vs BSP 2
Divisen 5 - Kot 7
1:00 Able vs Fincorp
1:45 Renos vs Mirupasi
2:30 POSF vs Pac. Industries
3:15 C-21 vs Boroko Motors
Divisen 6 - Kot 8
1:00 Raywhite vs STC Hardware
1:45 Johnstons vs Air Niugini

2:30 Parak RH H-Mart 1
3:15 Ela Motors vs Bye

Divisen 7 - Kot 9
1:00 APNG vs Cui. Delight
1:45 DHL vs Star-Fisheries
2:30 Pro-Clean vs Arnotts 1
3:15 P-Print 2 vs City Pharmacy
Divisen 8 - Kot 10
1:00 Nasfund vs Copytek
1:45 Kassman vs B-Bros 2
2:30 STC Hotels vs Bye
Divisen 9 - Kot 11
1:00 MRDC vs Kenmore 2
1:45 Deloitte vs Temis
2:30 IPA vs Global
3:15 Veupunama 1 vs Bye
Divisen 10 - Kot 12
1:00 EFM vs Arnotts 2
1:45 Veupunama 2 vs PDE
2:30 Sinton vs Bye

VOLIBOL MORATA MERI VOLIBOL
Sande - Februari 5, 2006
B Gret - Kot 2
1:00 Community Tigers vs Northern Warriors
1:30 Giburi Raiders vs TS Hawks
2:00 Mumuts vs Kongo Ratz

2:30 Gateway Sharks vs Megusa Brothers
3:00 Eastern Eels vs Wata Rangers
3:30 Talapia Magpies vs M3 Bulldogs
4:00 West Kanges vs Newtown Knights

A Gret - Kot 1
1:00 Community Tigers vs Northern Warriors
1:30 Giburi Raiders vs TS Hawks
2:00 Mumuts vs Kongo Ratz
2:30 Gateway Sharks vs Megusa Brothers
3:00 Eastern Eels vs Wata Rangers
3:30 Talapia Magpies vs M3 Bulldogs
4:00 West Kanges vs Newtown Knights

KRIKET POT MOSBI KRIKET GREN FAINEL
Sarere 4/2/06
A Gret
9:00 BNG Poreporena v Mobil Steamships Colts
B Gret
12:30 Chubb United v BNG Poreporena HMS2
12:30 BP Cheung v KCC STC
Anda 19


8:10 BNG Poreporena v Chubb United HMS
8:10 Mobil Steamships v Lamana Mariners Amini
Anda 15
9:00 KCC v Lamana Mariners Nomads
9:00 BNG Poreporena v Raukele STC
Meri
12:30 Chubb United v KCC Nomads
Sande 5/2/06
A Gret
9:00 BNG v Mobil Steamships Colts
B Gret
12:30 Taora v Mobil Steamships Amini
12:30 Aussie Hi Comm v Sup. Aroma Coast STC
Anda 19
8:10 Taora v KCC Amini
Anda 17
8:10 Lamana Mariners v Chubb United HMS2
8:10 BNG Poreporena v KCC STC
Anda 15
9:00 Chubb United v TST Coasters Nomads
Meri
12:30 Lamana Mariners v BNG Poreporena HMS2



PAIA LAIT: Dispela wiken em i semi fainol na paia i kirap long tim bilong Okuk Mori Rogerson ov sisen ragbi lig pilai long Pot Mosbi olsem yu ken lukim long hia.



YU LAIK GO WE? Agnes Tulapi bilong NBC i no laik givim sans long Alice Andrew bilong Telikom long NCD Publik Sevans netbol pilai long las Sarere long Rita Flynn Kot.



EM FOA YAH: Mobil Steamies batman i laik hamarim gut dispela bal long Hebou Pot Mosbi Kriket pilai long Colts pilai graun las wiken. Dispela wik ol i go insait long gren fainol.



YU PINISI! Paul Kirita bilong Ice Kopez i ting em bai autim Elcom pilaia tasol pawa pilaia i spit olse roket na go seif long bes.

Foto: ANDREW MOLENNI

Roosters bai yusim Anasta



TRU YET: Roosters kosa Ricky Stuart (lep han) i sindaun amamas wantaim Andrew Johns (namel) na Braith Anasta long taim bilong las yia Stet ov Orijin pilai.

SIDNI, Australia: Nupela rikrut bilong Sidni Roosters Braith Anasta na Ashley Harrison bai tupela bilong ol pilai husat bai stap insait long Roosters tim long pilai egensim Manly long namba wan 2006 trael pilai long narapela mun.

Roosters kosa Ricky Stuart i tokaut long ol tupela pilaia wantaim ol pilaia bilong klab husat i bin i bin stap insait long Trai-Nesen tim.

Long em i pilim pen long abrus long go insait long 2005 fainol Stuart long statim 2006 sisen i laikim ol pilaia bilong em i mas stap long wanpela kem pastaim bipo long ol i go insait long ol pilai bilong ol.

"Ol pilaia i bin stap long wanpela longpela ov sisen taim we ol i hagre pinis long kamap long pilai gen na hatim skin," Stuart i tok.

"Mipela i gat sampela ol namba wan pilaia na olsem long givim sampela tingting bilong go insait long pilai bipo long ol i go insait tru tru i gutpela na bikpela samting.

"Mipela i lukim dispela pilai olsem em i bikpela samting. Mipela i gat ol nupela na planti moa em ol i stap bilong mipela i lukim na skelim ol long putim ol insait long tim.

"Bikpela samting em olsem mipela i gat nupela wok bung long skram bes na i gat nupela kepten long Craig Fitzgibbon."

Ol Roosters long dispela i kisim Anasta long ol Bulldogs na Harrison long ol South Sydney we long dispela Stuart i tok kamap bilong dispela Stet ov Orijin pilaia bai putim moa paia long tim long mekim gut.

"Braith wantaim Ashley i mekim mi i amamas long pilai bilong ol. Mi save long taim mi toktok wantaim tupela olsem ol i no laik long wet long kamap long dispela pilai long Sentrel Kos (Nu Saut Wels).

"Kamap long namba wan pilai long klab bilong yu i bikpela samting," Stuart i tok.

"Las yia trael pilai bilong mipela i no bin kamap gut tasol long dispela yia mipela i laik stat gut."

Na long narapela nius ol pilai bilong 2006 Nesenel Ragbi Lig bai stat long Fraide Mas 10.

Long dispela taim las yia sempion West Tigers bai pait wantaim St George Illawara Dragons long Telstra Stedum.

Bai i gat tripela pilai i kamap long dispela Telstra Stedum tu we bai lukim Tigers i ran egensim Dragons, Bulldogs bungim Panthers na Rabbitoh long ron wantaim ol Roosters.

Sampela samting long 2006 NRL kalenda:

- FRAIDE Mas 10, 2006 NRL sisen i stat;
- NAMBA wan Harvey Norman Stet ov Orijin pilai, Sidni Mei 24;
- NAMBA tu Stet ov Orijin long Brisben Jun 14;
- NAMBA tri Stet ov Orijin long Melbon Julai 5.
- SEPTEMBER NRL gren fainol

Klostu Chelsea i lus long Charlton Athletic

LONDON, Ingran: Long wanpel sisen mipela i ken lukim olsem Chelsea i no winim wanpela Ingran Primia lig pilai.

Na maski em i wok long lus isi is long ol poin bilong em long go pas long kompetisen em i strong yet long sanap na kamapim ol gutpela pilai.

Las Sande i lukim klostu em i go daun long narapela tim long siti bilong em yet em Charlton Athletic we i lukim em i dro wantaim ol 1-1.

Dispela i lukim em i pinisim dispela 11 pilai ron bilong em long ol pilai bipo. Planti ol pilaia i no moa putim tingting long pilai strong.

Na dispela lus bilong ol i lukim tu namba tri lus bilong ol long 23 pilai em i kamap long dispela sisen.

Eidur Gudjohnsen i putim 19 minit gol tasol Marcus Bent i kam bek long

mekim gutpela tim i gat wankain skoa long 40 minit.

Bagarap bilong difenda Rio Ferdinand i lukim Manchester United i mekim 1-0 win antap long Liverpool we i no bin lus long las 11-pela lig pilai bilong ol. United nau i go pas long kompetisen.

Na maski ol Red Devil i rausim tupela poin long lus bilong ol em i ron bihain tasol long Chelsea.

Na United i go foa poin bipo long Liverpool tasol ol Reds i gat tupela moa pilai bipo long ol manmeri i save husat i stap lida bilong kompetisen.

Gol bilong James Beatties i helpim Everton long winim Arsenal 1-0.

Na namba foa plse Tottenham Hotspur i no inap long painim wei long autim tiket bilong Aston Villa long pilai bilong ol.

Smith helpim Saut Afrika long win

PERTH, Australia: Saut Afrika Proteas kepten Graeme Smith i kamapim ol gutpela pilai long pilai olsem betman na filman (i stap na holim ol bal).

Dispela i mekim em i go pas long tim bilong em long hofim pasim ol ran bilong Sri Lanka na hamarim ol aste.

Long dispela taim Sri Lanka i kamapim tasol 9/222 na Saut Afrika i abrusim ol i go long kamapim 5/224 ran.

Long dispela Saut Afrika nau bai bungim Australia long fainol bilong Trai Nesen pilai.

Saut Afrika i stap tripela poin i go pas long ol Sri Lanka long tupela pilai. Dispela em i namba foa lus bilong ol Sri Lanka.

Smith i bin gat bilip olsem tim bilong em bai go insait long ol fainol yet.

"Mipela i gat tripela moa pilai long kompetisen na tru tru mipela bai go insait gen long moa long wanpela," em i tok.

"Mipela i save wanpela inap kisim mipela i go long ples na go het moa long narapela pilai long Fraide (tumora) egensim Australia long Melbon.

"Dispela bai lukluk bilong mipela na olsem mipela bai lukautim gut na olsem dispela bai gutpela long ol yangpela husat i stap na olsem mipela bai long wanpela pilai na go long narapela."

Long pilai bilong tupela Sri Lanka i bin stat gut we ol i mekim 1/137 ran tasol olgeta samting i bruk daun taim man-ov-da-mets Saut Afrika kepten i kisim 3/30.

Opena Sanath Jayasuriya (86 ov 65 bal) i bin kirapim das long pilai tasol sapat long em i no bin kam gut na olsem em i mas bruk daun.



YAH: Saut Afrika kepten Graeme Smith i hapim han long taim ol i winim Sri Lanka 5/224 long Perth, Australia aste nait.

Ol i bin abrusim 90 ran mak long 15 ova bipo long Mubarak i go aut taim Smith i kisim ol we dispela i brukim 94 ran.

Bihainim dispela Jayasuriya i kamap wantaim bilip olsem Sri Lanka bai ron gut taim ol i mekim 100 ran tasol gen Smith i no wet taim em i boul we Jayasuriya i paitim kranki bal na Ashwell Prince i holim dispela bal.

Mahela Jayawardene (1) i kisim taim nogut taim em i mekim lbw na Kumar Sangakkara husat i mekim 16 ran em Justin Kemp i holim bal bilong em long taim Charl Langeveldt i boul.

Dispela kain bagarap i go moa we dispela i lukim Sri Lanka i lus kranki long han bilong Saut Afrika long Perth.

Federer bai tanim olgeta ston long Frans Open

MELBON, Australia: Roger Federer bai i no inap long givim sans long winim Frans Open we dispela em i bai soim long gren slem, winim planti bikpela pilai long wanpela taim.

Win bilong em long Marcos Baghdatis long Sande long Australia Open i lukim em i winim 7-plea gren slem long singel taitol na sapos em i win dispela bai lukim em i kamapim samting ol i kolim "Roger Slem."


Federer i winim Wimbledon na US Open las yia na i winim Australia Open long las Sande long Melbon na sapos em i winim Frans open dispela i kamapim biknem long em.

Dispela namba wan pilaia i hop long kisim Australia kosa bilong em Tony Roche long Yurop long redim em yet gut long Frans Open.

Roche i no save rauri planti wantaim dispela namba wan pilaia bilong em tasol i tingting long go kwik taim long Yurop long helpim Federer i redi.

"Tony i kam long Hamburg las yia we mi ting em i kam hariap' tumas," Federer i mekim dispela tok bipo long ol niusman.

"Nogut em i kam wanpela wik bipo na ating long Rome. Mipela bai lukluk long dispela. Tru tru



EM I KAM: Roger Federer i mekim wanpela muv bilong em long Australia Open. Kain was i save helpim em long paitim gut ol bal.

em bai mekim gen dispela wok-abaut. Mi amamas tru long dispela. Long win bilong em long Australia Open Federer i kraik long wanem i lukim olsem dispela pilai i bin hatpela pilai tru na em i ting em bai lus tasol gutpela tru na em i win.

Dispela i soim narapela sait bilong Federer we maski em i namba wan pilaia long wol long dispela taim em i save olsem olgeta samting i no save kamap isi. Manmeri i mas wok hat long

painim. Bihain long Australia Open planti ol tenis i kamap long renk bilong ol manmeri long tenis pilai.

Renk bilong ol pilaia long wol i sanap olsem: Man- Roger Federer, Markos Baghdatis, David Nalbandian, Nicolas Kiefer, Ivan Ljubicic, Nikolay Davydenko, Jarkko Nieminen, Fabrice Santoro.

Ol meri em- Kim Clijsters, Amelie Mauresmo, Lindsay Davenport, Maria Sharapova, Justine Henin-Hardenne, Mary Pierce, Nadia Petro.

SPOT RAUN

wantaim

SCOTT VAVINE



Spot na fanresing

LONG kamapim gutpela mak long wanpela samting dispela i nidim gutpela sapot na gutpela taim. Na dispela i no narakain long ol pilai o long ol grup bilong pilai.

Olgeta pilai o grup bilong pilai i nidim mani, maski em i bikpela ol liklik i mas i gat samting ol i kolim mani long kamap long sampela kain gutpela mak.

Papua long dispela taim i bungim hevi long saif bilong mani na dispela i hat long ol pilai tu. I gat inap mani manmeri i kamapim gutpela pilai.

Tasol bikpela tok tenk yu i go long ol grup we maski i nogat gutpela mani ol i wok hat long sampela wei long lukim ol pilai i kamap na i go het.

Long stat mi ken tok olsem pilai long ai bilong gavman i no bikpela samting tumas long wanem em i samting bilong amamas tasol.

Dispela i min olsem yu wankain pilai o grup long ai bilong gavman yu em non gavman grup tasol. Na i nogat fanding long wanwan ol spot grup olsem Australia gavman i gat long ol pilai bilong em.

Long dispela as planti ol spot grup bai oltaim painim hat kamapim ol gutpela pilai. I nogat isi mani.

Tasol long helpim mipela i skruim wok bilong pilai wanpela wei em long fanresing.

Na taim mi tok fanresing dispela mi save i olpela nem long yau bilong ol manmeri, ol i save wanem samting em i fanresing.

Na em i no nogat samting. Em i gutpela samting. Dispela i save helpim mipela long i gat mani na ronim ol pilai.

Sapos i gat mani tru we i save kam long sampela wei long ronim ol pilai orait fanresing i stap olsem saif mani.

Dispela saif mani em mipela i ken yusim long baim ol yunifom, bal o holim ol miting.

Tasol long grup long mekim fanresing dispela em i no isi. Dispela i min olsem grup i mas bung na kamap wantaim ol wei na ol hap bilong kamapim fanresing.

Na pastaim long dispela manmeri i mas kamap wantaim baset bilong pilai. Em i mas save hamas mani em i nidim long ronim ol pilai.

Na sapos em i lukim olsem mani bilong em i sot long samepa hap orait em i mas wok hat long kamapim mani long helpim dispela program i go het.

Na fanresing em i dispela samting we bai helpim em long kamapim dispela mani. Em i ken askim tu long sponsasip.

Dispela em i ken askim ol bikepla bisnis haus o kampani long mekim sponsasip.

Grup i mas makim komiti we bai go pas long dispela fanresing. Nogat komiti nogat man bai go pas long kamapim ol fanresing na lukautim ol mani.

I mas i gat plen long wanem taim dispela ol fanresing i mas kamapim na long wanem taim grup i mas kamap long mani mak em i bin laikim long em.

Sapos kain bung na plen i no stap dispela i ken holim bek tingting na laik bilong mipela long kamapim gut ol pilai.

Em i wok bilong olgeta lain husat i pas long wok bilong pilai long kamap na mekim ol samting.

Mi hop olsem bihain long dispela toktok ol pilai o spot grun i no sindaun long wet long ol samting i kamap nating. Nogat. Mipela i mas wokhat long ol hap we i nogat gutpela sapot i kam long em.

Tasol maski wanem samting mipela i mekim em i tingting bilong gavman long givim gutpela luksave i go long spot. Na dispela gutpela luksave em i ken givim taim em i kamapim baset bilong ol pilai yet o i sponsaim ol pilai.

Ol klab mas baim fi: Ravu

ragbi

Paul Zuvani i raitim

LONG tumora Fraide ol klab long Pot Mosbi i mas baim pinis K800 afliiesen fi bilong ol.

Na long dispela presiden bilong lig Solomon Ravu i tok em i amamas long 11-pela klab husat i kamap na soim mak bilong baim. Tasol em ol narapela husat i no soim mak long tokaut long tingting bilong em.

Ravu i mekim dispela toktok long taim Lig i redi long holim AGM bilong em long dispela Sande.

Dispela AGM bai kamap long Gateway Hotel stat long wan (1) kilok avinun.

Na oisem pastaim long ol klab i kamap ol i mas baim pinis afliiesen fi bilong ol.

"Sampela klab em mipela i soim ol tok lukaut pepa olsem sapos ol i no bihainim ol lo bilong lig lig i gat atoriti o rait long rausim ol," Ravu i tok.

"Long dispela as em i bikpela samting olsem ol i bihainim ol lo na wanem samting em lig i askim long em," Ravu i tok.

"Ol i mas kamap wantaim ol afliiesen fi, soim ol miting bilong klab bilong ol long taim bilong Eneue Jenerol Miting (AGM), soim ol pilai namba bilong ol pilai bilong ol na ol opisel wantaim. Ol i mas soim tu ol yunifom na tokaut long ol junia tim bilong ol. Ravu i tok sampela ol nupela klab husat i soim laik long joinim



TAIM BILONG MITING: Pot Mosbi ragbi futbol lig siaman Solomon Ravu (lep han) wantaim jenerol menesa bilong em Veks Ragi i sindaun long wanpela miting bilong ol.

lig i ken kamap long miting tu tasol ol bai stap olsem ol obseva tasol.

Bihain long dispela AGM bai kamap long Sande Februari 5, 2006. Ol klab husat i no mekim ol samting long taim bai lus long 2006 sisen.

Ravu i tok long kamap long 2006 AGM em i gutpela olsem ol i mas kamapim wantaim ripot bilong ol long 2005 sisen.

Em i tok bikos long namba bilong ol klab husat bai kamap long ol pilai gren fainol bilong Lig bai kamap long Oktoba 1, 2006. Ol narapela samting we bai kamap long miting em long kamapim

2006 kalenda, we AGM bai kamap long Februari 5, PRL Naines (9s) tonamen long las wiken bilong Februari, raun SP POM Lig pilai long Mas 11 we ol NRL pilai i stat tu wantaim.

Prisisen 9s pilai bai kamap wantaim ol tim bilong las yia gen wantaim sampela ol sebeb tim.

Long POM Referi asosiesen Ravu i askim Asosiesen long salim nem bilong ol i kam long lig bipo long PNGRFL i holim miting bilong em long Lae long dispela Sande tu. Em i tok em i bikpela samting olgeta lain i mas kamap.

Lae lig pri-sisen 9s bai stat

Bustin Anzu i raitim

PRESIDEN bilong Lae ragbi lig Daniel Nandoma i tok pri-sisen 9s bai stat long pinis bilong dispela mun. Sisen propa bai stat bihain tasol long Ista Kap Salens.

Em i tok nau yet ol i wet long Papua Niu Gini Ragbi Futbol Lig (PNGRFL) long tok aut long kalenda bilong ol.

Dispela bai mekim isi long ol lig insait long wokim kalenda bilong ol yet.

Mista Nandoma i tok long General Komiti miting bilong

ol long Februari 18, olgeta klab mas kam wantaim olgeta pepa na klab afliiesen fi. Taim ol i peim dispela mani, bai ol i kisim registresin fom na ol narapela pepa.

"Olgeta klab mas peim dispela moni pastaim. Long dispela miting bai mipela sindaun na lukluk long ol dispela samting. Sapos ol klab i no redi yet, orait bai ol i kisim bikpela mekim save long ol dispela klab," em i tokim Wantok aste.

Em i tok bihain long dispela miting, pri-sisen 9s bai stat

bihain long tupela wik. Long April, long taim bilong Ista, bai igat Ista Kap Salens.

Dispela em wanpela bikpela pilai we i bin pulim planti man meri na planti mani. Tasol long las 4-5 pela krismas, dispela pilai ino gat strong bilong em. Olsem na aninit long nupela presiden, em laik bai dispela pilai mas kamap bikpela moa yet long dispela yia yet.

Nandoma tok sampela kampani pinis long sponsorim dispela pilai na ol i soim bikpela laik bilong ol long sapotim

ragbi lig. Em i tok tu olsem kalenda bilong SP kap i kam aut pinis na ol bai fitim kalenda bilong Lae ragbi lig long igo insait long dispela.

Presiden Nandoma i tok ol klab mas redi tu long peim registresin bilong ol Teknikol opisols bilong wan wan gret. Wanwan klab i mas gat 4 pela gret na ol mas i gat 3-pela Teknikol opisols - kosa, trena na tim manager.

Wanwan i mas baim K30 olsem registresin fi bilong ol yet.

Morata Blues pasim Stet ov Orijin 3-0



BLUES TASOL: Morata Blues i kambek strong insait long namba tri stet ov orijin gem bilong Morata lig long winim gem 26-16 na kisim siris bilong dispela sisen, 3-0.

Dispela wiken bai ol gem bilong Morata lig i kamap ken na menesmen bilong Lig i laik tok amamas tu long Post courier, National na Wantok Niuspepa na ol narapela midia ogenaisesen long karapim ol Stet ov Orijin gem bilong ol.

PNGRFL bai pilai wantaim Malta na Junia Kangaroo

PNGRFL

Paul Zuvani i raitim

PAPUA Niugini Ragbi Futbol Lig bai kamapim wanpela bikpela pilai wantaim kantri ol i kolim Malta.

Dispela pilai bai kamap long Oktoba bihain long dispela yia. Na PNGRFL bai kamap PNG Presiden 13 long salensim Malta. PNGRFL i tokaut long dispela long 2006 kalenda bilong em.


Dispela em i namba wan taim kain pilai bai kamap na i gat save olsem i planti ol PNG manmeri i no save gut long rekot bilong Malta long pilaim ragbi lig pilai.

Malta i wanpela kantri long Midol Is.

Wantok Spot i ringim PNGRFL opis tasol i no bin inap long kisim toktok long dispela opis long kamap bilong dispela pilai.

I nogat save wanem ples em dispela pilai bai kamap na i hamas taim bai tupela kantri bai kamapim kain pilai namel long tupela.

Narapela bikpela pilai em PNG Presiden 13 bai pilai wantaim Junia Kangaroo long Oktoba. Na gen i nogat save wanem hap em dispela pilai bai kamap na hamas taim bai tupela i pilai egensim tupela yet.



TRAIM PASTAIM: I luk olsem PNG PM 13 Stanley Hondina bai go pas yet long PNG tim long pilai egensim tupela tim.

Wantaim dispela pilai ol narapela samting we bai kamap tu em Milo Skulbois Anda 16 tim long go pilai long Nu Saut Wels (Australia). Dispela pilai bai kamap long Julai

8 i go inap long 11. Ol arapela samting we bai kamap em long kamap bilong biknem SP Kap resis long Epril, Jon sempionsip long Julai na Skulboi pilai

long Mei. Long Januari na Februari em PNGRFL i makim bilong ol lig long afiliat na rejisterim ol pilaia bilong ol.

Namel long Februari na Epril em ol kosing klinik bai kamap we wanpela opisel bilong Australia Ragbi Lig bai kam long Kwinnslen na ronim dispela ol kos.

Long Mas em prisen pilai bilong ol sinia na junia klab.

Long SP Kap resis 9-pela tim bai kamap em sempion Rabaul Agmark Guria, Pot Mosbi Brian Bell Bulldog, Lae LBC Bombers, Goroka Coca Cola Lahanis, Mt Hagen Chemica Cowboys, Mendi Mabey Johnson Muruks, Wabag Toyota Micks na nupela Wari Vele Raiders. Narapela tim Kundiawa Pagini Warriors i no mekim opisel toksave yet long kamap bilong ol tasol PNGRFL i save olsem ol bai kamap. Pot Mosbi Monier Broncos em sponsa Monier long hevi bilong mani i lusim dispela sponsasip bilong ol.

Tasol PNGRFL i save olsem menesmen i painim yet sponsa bilong dispela tim na i gat save olsem ol toktok i wok long kamap namel wantaim sampela ol sponsa long kamap na givim sponsasip bilong ol.

Gren fainel bilong SP Kap bai kamap long Septemba 24.

Pot Mosbi rot rana kamap gen

rana

LONG dispela wik ol Pot Mosbi Rot Rana bai bung long Bava Strit na Taurama Rot long kisim resis i go long Taurama Bareks. Dispela ron ol i kolim Mike Joyce ron bihainim nem bilong bipo rana husat i save kamap long dispela resis tasol nau i dai pinis. Las wik Sarere i lukim ol ron manmeri bilong Pot Mosbi Rot Rana i kamap long Gaden Hill we ol i resis long 2km na 8km ran. Planti ol lain i save kam bek long malolo na ol i laik stat ron gen. I luk olsem sampela ol i fat liklik na ol i nogat gutpela spit long wanem ol i no bin ron long taim bilong malolo. Long 2km resis Koyabe Pi i resis na kamap long taim 8 mini 41 seken tasol i no save gut long ron na olsem Noko Negosa i abrusim em na kisim namba wan ples long pinis long taim 8 mini 39 seken. Richard Waninara i kisim namba tri ples long pinis long taim 9 mini. Long 8km resis planti lain i wok hat tru long go antap long Friwe i go daun long bikpela ston i stap long sait bilong Konedobu. Long dispela nupela rona Lawrence Chandy i pinisi ron long 31minit 15 seken we em i mekim gutpela spit tasol em i no inap long winim olupela rekot. James Gurumi i kamap namba tu ples taim em i pinis long long taim 32 minit na Kesa Nathan i kamap long namba tri ples long taim 32 minit 42 seken. Long baksait long resis em Paul Crouch-Chivers na Brendan Walsh i bin mekim gutpela resis na givim siksti i go kamap na pinis. Ol i bin pinis wantaim long taim 46.22 minit.

Pini kamap long 100m bataflai

swiming

PNG swimming sempion Ryan Pini tede bai swim long 100m bataflai resis nau, em resis em i gutpela long em. Pini i tokim Wantok Spot long aste olsem long Mande, Tunde na Trinde em i no bin swim strong long wanem em i laik kisim ol dispela resis long strongim em tasol. "Mi swim gut na olsem mi kamapim pesinol bes. Mi laik long swim hariap tasol mi bodi bilong mi les liklik," Pini i tok. Long Mande Pini i resis long 50m bekestrok na kamap long taim 27.2 seken na long Tunde em swim long 50m bataflai na kamap long taim 25.03 seken na long Trinde em i swim long 100 fristail na kamap long taim 51.68 seken. Long Tumora em bai kamap long 50m fristail na long Sarere em bai kamap long 100m bataflai. Long Mande, Tunde na Trinde em i salens wantaim Matt Welsh, Geoff Huegill na Eam Solomon. Ol dispela man Pini i tok i Australia sempion long wanwan ol dispela resis.

Yao kamapim bikpela resis

etletik

PNG long distens rana Sapolai Yao husat bai go long Sidni long resis long 3,000m resis long las wik Fonde i kamapim bikpela rekot long PNG long distens histri. Long dispela resis em i kamap long taim 9 minit na 36 seken. Em i kamapim dispela resis bihain long 34 krismas we i nogat wanpela man i brukim yet. Long Ogas 27, 1971 John Kokina i ran na kamap long taim 35 minit na 25 seken. Yao i stap tren wantaim PNG Etetik Yunion tim long kwalifai na kamap long Mas Melbon Komenwel Gem. Long tede em bai go long Sidni wantaim hedola Mowen Boino na ol meri olsem Mae Koime, Toea Wisit na Salome Delf long traim Australia nesene sempionsip.

Grasrut gat sans long winim spot awot

PNGSF

Paul Zuvani i raitim

LONG Tunde dispela wik Papua Niugini Spot Federesen na Olimpik Komiti i bung wantaim SP Bruweri we ol i lonsim 2006 spot awot bilong ol.

Dispela yia i makim tu 14 yia bilong kain awot olsem.

Long toktok bilong em maketing menesa bilong SP Bruweri Albert Veratau i tok olsem long dispela taim ol i laik givim luksave long ol grasrut pilaia na etministret tu.

"Planti ol lain long ples o long ol liklik hap i save givim bikpela taim bilong ol long kamapim ol pilai maski planti taim ol i nogat inap olsem samting long yusim na kamapim ol pilai," Veratau i tok.

"Wanem kain liklik samting ol i gat long en em ol i save yusim long kamapim ol pilai na dispela mipela i mas givim luksave," em i tok.

Na long SP Bruweri i sponsaim kain awot olsem Veratau i tok Bruweri i laik strongim ol pilai na kisim i go antap long narapela level. Em i tok long taim Bruweri i



TAIM BILONG WIN: PNGSF vais presiden Mel Donald (lep han) na SP Bruweri maketing menesa Albert Veratau long taim bilong lonsing.

givim kain sponsasip long wankain taim em i laik salim ol pilai em taim ol manmeri i lukim i ken go insait na strongim ol yet long wei bilong pilai.

"Mipela i laik tok olsem spot em i gutpela wei bilong amamas. Mipela i bilip long kamapim ol nupela tingting na ol samting na olsem long yusim gut ol risoses em mipela i gat long en."

Na long makim ol namba wan



pilaia dispela bai hatpela wok tru long mekim bilong ogenaising komiti.

Na Papua Niugini Spot Federesen vais presiden Mel Donald i tok olsem stat long taim kain awot i kamap long 1993 namba bilong ol nominesen i go antap na praismani tu i go antap.

"Las yia mipela i lukim sampela ol gutpela mak i kamap long ol yangpela pilaia bilong mipela na

dispela em ol i soim long Palau mini Saut Pasifik Gems," Donald i tok.

"Planti bilong dispela ol pilaia i kam long developme skwat bilong mipela," em i tok.

"Ol etit bilong mipela i skruim yet gutpela mak em ol i save kamapim na sampela ol mak i mak bilong wol."

"Na mi bilip mipela bai lukim planti bilong dispela tim na i gat save olsem ol sponso olsem EMTV, Pos-Kuria, NauFM na YumiFM, Air Niugini na Crowne Plaza."

Em i wisim gutpela lak long ol etlit, kosa, etministreta, spot ripota, nesene federesen na pablik long noken abrusim kain sans olsem.

PNGDSF holim nesene pilai

... i kam long bek pes

Ol pilai em ol i makim pinis long kamap em basketbol, trek na fil, swimming, volibol, pawalifting na boccia.

Long basketbol dispela bai wil sia basketbol pilai na long trek na fil resis em ol pilaia bai yusim wil sia na i no yusim wil sia wantaim. Ol pilaia bai kamap long 100m, 200m, 400m 800m javelin, diskus na sotput.

Long swimming ol bai kamap long 50m, 100m, 200m resis long fris-

tail na bekestrok iven.

Tuna husat i wok wantaim Julian Toscano wanpela Australia volitia man long PNG Spot Komisen i tok olsem moa long 250 spot manmeri i bin kamap long dispela ol pilai long 2004 na dispela yia ol i bilip namba bilong pilaia long kamap bai i go antap moa.

Ol i tok dispela yia sempion lsten Hailans bai kamap gen long difenim taitol bilong ol tasol ol i bilip tu olsem ol tim long NGI, Sentrel na Morobe yet bai laik kisim dispela taitol na olsem ol pilai bai kamap

strong. Dispela ol pilai i kam bihainim gutpela wokbung namel long PNG Disabiliti Spot Federesen (PNGDSF) na Morobe Disabiliti Spot Asosiesen (MDSA)

Bipo PNG nesene pilaia na Morobe MDSA presiden Iwakie Tumala PNGDSF presiden Ben Theodore na seketeri Benedict Hipom i wokbung wantaim lokel ogenaising komiti long toktok wantaim gavman na kisim sampela helpim long em.

Tuna i tok PNGSC bai helpim

long ronim sampela rifresa kos long ol opisel long ronim dispela pilai long soim olsem mak o level ol pilaia i pilai long em i kamap long level bilong intenesenel pilai long ol pilai bilong ol lain husat i gat bagarap long bodi.

Ol lain husat i laik salim tim o i laik save moa i ken ringim Tumala o Hipom long telepon namba 472 1963 imel long adres dsf.png@hotmail.com o dsf.png@datec.net.pg o VSO wilsia kodineta Cathy Ketepa 472 2159 o long Tuna 325-1991.

**LAE
BISCUIT CO.**



WANTOK

SPOTS

**LAE
BISCUIT CO.**



PNG Disabiliti Spot Federesen holim Nesenel pilai

Paul Zuvani i raitim
MOA long 6-pela spot bai kamap long 19 PNG Disabiliti Spot Federesen nesenel gem long Lae long dispela Septemba 11 i go inap long 14, PNG Disabiliti Spot menesa

Sophie Tuna i tok long dispela wik.
Tuna i tokaut long dispela bihain long Federesen i holim eksekutiv miting bilong em long Lae long las wiken.

I go moa long pes 31...



TAIM NAU: PNG na Saut Pasifik spitmeri Mae Koime i resis wantaim ol rana bilong Australia long Kwinslen Stet sempionsip las wik. Em wantaim ol narapela top PNG rana bai go long Sidni tede long resis long Australia nesenel sempionsip.

Pes 29
Roosters yusim Anasta long namba wan pilai

SHARP
PNG's No.1 Brand

RADIO CASSETTE RECORDER

TOP
QUALITY MODELS
TO CHOOSE
FROM



K **779.00**

GXCD1300V

- Portable VCD/CD Stereo Component System • PMPO 200W**
- 2 Way 4 Speakers Surround Sound System and MP3 Function
 - 3 Band Graphics Equalizer
 - Variable X-Bass System
 - 4 Band (FM/ AM/SW1/ SW2) Tuner



K **97.00**

QT222WBK

- Radio Cassette Recorder that Delivers Quality Sound on the move • PMPO 20W**
- ALC (Automatic Record Level Control) Soft Eject Cassette Mechanism
 - 4 Band (FM/SW1/SW2/MW Tuner • Built-in Condenser Microphone



K **219.00**

QTCD700W

- Compact and Stylish Portable CD Stereo System with Cassette Deck**
- PMPO 32W Built-in CD player
 - Built-in Cassette Deck
 - Built-in Inner Microphone
 - LCD Display for CD
 - 20-Programmable Playback for CD • AM/FM Stereo Tuner

BUY WISELY - ALL PRODUCTS BACKED BY BRIAN BELL'S WARRANTY, SPARE PARTS & SERVICE

AVAILABLE AT ALL BRIAN BELL STORES & AUTHORISED SHARP DEALERS NATIONWIDE

Distributed by: **Brian Bell** Shop with a friend